



R 43.13 1609
1.00 RUCKER, M.P.
h - Ac 1vo 1 102

9827461

UNIVERSITY OF
TORONTO LIBRARY

The
Jason A. Hannah
Collection
in the History
of Medical
and Related
Sciences



OBSERVATIONS
diverses sur la sterilité,
perte de fruit, fécondité,
accouchements, et
Maladies des femmes
et enfans nouveaux
naiz.

Amplement traitées,
et heureusement pratiquées
par

LE BOURGEOIS dite Bour
sieur SAGE FEMME de
la Roine

Oeuvre vtil et nécessaire
à toutes personnes

DEDIE A LA ROINE

A PARIS
Chez A. Saugrain
rue S^t. Jacques à l'ext^r
d'argent devant
S^t. Benoist
1609

NATVRA HVMANA FRAGILIS HVMANA

DISANT.

AV MESDISANT.

ENuieux si tu as l'audace,
De t'attaquer à mes escrits,
Fay moy paroistre en quelle place,
Tu as mieux fait que ie ne dis.
Ma pratique n'est vn langage,
Ce sont veritables effects,
C'est à son port faire naufrage,
De parler sans venir aux faits.



Quand l'auguste grandeur (dont tu vois le pourtrait)
 Prist naissance ça bas. le Ciel la terre, l'onde
 S'esjouirent disants Voicy l'oeuvre parfait
 D'où nais tront des enfans, tous Monarques du Monde
 Petrus Ferrus fecit. S. Hacquin.



A LA ROYNE.



MADAME,

*J'ay pensé que ce me seroit trop aneantir
de faire paroistre un courage lascheté & du
tout indigne, d'auoir approché de vostre
Maiesté, m'ayât fait l'honneur de m'a-
uoir choisie pour vous servir, & de puis-
sance absoluë, cõtre les mespris qui vous
furent faits de moy par quelques per-
sonnes, tant pour ma ieunesse, que pour
n'y auoir assez, à leur aduis, nõbre d'an-
nees que ie faisois profession de cet art,
& voulans du tout referer à la lon-
gueur du temps la cognoissance de toute
science. Vostre Maiesté m'ayant veüe,
dés la premiere fois, sceut par sa pruden-
ce iuger l'affection que i'auois de vous*

faire vn fidel seruice, & que ie n'auois
la façon si temeraire de m'oser presenter
deuât elle, pour m'offrir de cueillir vn si
precieux fruct que ie n'en eusse l'indu-
strie, sans l'endommager ny la branche
dont il sortiroit. Estant tres-necessaire
pour tout le bien public d'en produire
plusieurs, estans si excellens, que l'odeur
du premier, a fait reprendre les esprits
non seulement à tout le peuple François,
mais à vne infinité de Republiques, & a
rendu ceux qui vn iour se fussent voulu
aduancer d'enuahir vostre Royaume
douteux & craintifs. Il est donc bien
raison que ie me preualle d'auoir la pre-
miere iouy de la cognoissance de ceste
heureuse nouuelle, & que ie rende gra-
ces au Roy, & à vous, Madame, de m'a-
uoir fié entre les mains, ce tresor incom-
prehensible, & comme glorieuse de telle
victoire, ie sois la premiere femme de
mon art qui mette la plume en main
pour descrire la cognoissance que Dieu
m'en a donnee, tant pour faire cogn o

stre les fautes qui s'y peuent commet-
tre, que les moyens plus propres pour le
bien exercer. Lesdictes fautes estans le
plus souuent incognues aux plus doctes
Medecins & Chirurgiens, a cause que
l'œuure est interieur, la curation de la-
quelle se doit faire selon qu'il est possible.
Et qu'ordinairement la vergongne de
nostre sexe ne peut permettre qu'ils en
ayent la cognoissance que par rapport de
celle qui opere, n'en faisant tousiours
rapport veritable, quelquefois par igno-
rance, & autrefois honte de vouloir cō-
fesser sa faute, partant Madame, ie sup-
plie tres humblement vostre Maiesté,
vouloir prendre en bonne part ce petit
œuure, lequel ie vous dédie, bien qu'il ne
soit digne d'estre présenté à vostre Ma-
iesté, laquelle ie suppliray tres humble-
ment prendre ma bonne volonté pour
un plus grand effect, comme de celle qui
desire viure & mourir.

Vostre tres-humble & tres-obeissante subiette
& seruantte LOYSE BOURGEOIS.



En ce parfait tableau le defaut de peinture
 Se congnoïst aujourdhuy clairement a nos yeux
 Pource qu'on n'y peut veoir que du corps la figure
 Non l'esprit admiré par chef d'oeuvre des cieux

Thomas de Leu fecit




A V LECTEUR.



MY Lecteur, cest enfant de mon esprit creature des merites de la plus grande Rome que le ciel ait fait naistre, ne s'estalle point à tes yeux pour se faire admirer en la vanité de son langage, comme font plusieurs de ce temps. Il te dit pour vne de ses maximes veritables qu'il n'a point le fil d'une Ariadne pour te conduire avec yn plaisir doucement troyeur, parmy les contours d'un labyrinthe de paroles. Aussi ne luy ay-je donné pour tout fard que la verité, pour raison que l'experience, ny pour tesmoin que tout nostre sexe, qui ressentant en soy-mesme ce que i'en escry ne dementira iamais ma plume. C'est pourquoy ie franchy asseurement les barrieres de toute apprehension, & l'expose à toutes les bourasques que l'enuie, mere de la mesdisance, & capitale

ennemie de toutes loüables actions, pour-
rois souffler à l'encontre, m'assurant que
ayant r'apporté tes sens en la considera-
tion de ce subiect, tu loueras mon dessein
& aduoueras que c'est moy que ce n'est
point vn desir de me mettre en mire à
l'admiration, mais pour te faire veoir que
doucelement forcee par l'inclination de
mon naturel, qui est de rendre seruice à
vn chacun, ie me suis laissé vaincre à la pi-
tié de mes yeux & de mes oreilles. La nais-
sance donc de ce liure, eschantillon de ma
practique; est vne escolle où la Medecine
mariee à l'industrie de la sage femme ap-
prend à vn chacun les admirables effects
de sa diuinité. Les receptes qui ont fait
des heureux succès en tirent leur deriua-
tion, & ne s'escoulent parmy le monde
que pour l'assistance des personnes à qui,
ou la fortune, ou l'occasion deniera la
presence du Medecin: ne desirant de t'at-
tedier dauantage, ie te supplie (Amy Le-
cteur) te souuenir qu'une femme pour
seruir à toutes les autres, te represente
comme en vn miroier, choses où il y a
autant de verité qu'il y a peu d'artifice en
son discours, lequel elle te supplie rece-

voir avec autant d'affection qu'elle desire
que tous ceux qui s'en seruiront puissent
dire, *Dans mon lardin d'en art sans art elab-*
bouré, j'ay recouuert la fleur precieuse de ma
santé, te suppliant de rechef de prendre en
bonne part les fruits de ceste preiniere
impression qu'il m'a fallu cueillir auant le
temps de leur maturité, & en precipiter le
goust parauant que l'occasion & les em-
pesches qui me suruiennent d'ordinaire,
m'ayent donné le loisir d'en faire l'essay,
tant aussi pour satisfaire à l'importunité
del'Imprimeur, que pour fermer la bou-
che au mesdisant qui balance ma capacité
au poids de son iugement, te promettant
en vne secóde impressiõ, si tu l'as à gré, de
reparer le defect par vne reueuë moins
precipitée. Adieu.



DE COÛT
A LA ROYNE.

SONNET.

Royne qui n'eut iamais, en vertu sa pareille,
Non plus que ce grand Roy, son pareil en valeur
Le n'escri point cecy pour flatter vostre oreille,
I'en laisse le subiect pour quelque graue autheur.

L'argument de ce liure, où mon esprit s'esueille,
Prend son estre de vous, comme moy mon honneur,
Puis qu'en son orient, j'ay touché la merueille,
Du soleil qui nous luit, par un rare bon-heur.

Tellement qu'à bon droit, (ceste ayde de nature)
Se doit dire estre à vous, comme à la creature
Qui auez réparé le sang de Francion:

Car comme une Pirrha, vous nous donnez des filles,
Ou plustost des amours & des graces gentilles,
Et ce grand Roy des Mars comme un Dencalion.

A MADAME LA PRIN-
CESSE DE CONTY.
ROYAL A

GRande Princesse dont la gloire,
S'agraue au temple de Memoire
Ie t'ose ces six vers offrir,
A fin de faire à tous cognoistre
Qu'en moy tes vertus ont fait naistre
L'affection de te servir.

A MADAME DE MONT-
PENSIER.

ET ma plume, & ma main, croiroit estre coupable,
Puis que j'ay ce bon heur, d'auoir esté capable
De te pouuoir servir en servant ton enfant:
Si de vœux à iamais, & de saintes prieres
Ie n'alloy suppliant le pere des lumieres,
Qu'il rende son hymen de palmes triumpant,

SONNET.
A MADAME D'ELBEUF.
R. DE LA ROYNE.

Apres avoir serui, tirer de mon service
Un plus riche guerdon que ie n'ay merité,
Ce n'est point sans subiet si ie fay sacrifice
Et à toy & aux tiens de ma fidelité.

A MADAME LA DVCHESSE
DE SVLLY.

Si mon corps eust esté d'une telle nature,
Qu'en mesme heure il eust peu se placer en deux
lieux:
Dès que de te seruir ie receu l'ouverture,
L'eusse serui la Royne, estant pres de tes yeux,

A MADAME LA MARQUISE
DE GVERCHEVILLE, DAME
d'honneur de la Royne.

Les Poetes iadis ont eu leur ame esprise,
De feindre une Pallas mere de tout sçauoir.
Mais ils se sont trompez, c'est en ceste Marquise
Que la sagesse mesme à nos yeux se fait voir.

SONNET.

A MADAME GONCHINE DAME
D'ATOUR DE LA ROYNE.

Anagramme de son nom. A

LEONORE GAALIGAY.

GAGE A ROINE LOYAL.

CE fut le saint Esprit au iour de ton baptesme
Qui te fit Leonore heureusement nommer,
Nous predisant qu'un iour, tu te ferois aymer,
Comme gage loyal, d'une Royne supresme.

Or elle te cherit: & ton amour extresme
Monstre que d'autre Amour tu ne peus en flammer,
Car en la bien seruant tu te veux consommer,
Et s'il conuiens mourir, mourir pour elle mesme.

Et ainsi de ton nom les secrets caracteres,
Estans bien rapportez, descouurent les mysteres,
De ta fidelite, à qui rien n'est esgal.

Parquoy asseurement la Royne peut bien dire,
Plus grande loyauté ie n'ay pas peu eslire
Puis qu'en ce nom ie voy, GAGE A ROINE LOYAL.

A MADAME DE MONGLAS,
GOVERNANTE DE MESSEI-
gneurs les enfans de France.

POUR avoir cultivé en telle diligence
Les Palmes & les Lys qui decorent la France,
Je penseroiy faillir, si mon liure aujour d'huy,
Qui a la liberté de courir par le monde,
Ne disoit qu'en bon heur tu n'as point ta seconde,
De regir des François & de France l'appuy.

A MADAME DE HELLY.

IE ne doy point passer tes biens-faits sous silence,
Bel Astre que i'honore en sa douce influence,
Ayant luy dessus moy, pour me monstrier aux yeux
De celle qui voulut, (comme vne autre Charite,)
Employer tellement son glorieux merite,
Que ie sers l'ornement de la terre, & des Cieux.

A Monsieur

A MONSIEVR DV LAVRENS
Conseiller & premier Medecin du Roy.

Muse qui ne crains point la fureur de la Parque,
Fay moy d'un pas ailé, qu'on ne puisse esgaller
Pour ce grand Aesculape, à mon gre fendre l'air,
Et chanter de son nom quelque insigne remarque,
Ses vertus se sont mers, ou quiconque s'embarque
Doit bien considerer, avant que d'y cingler.
S'il a pour auirons le tout diuin parler
D'un Bellay, d'un Bartas, ou de quelque Petrarque
N'ayant rien de ceux-là, si sens ie toutesfois
Ie ne sçay quelque Dieu, qui me hausse la voix,
Et inspire ma plume heureusement féconde:
A escrire au iourd'huy, que ton sçauoir diuin
Tefait estre en ces iours le premier Medecin (de
Du plus grād Roy qui soit & qui puisse estre au mō-

A MONSIEVR HEROARD MEDE-
cin ordinaire du Roy, & premier de Mon-
seigneur le Dauphin.

Dv crayon de mes vers (miracle de nostre aage)
Ie n'entend de tracer cest heureux aduentage
Que tu as eu des Cieux pour te rendre immortel,
Car ie sçay qu'une fois sur le front de la gloire
Tes escrits graueront ton heureuse memoire,
Bastissant a ton los un glorieux autel.

A MONSIEVR MARTIN, MEDÉ-
cin ordinaire du Roy & de la Royne.

Puis que diuerſement *en ton ſervice*
De meſme Majesté pe. *ne t'enrichi*
Celiure de ton ias: & que dedans ces vers,
On te voye immortel triompher de la Parque
A raison que tu ſers l'eſpouſe & le Monarque
Dont le nom n'eſt borne que de tout l'uniuers.

A MONSIEVR HAVTAIN, MEDÉ-
cin du Roy.

Qu'ad ces grāds Medecins furēt entr'eux en peine.
De choiſir qui pouroit ſeruir vne grand Reine
Hautain tout hautement donna ſa voix pour moy,
C'eſt pourquoy du bon heur dont i'ay la iouiſſance,
I'en fay à tes vertus ceſte recognoiſſance,
Et le faiſant ainſi, ie fay ce que ie doy.

A MONSIEVR DVRET, MEDÉ-
cin du Roy.

IEn'oſe pas toucher vn ſeul de tes merites
D'autant que ie reſſen mes forces trop petites,
N'ayant encore aſſez eſté deſſous tes lois,
Toutesſois de ce peu dont i'ay la cognoiſſance
Ie ren dis eſte auteur (grand Apollon de France)
Qui reluis icy bas pour le bien des François.

A MONSIEVR DE LA VIOLETTE,

Medecin du Roy.

Tout ce qui se voit au monde d'admirable
Se beau de de bon, de rare, & de parfait.
Se treuve en ceste fleur, dont l'odeur agreable
Nous fait braver la mort en despit de son trait.

A MONSIEVR DE MAIARNE,

Medecin du Roy.

E me dirois ingratte & des ingrats complice
Si mon liure en son front ne t'offroit mon service.
En pay'ment des plaisirs que i'ay receu de roy.
Voy le donc d'un bon œil, & dy c'est un ourago
D'une femme qui veut donner un tesmoignage
Que'elle a vescu ça bas pour autre que pour soy.

A MONSIEVR SEGVIN, PRO-
fesseur du Roy en la faculté de
Medecine à Paris.

Le sommeil qui tenoit ma paupiere abaissée
Pensoit rendre ma plume & ma Muse lassée
Pour me faire glisser dans un somme oublieux
Quand le Laton sen me vint tirer l'oreille
Me parlant de Seguin comme d'une merueille
Qui doit tenir sa place un iour entre les dieux

AUX BIENHEUREUSES CEN-
dres de feu Monsieur Marefcot, & Ponfon
Docteurs en Medecine en
la faculté de Paris.

Vous qui sçavez aux vers, & present de reliques,
Qui avez en vivant approuvé mes pratique:
Je ne veux pas troubler vos sommeils gracieux,
Je diray qu'empeschant de la mort les desastres,
Vous esclairiez çà bas tout ainsi que les astres,
Mais ore vous lûsez comme soleils aux Cieux.

A MADAME BOVRSIER, S^R
ses Diverfes Observations.

Que n'ay ie maintenant ainsi que ie desire,
D'un Desportes mignard le langage affecté,
Que ne suis- ie un Ronsard, ou bien que n'ay- ie esté
Sur le mont d'Helicon, où Phœbus se retire.
Afin qu'ayant appris la façon de bien dire,
Plein de sainte fureur & de divinité,
Je peusse ce iour d'huy à toute eternité
Marier tes vertus aux chansons de ma lire.
Mûse moderez vous, n'aspirez point si haut,
N'y mitez point celui dont l'esfroyable saut
Eternise son nom, par une cheute estrange.
Vous ne possédez rien digne de son autel,
Pour louer ceste dame, & son œuvre immortel,
Il faut l'esprit d'un Dieu & la plume d'un Ange.
S. H A C Q V I N.

LE MESME SVR SON POVRTRAIT

Grauer en ce tableau
Tu laisses le plus beau,
C'est la diuine essence
Del'esprit non-pareil
Qui luit comme vn Soleil
Pour la Royné de France.

A LA MESME.

Les choses que l'on voit estre plus admirables
Et qui peuuent rair les plus braues esprits
Ne sont rien au regard de tes doctes escrits
Qui sont d'autant vtils qu'ils sont inimitables.

L. LE MAISTRE.

LE LIVRE AVX LECTEVRS.

VNhonneur me fit entreprendre
Vn affronteur presque estouffer
Vn medisant m'a fait reprendre,
Des trois me faisant triompher.

Prinilege du Roy.

HEnty par la grace de Dieu Roy de France & de Navarre, a nos amez & feaux Conseillers, Juges, & Princes de Parlement de Paris, Rouen, Toulouse, Bordeaux, Dijon, Grenoble, Aix & Reims, Baillifs, Preuosts, Seneschaux desdits lieux, ou leurs lieutenants, & à tous nos autres Iusticiers & Officiers qu'il appartiendra, Salut, Nostre bien amé Abraham Saugrain marchand Libraire Iuré en nostre Vniuersité de Paris, nous a faict dire & remonstrer qu'il a recouuert vn liure intitulé *Observations Diverses sur la Sterilité, perte de fruit, facondité, accouchemens, & maladies des femmes & enfans nouveaux naix. Amplement traictées & heureusement practiquées par Louyse Bourgeois, ditte Boursier Sage femme de la Royne*, nostre treschere compaignie, lequel liure il desireroit volontiers faire imprimer, mais il doute qu'aucuns Libraires ou Imprimeurs de cestuy nostre Royaume, pour le frustrer de les grâds frais & mises faicts & à faire le voulussent aussi imprimer ou susciter les Libraires & Imprimeurs estrangers de ce faire, & les exposer en vente à son tresgrand domage & perte, s'il ne luy estoit surce par nous pourueu de remede conuenable humblement requerant iceluy. Pource est-il que nous inclinant liberalement à la requeste dudit exposant, & pour aucunement le releuer de ses grâds frais & mises qu'il luy a conuenu & cōiendra faire pour mettre ledit liure en lumiere, auôs par ces presentes permis & accordé, permettons & accordons de nostre pleine puissance & autorité Royale audit Abraham Saugrain, & à tous ceux qui auront droit de luy, & non autres, qu'ils puissent faire imprimer ledit liure *Des Observations Diverses &c.* mesmes avec l'augmentation qui pourra estre faite audit liure si aucune y en a, & ce tant de fois & en telle marge & caractere qu'il trouuera ou les siens bon estre durant le temps & terme de dix ans prochains & consecutifs, à compter du iour & date que la premiere impression sera paracheuee d'imprimer avec

defences à tous Libraires, Imprimeurs, & autres, de
quelque qualité & condition qu'ils soyent, d'imprimer
ou faire imprimer, dedans ou dehors nostre Royau-
me tronquer ny diminuer aucun liure augmenté ny autre-
ment ny en extraire au quel que chose, vendre ne debiter, si
ce n'est du consentement de luy Saugrain, ou autres ayant
droict de luy sur peine de confiscation des liures & ex-
plaires qui seront trouvez auoir esté imprimez & mis en
vente, contre & au preiudice des presentes soit en public
ou en particulier, & de mille liures d'amende pour cha-
cun exemplaire qui sera trouué auoir esté imprimé, &
faisi, & en outre d'autres mille liures d'amende applica-
ble vn tiers à nous, vn tiers aux pauures, & l'autre tiers
au denonciateur, sans aucune diminution. Voulons &
nous plaist aussi qu'en mettant au commencement ou à
la fin dudit liure vn extrait des presentes, elles soyent
tenuës pour suffisamment signifiees, & venuës à la cog-
noissance de tous comme si expressement & particulie-
rement elles leur auoyent esté signifiees: Si vous man-
dons, & a chascun de vous endroit soy commandons,
que de nos presentes grace, congé, permission & cōtenu
cy dessus vous faictes & laissez iouyr ledit Saugrain &
ceux qui auront droit de luy, & vser plainement & paisi-
blement, cessant & faisant cesser tous troubler & empes-
chemens au contraire, & de l'aider a l'encontre de ceux
qui contrenuendront a l'auctorité de nosdites lettres par
routes voyes deuës & accoustumees, & par les peines
sufdictes: Car tel est nostre plaisir. Nonobstâr oppositiōs
ou appellations quelzconques, Clameur de Haro, Char-
tre Normande, Normâdie prise a partie, & toutes lettres
que pourrions auoir baillé ou bailler par surprise, a ce cō-
traires, faictes ou a faire ausquelles auons derogé & de-
rogéōs par ces presentes pour ce regard, & a la deroga-
toire des derogatoires, & a tout ce qui pourroit estre fait
au preiudice des presentes que nous entendons sortir
leur plein & entier effect, nonobstant mesmes tout Ar-
restz de nos courts contraires à icelles, Ayants pris ledit
liure & ledict exposant & les siens en nostre protection

& sauuegarde speciale par ces presentes, Données à Paris le v. ngrquatriesme iour de Decembre, l'An de grace mil six cens huiet. Et de nostre regne le vingtiesme.

Signé.

Par le Roy en son Conseil

BRIGARD

Et scellé du grand seau en cire jaune.

Acheué d'imprimer la premiere impression le vingt-quatriesme Decembre 1608.



OBSERVATIONS DIVERSES SUR LA sterilité, perte de fruit, fécondité accouchements, & maladies des femmes & enfans nouveaux naiz.

*Amplement traitées & heureusement
practiquées par*

LOVYSE BOVRGEOIS, ditte BOVRSIER,
Sage femme de la Royne.

CHAPITRE I.

*Pourquoy plusieurs femmes ne peuvent
porter enfans.*

Lsemble à plusieurs
femmes, se voyans
priues de porter en-
fans, que la faute pro-
uienne de leurs ma-
ris; cela n'est ordinairement si sou-

uent de la faute des hommes, comme de celle des femmes, encores que l'on veuë que quelquefois il se trouue des femmes capables d'engendrer; qui pourtant ne font pas d'enfans: Mais les empeschemens sont plus frequens aux femmes, qu'aux hommes; ie diray aussi que l'empeschement des femmes est plus curable que celuy des hommes. I'ay remarqué tout ce qu'il m'a esté possible selon la pratique que i'en ay eue, des raisons qui les peuuent causer: pour ceux des hommes, ie les laisseray cognoistre à ceux de leur sexe, sçhachant qu'ils pourrôt familièrement conferer ensemble. Ainsi que les femmes peuuent faire avec celles du leur. La cause du premier & plus frequēt empeschement, est que le sexe feminin est extrêmement humide, & neantmoins colérique, & que la matrice est receptacle, & lieu dedié pour receuoir la lie du

sang, & l'expulser hors du corps. Celles la qui abondent plus en sang colérique qu'en bon, sont celles qui font souuent des moles, ou mauuais germes, d'autant que nature pour sage qu'elle soit, ne peut de meschante estoffe faire bon habit, & neantmoins celles qui font mauuais germes, ou moles, sont capables de porter enfans, ayans esté à l'issue d'iceux purgees & seignees, se gardant de se laisser aller à des passions de colere, qui peuuent troubler le sang. Ces femmes la, n'ont aucuns empeschemens qui paroissent exterieurs en les touchât: Tout le mal est interieur lequel estant reconnu du docte Medecin les peut facilement guerir.

Il y en a d'autres, qui ont si peu de chose qui les empesche, qu'à faute d'estre reconnu par sage femme capable, demeurent ainsi en peine, le mary en desdaigne la femme, & la

Observations

femme croit que c'est la faute du mary: Cela est quelquelfois qu'il abõde telles humiditez en la matrice provenientes du cerueau, qui prennent leur cours du long de l'espine dudos, & sur les reins, que venât à passer par la matrice l'humectët, & refroidissët tellement, que la chaleur naturelle n'y peut reluire pour y conseruer, & entretenir les semences dediees pour la formation de l'enfant, faisant ainsi qu'un grand orage, tombant sur des terres nouvellement ensemencees, lequelemmeine la semence es fosses dediees pour receuoir legout des eaux l'ay veu qu'à telles femmes les choses dessicatiues, à elles ordonnees par Medecins cognoissans leur mal, leur ont grandement profité, s'adressant à l'estomac, comme à un mauuais cuisinier, leque ne fait son deuoir de cuire les viandes quiluy sont bonnes pour la nourri

ture de tout le corps, l'ayant purgé, luy donnant tablettes où entre, rubarbe, & autres choſes confortatiues pour le corroborer, eau d'eſquine ou ſalcepareille à prendre ordinairement dans leur vin, coiffes picquées où entreront choſes aromatiques & deſſicatiues, qui ſont les vrais moyens que j'ay veu tenir, & qui ont fait reüſſir le traitement au contentement des medecins & du malade.

Autres ſont ſubiectes à des fleurs blanches, leſquelles elles deſirent pluſtoſt guerir par remedes extérieurs, qu'intérieurs, laiſſans la cauſe du mal ſuer touſiours ſur la partie accouſtume'e, & inbibâts tout le corps de la matrice, qui eſt compoſé de veines, & arteres, nerfs & tuniques, la rendant dure & eſpoille & quelquefois groſſe comme la teſte d'un enfant, rendant vne choſe qui du commencement auroit eſté curable, pref-

Observations

qu'incurable, c'est sans doubte que si les menstrues sont retenues à telles femmes, infailliblement elles encourent hazard qu'il ne se face Cancer, ou vlcere tres maligne.

Autres ont humeur froide, laquelle tombe sur l'orifice, ou emboucheure de la matrice pechant, plus en extreme frigidité, qu'en grande quantité, laquelle l'endurcit & empesche de s'ouurir, & fermer en tēps, & mesmemēt tombāt plus sur vn des costez que sur l'autre, la fait tourner de costé, ainsi qu'une fluxion, qui tombant sur l'une des mandibulles, fait tourner la bouche, & met quelquefois l'emboucheure de la matrice dans l'aine, autresfois vers l'intestin rectum, autrefois la fluxion faisant comme vn sac sur le siege, tournant l'orifice vers l'os pubis: c'est ce qui fait dire à aucunes sages femmes, que les femmes ne peuuent auoir enfans, à

cause que la matrice n'est bien tournée, telles femmes endurent douleur lors que leurs maris les touchent, (choſe fort remediabſe) ayant oſté la cause primitiue, par fomentation, ou fumigation des ſimples propres à ramolir. C'eſt pourtant vn humeur froid, il s'en trouue qui ayant eu des enfans autrefois, tel mal leur ſuruiuent faute d'eſtre remediées, & les empeſche d'en auoir d'autres.

Autres ont le col de la matrice ſi long, & endurcy de pareille humeur, qu'au lieu de reſſembler à l'étrece d'une bource fermée, reſſemblent pluſtoſt à vn flagecollet, non du tout en longueur, mais en groſſeur, tellemēt que le ſang menſtrual, n'y peut qu'à peine paſſer, & encores n'eſt-ce à la pluſpart que la ceroſité, qui eſt d'une couleur blaſarde, & le gros eſtant retenu, renuoye d'eſtranges vapeurs au cerueau & ſuffocations de matrice

Observations

merveilleuses, qui causent à aucunes des conuulsions, & mouuemens de matrice, ainsi que si c'estoit vne chose qui roulle, ces femmes là croyant d'estre grosses, se gardent fort, & fuyent tout ce qui peut faire deriuation de ceste humeur: si vne sage femme qui entend son art les touchoit, elle iugeroit que le col de la matrice, estât long & dur, n'a esté capable pour recevoir enfant: puisque l'empeschement qui est en la matrice, n'est que la retentiõ de ce gros sang mēstrual, dont nature se treuve si empelchee, qu'ayant fait effort de l'expulser par la voye ordinaire, choisit le meilleur, & l'enuoye aux mamelles. Je le puis dire avec verité, ayant veu femme qui aagee de quarante huiet à cinquante ans, n'ayant iamais eu d'enfās auoit du laiēt qu'elle faisoit rayer, & auoit vne telle plenitude de matrice, qu'on l'eust iugee grosse, ayāt eu de-

gouſt, enuies de manger aucunes
choſes à elle inconſumées, foibles
ſes, enuies de vomir, & ſentoit mou-
uoir, mais ces mouuemens là ſont fa-
ciles à iuger à celles qui l'entendent:
d'autât qu'un enfant a un petit mou-
uement, ainſi que le battement de
l'aile d'un petit oyſeau, ou ſemblable
à des petites chiquenaudes au com-
mencement du ſentiment, s'enfor-
çant ainſi que l'enfant croiſt : &
tout au contraire, l'autre ſe hauſſe
ainſi qu'un chat, qui ſentant la cha-
leur du feu, hauſſe le dos en l'eſten-
dant, ces femmes-là ſont fort mala-
diues pendant le temps de leurs pur-
gations, d'autant qu'ayant peu de re-
mede à leur mal, il faut que nature
par ſucceſſion de temps s'en deſſace,
& que les vapeurs que la matrice
renuoye au cerueau, retombans ſur
icelle, comme d'un pot qui bout, le-
quel enuoye de l'eau au couuercle,

lesquelles retombant dedans, leur donnent les enlées de vomir & foibles, & peu à peu au temps de leurs purgations, ayant detrempé quelque peu de ce gros sang, s'escoule seulement teinte d'iceluy, avec la cerosité du sang qui est renuoyé alors des purgations, les fluxions qui tombent sur la matrice y apportent ordinairement des vents, à cause de leur frigidité, qui leur cause aucunes fois des douleurs, ainsi que si elles vouloyent accoucher : l'ay veu que pour appaiser telles douleurs, les clisteres composez de medicamens qui purgent & dissipent les vents, estoient tres profitables, avec ce vn gasteau de baume franc amorti sur vne pelle arrouzée de bonne eau de vie, appaise la douleur, & dissipe les vents, & arreste la matrice en son lieu accoustumé, sans qu'elle bouge, & si ce remede là estoit fait à femme grosse

il feroit bouger l'enfant : telles femmes que celles dont i'ay parlé, ne peuvent iamais auoir enfans, moles, ny mauuais germes. I'en ay assisté vne malade de ceste maladie, laquelle estoit grosse, comme si elle eust esté à terme pour accoucher : ie fus d'auis quelle appellast des Medecins, auxquels ie dy ce que i'en pensois. Elle auoit des suffocations de matrice telles qu'à tout heure il luy prenoit des conuulsions, ils la firent purger, seigner, baigner, ventouzer les cuisses, seigner du pied, tellement qu'elle ne se voyant sortir de peine à coup ne voulut plus rien faire, & demeura deux ou trois iours sans remede, son mal la reprit plus qu'auparauant, elle n'y voulut appeller autre que moy, & disoit que rien ne luy seruoit, ie luy persuadai de receuoir vne fumigatiō, dont i'auois veu faire estat, qui attire la matrice lors qu'elle surmonte, &

Observations

ayde à la purger, ainsi qu'elle eust demeuré à diuerses fois dessus, elle sentit de grands efforts en bas, & ietta vne chose qui s'entretenoit comme vn sang bouilly, à demy pourry, si puant que l'on ne pouuoit durer en la chambre, & depuis se porta mieux: ie n'attribuë du tout ce biē au remede seul, mais la plus grād part au traitement qu'elle auoit receu des Medecins bien estimez: sont les remedes qui viennent à la fin du mal, le tout ensemble la tira de la peine où elle estoit, ie l'escris à fin que si quelqu'une s'en veut seruir elle le puisse faire.

Prenez parietaire, saneton, camomille, melilot, baume rouge, baume vert, bouillō blāc, mauues, guimauues, betoine, marjolaine, herbe à chat fauge, violiers de Mars, armoysse, & mettez autāt d'une que d'autre coupez menu, & les faictes bouillir en vn

pot neuf avec trois pintes de bon vin blanc, & que la femme en prenne la fumee deux ou trois fois le iour, & cela est aussi bon à celles qui desirent des enfans, à la fin de leurs mois en yfer: d'autant que cela ayde à nettoyer la matrice: Mais il n'est propre à celles qui en ont relaxation, d'autant qu'il attire quelque peu.

L'ay veu des femmes, lesquelles n'ont iamais eu leurs purgations, & tous les mois au lieu de les auoir, ont flux de sang par le nez, il est ayse de iuger que nature ne pouuant renuoyer ce sang menstrual par les conduis dediez, s'en trouuât empeschée, s'est habituee à se descharger par ceste partie. Telles femmes sont subiectes à des grandes douleurs de teste, à cause de ceste reuulsion, & des vapeurs qui sont en ce sang renuoyees de toutes les parties du corps, pour la purgation d'iceluy, ces fem-

mes là ne doiuent iamais esperer
d'enfans.)

Je diray, apres auoir dit combien
les fluxions & humeurs froides cau-
sent d'imbecilitez en la matrice par
leur frigidité, qu'il se trouue des fem-
mes, mais plus raremēt que par mau-
uaise habitude de boire de vins trop
forts, & en quantité, telles personnes
mangent peu, & aiment les choses
de haut gouſt, & par ce mauuais re-
gime de viure, eschauffent tellemēt
leur ſang, qu'il eſt tout bruſlé & furi-
bond, ne laiſſant de ſortir en quanti-
té fort teint, meſmes tout noir, au
temps ordinaire, ſans que bien rei-
glees qu'elles ſoyent, elles ayent ia-
mais d'enfans, car les ſemēces au lieu
d'eſtre entretenuës d'vne chaleur
mediocre ſont cōſumées, ainſi qu'un
pain qui ſeroit blanc & delicat ietté
dans vn four trop chaud, ayant ar-
deur exterieure, & chaleur en ſa pro-

presubstance. Puis que la semence
 est faicte du sang seulement blachy.
 Ce qu'en ce faisant perd sa couleur
 & non sa chaleur, se consumant ainsi
 soy mesme. Ces femmes là sont aussi
 sujettes à des vlceres aux reins, & en
 la matrice. Je le dy en ayant veu ou-
 urir plusieurs, aufquelles cela a causé
 la mort, & afin que chacune réde de
 foy à foy mesme compte, & reco-
 gnoissant son naturel, se corrige, ou
 le confesse aux Medecins pour leur
 ordōner les remedes necessaires à la
 reparation de ce qui est gasté, autre-
 ment cachant leur mal elles abre-
 gēt leurs iours, le foye se cuisant par
 succession de temps se fait dur, cō-
 me s'il auoit esté bouilli, deuenāt de
 couleur de chamois, ne faisant que
 de l'eau: au lieu de sang, qui cause à la
 pluspart vne hydropisie, & mort
 langoureuse.

Les autres deuiēnent seches com-

me bois, lesquelles eſtât mortes, leur foye ſe treuve tant ſec qu'il ſe pourroit reduire en poudre.

Autres ſont malades de paſſe-couleurs, les ayans eu auant qu'eſtre mariées, & quelquefois pour bien mariées qu'elles ſoient, n'en ſortent pas aylement, ce mal là eſt vne opilation de foye & de rate, qui s'eſtant inuenterée en vne perſone eſt tres difficile à guerir, parce que ce mal les rend ſi melancoliques qu'elles n'ont cōtētement qu'en la ſolitude, aymant eſtre touſiours aſſiſes, & ordinaire; ment leur prend enuie de pleurer. que ſi on leur demãdoit pourquoy elles ne le ſçauroient dire. Il y a beaucoup de perſonnes, qui voyans vne fille agitée de ce mal, là iugēt amoureuſe: le dy auec verité en auoir veu plus de cent les auoir, qui n'auoient iamais penſé d'aymer, eſtans des tilles de ſept, huiēt, neuf, ou dix ans n'ayans

n'ayans encore l'aage d'auoir leurs purgations , lesquelles auoyent les melmes incommoditez que grandes filles & femmes mariees, qui n'auoyent leurs purgations ſuffiſamment. Ceste maladie aux ieunes femmes les empesche fort d'auoir enfãs, & ſi elles deuiennent groſſes, à l'issue de ce mal, ſans auoir eſté bien purgees de la retention precedēte, leurs enfans ne ſe portent ordinairement gueres bien , & ſemblent participer de ce mal, ſont forts à eſleuer, ayans le teint iaunatre, avec battement de cœur, & vne peſanteur de teſte, & d'humeur fort melācolic, ainſi comme i'ay dit que ſont les filles & femmes, lesquelles ſont accouſtumees d'auoir mal & battement dans la teſte, douleur d'eſtomach, avec battement de cœur , laſſitude de iambes, alteration, & ſemble que ce mal là ſ'aigrit contre les remedes de Mede-

cine faictes avec les plus grandes ap-
 parences du monde, dont ie me suis
 estonnée, qu'infinité de fois i'en ay
 veu qui auoyent porré ce mal deux
 ou trois ans, ayans esté si bien pen-
 sées & n'estre gueries, i'ay veu que
 certaines personnes les guerissoient
 parfaictement. Et le delir que i'ay eu
 de voir vne infinité de pauvres filles
 plus seruantes qu'autres gueries de
 ce mal, qui n'ont le moyen de se
 faire traicter, m'a incité d'en co-
 gnoistre veritablement, & mettre la
 recepte icy, comme ie l'ay plusieurs
 fois experimentee, avec l'affection
 que i'ay de la rendre aussi commune
 comme elle estoit tenue secrette par
 plusieurs. Il faut donc prendre de la
 limure d'acier telle quantité que l'on
 voudra, & la mettre d'as vn creuzet,
 dont se seruent les Orféures, puis le
 mettre entre des charbons de feu, &
 souffler tant que le creuzet & l'acier

ſoit rouge, comme charbons: eſtant rouge le laiſſer cuire enuit vn quart d'heure, puis le tirer, il deuient fort noir, il le faut bien pulueriſer dans vn mortier le plus ſubtil que l'on pourra, en prendre quatre dragmes, avec deux dragmes de canelle fine fort pulueriſee & paſſee, meſſer cela, enſemble auoir quatre onces de bon ſucré de Madere, mettre fort peu d'eau, comme le ſucré eſt bien eſcumé il faut mettre les poudres & meſſer continuellement, à cauſe de l'acier qui demeureroit au fonds: Il faut les cuire moins que le ſucré roſard, en faiſant preuue d'vne goutte ſur le bord d'vne aſſiette, pour eſtant froid voir ſi elles ſont cuites, puis les voyant mediocrement cuites les verſer ſur vn papier ou les faut paſtrir des mains, ou les battre d'vne ſpatule; d'autant que qu'elles laiſſeroit refroidir ſans y toucher elles ſe trouue-

roient toutes creuses, aucunes personnes y adiontent deux dragmes de poudre diarodon, lequel peut plus servir que nuire. Mais ie ne l'y ay iamais adiousté, c'est dequoy certaines femmes qui les pensent font leur poudre, puluerisant leur sucre avec les autres dozes d'acier & canelle & la poudre diarodon. Il faut bien se garder d'esteindre l'acier d'aucune chose, il y en a qui disent le preparer avec du vinaigre, ou l'eau rose, ceux-là s'y trompent, ie l'ay veu esprouuer, il perd son effer, de la doze dont i'ay escrit, ils s'en peut faire vingt-huit tablettes, desquelles se doyuent prendre deux le iour, l'une en se levant, & l'autre trois heures apres dîner, ne mangeant aucun fruit pendant le temps que l'on en vse. I'ay desia dit comment l'on peut faire les tablettes & la poudre, ie diray que pour faire pillules, il faut les mesmes

dozes d'acier, & canelle, avec vne
dragme d'aloës, & vne dragme de
poudre diarodon, & aſſembler le
tout avec du ſirop de capillaire dont
ſe feront pillules moyennes, & en
prenant ſeulement le matin, la pou-
dre ne ſe prend auſſi que le matin,
plein vne culier d'argent, ne faiſant
que deux repas le iour, prenant cere-
mede en l'vne des trois façons. Cel-
les qui le mettront en pillules n'ont
que faire de rien prendre, d'autant
que l'aloës leur fera ouurir le ventre:
Mais celles qui prendront les table-
tes ou poudre: n'en auront liberté, &
ſi cela les incommode elles peuuent
prêdre de deux ou trois iours l'vn vn
cliſtere, ou bien deux fois la ſemaine
vne pillule de refus, demy heure
auant que diſner, cela n'empêchera
de prendre la poudre ou tablette, il
ne ſe faut pas eſtonner ſi pendant
les trois ou quatre premiers iours,

Observations

ceux qui en vſent ſe treuvent plus mal que de couſtume, cela eſt fort ordinaire. C'eſt que le remede auant que de pouuoir deſ-opiler opile d'auantage: mais pendant ce temps là, il ſe fait faire voye par le moyen de l'acier, il ſemble que quand lon parle d'acier qu'il n'appartient qu'à des Auſtruches d'en prendre. Il faut conſiderer que comme il eſt pulueriſé, & la petite quantité corrigee par le ſucre & la canelle, pour en auoir l'heureuſe yſſuë, il en faut vſer trois ſepmaines, ou vn mois, mais ſans aucun doubte toutes les incommoditez cauſees par le mal, ceſſeront d'as quinze iours: ie diray que i'en donné à prendre à deux gētilshommes, l'un deſquels eſtant vn iour à mon logis, tomba en foibleſſe, il fallut l'aſſeoir bas, luy donner du vin, luy froter le temples de vinaigre, ie le fu veoir, quand il fuſt reuenu à ſoy:

il dit que depuis vn temps qu'il auoit eu vne grande faſcherie, cela luy auoit eſté ordinaire, ie m'informay ou luy tenoit le mal, il me conta tous les meſmes accidens qui arriuent aux filles & femmes, ie coniecturay que ces remedes là luy pourroyent proffiter. Je luy en donnay, dont il guerit parfaictement. Il retourna en Gaſcogne d'où il eſtoit, ſon mal venoit d'une fille que l'on ne luy auoit voulu donner. Il ne ſe peut reſoudre à coup, à quelque tēps il retomba au meſme mal, il me pria de luy enuoyer du remede, ce que ie fis, il guerit derechef & cognoiſſant la cauſe de ſon mal, ſe reſolut de ne ſe plus faſcher, i'en donnay auſſi à vn gentil-homme de Normandie qui auoit eu grande faſcherie d'affaires qui eſtoit tombé au meſme accident fuſt guerit de meſme, & en Italie l'acier ſe donne tout tel qu'il vient de

deffous la lime vne dragme dans vn œuf le matin , & vn mois durant , cependant faut faire exercice , & en vn mois n'en faut prendre que huit dragmes accommode comme i'ay dit , & quād l'on ne bougeroit du liēt, l'on ne laisse pas de guerir.

Pourquoy le fruct conceu n'est conserué iusques au terme ordinaire.

CHAP. II.

A Pres auoir traité des causes, pour lesquelles les femmes ne peuuent porter des enfans, ie desire de parler des raisons pourquoy ayāt conceu, les enfans ne sont conseruez iusques au terme ordinaire de neuf mois, & ce qui se peut apporter.

L'ocasiō la plus ordinaire qui fait

accoucher les femmes, est la colere, laquelle suruient quelquefois sur la formation de l'enfant, qui trouble tellement le sang, qu'elle est cause que tous les sens se retirent à leur principe, laissant l'œuvre imparfaict, tellement que nature retournant à soy-mesme, n'est receuë à le paracheuer puis apres n'estant vn œuvre qui veuille estre vne seule minute sans que nature y traueille depuis son commencement iusques à son entiere perfection, qui est le iour de l'accouchement qui fait que j'ay veu femme, laquelle croyant estre grosse a porté son empeschement quatre mois & demy, où avec douleurs rendit vne grosse membrane, plus espaisse en vn bout qu'à l'autre, faicte comme vn œuf de cane, dans laquelle y auoit de l'eau rousse, & force filamēs blancs, avec trois ampoules comme petits grains de cristal, celle d'en haut

plus grosse que les deux autres : lesquelles estoient de grosseur inegale, ce qui me fit demander à la femme, silors quelle creust deuenir grosse, elle auoit point eu quelque frayeur, & me dit qu'elle auoit esté en colere & fascherie extresme, peu apres auoir perdu ses mois ayans desia eu quelque changement, comme frisson, & mal de cœur, qui me fist iuger que la fascherie arriua là dessus, selon qu'en a remarqué Paré au liure de la generation, parlant des trois ampoules dont sont faits le cœur, le foye, & le cerueau.

J'ay receu, à vne femme grosse de trois mois & demy, vn enfant où estoit la teste avec tout le corps, duquel se voyoit fort bien l'espine du dos, les bras iusques aux coudes, les petits bouts de cuisses n'ayant point de iambes, ayant ombilic tenant du ventre à l'arriere fais. Il sortit tout en-

ueloppé avec ses eaux, lequel n'estoit
du tout si long que le boudin cir-
culaire ou petit doigt pris à la dernière
jointure: à cause de quoy ie prie & ex-
horte celles qui se sentent subiectes à
telles choses, considerer le mal dont
elles sont cause, d'auoir empesché
la perfection de l'œuvre de Dieu, &
d'auoir receu vne ame pour le glori-
fier eternellement, ayant atteint le
saint sacrement de Baptisme. Il en
est, encor que le mal vienne de leur
faute qui en font peu de conscience,
disans que l'enfant n'ayant eu vie,
l'ame n'y a pas esté infuse: Puis que
les loix humaines condamnent à
mort, ceux qui malicieusement cou-
pent des antes, qui ne sont que cho-
ses créées pour l'vtilité de l'homme, &
qui n'ont qu'une ame vegetatiue,
que merite celle qui s'en pouuant
empescher coupe chemin à la ve-
nuë d'un enfant, lequel eust eu ame

Observations

vegetatiue, fenſitiue & raifonnable. Créé à l'image de Dieu, & peut eſtre vn iour vn miroir de vertu ſervant de flambeau pour eſclairer tout vn peuple. Si vne pauvre miſerable ſ'oublie tant que d'en faire deſſaire vn, avec iuſte occaſion on la fait mourir exēplairement, & celles qui ne ſont punies en ce monde, penſent elles éui-ter la iuſtice de Dieu. Non, non, elles ſe trompent, il eſt iuſte & rigoureux, pleuſt à Dieu que l'on augmentaſt leur ſupplice, & qu'on fiſt exacte recherche de ceux & celles qui aident aux deſeſperez à ſe pendre, ou à ſe deſſaire par autre ſorte, leur donnans pour argent ou faueur des remedes pour les exempter de la honte du monde, les faire damner & eux avec: i'inuoque de tout mon cœur la vengeance diuine ſur telles gens, car comme lon dit, ſi les larrons n'auoiēt des receleurs, ils n'oſeroyent deſro-

ber, ne ſçachans que faire de leurs
larçons. Je n'entends parler de celles
qui perdent leurs enfans fortuite-
ment, comme par bleſſeures ſans y
penſer, apportâs tous remedes pour
conſeruer leur fruit, croyant que
Dieu iuge ſelon l'integrité de l'ame:
il faut donc que les femmes ſe gardēt
de ſoy bleſſer, ferrer, manger choſes
preiudiciables à la vie d'un enfant, ſi
elles ſe ſentent ſubiectes à quelques
fluxions, maladies, quantité de ſang
deſmeſuree, ſont tenues d'appeller
de doctes Medecins, & leur conter
leurs incommoditez, afin de preue-
nir le mal futur, remettant le tout en
eux, comme s'ils declaroient leurs
pechez au confeſſeur, on dit en pro-
uerbe, qu'il ne faut rien celer au pre-
ſtre ny au medecin, pour n'eſtre en
cela reprehensibles deuant Dieu
ny les hommes, ſe gardans auſſi de
danſer, aller en carroce, ou ſur cheual

qui aille dur, & de toutes les choses qui seront cy apres plus à plain desduites.

Je diray donc que la grosseſſe en la pluspart des femmes ne vient ſans quelque maladie, dont ſ'enſuit degouſt, foibleſſe, enuie de manger choſes inaccouſtumees: lesquelles vne femme a grãde honte de dire encore qu'elle ne le doive iamais faire, car en cet enchargement, l'imagination eſt ſi forte qu'elle a pouuoir de faire porter marque à l'enfant de la choſe imaginee par la mere, n'en mangeant en temps & lieu, il ſ'en eſt veu aſſez d'experience au detrimẽt de celles qui l'ont negligé. Il y a d'autres femmes qui venã à encharger, croient que ce ſoit autre maladie, voulant à toutes fins eſtre purgees & ſaignees, & quelques vnes en ont ainſi fait ſans aduis: dont elles ſe ſont mal trouuees eſtans faciles à eſ-

mouuoir ont ietté leurs enfans.

Les autres n'ayans la patience d'attendre de ſentir bouger leurs enfans, ſe font toucher par ſages femmes, les coniuſant de leur en dire la verité, diſans qu'elles ſont tenuës pour les plus capables d'en iuger, blaſmant celles qui ont manqué de leur dire verité, tellement que celles-cy charmes de ces louanges s'efforcēt d'en recognoiſtre, & voulans porter le doigt iuſques dans la matrice, font ouurir veines ou artere à l'emboucheure d'icelle, dont s'enſuit ſi grād perte de ſang que l'enfant demeure à ſec, & ſans nourriture, la mere & l'enfant meurent, les femmes ſe peuvent toucher ſans leur faire mal, mais il faut qu'elles ſoyent bien aſſeurees de la diſcretion & experience de celle qui touche.

Partant ie conclud qu'il vaudroit mieux attendre, que ce precipiter

Observations

en telles mains, estant tout certain que iusques à deux mois vne sage-femme peut cognoistre si vne femme est grosse, en ce que la matrice est fort fermee: mais comme l'enfant se fait grand, avec les eaux qu'il supportent, fait quelquefois telle pesanteur sur la bouche de la matrice, qu'il n'y a plus de iugement certain, si la sage-femme n'y entend autre finesse que l'attouchement, elle trouuera en aucunes femmes qui auront retentiō de mois autant de plenitude en la matrice que celles qui sont grosses, ayans les tetins plus durs & changez comme i'ay dit cy deuant parlant de la retention des mois. Tellement qu'il faut interroger la femme de son changement de naturel, afin de discerner la grosseesse d'auec la retentiō: car pour celles qui ont moins leur purgation que de coustume & plus passes, quelque foiblesse, enuie, grosseesse

lesse de ventre qu'elles ayent, de cent il ny en aura pas vne grosse d'enfant, ny mauuais germe, bien s'en trouuera il, qui auront tant de sang, qu'estant grosses, nature s'en trouuera fort empeschée, à cause que l'enfant n'en prend gueres pour son aliment, Ayant pour cet effect prins le meilleur selon son besoin renuoye ce qu'elle peut aux mamelles, & en ayant encôres quantité, elle est contrainte pour se delcharger s'en defaire par les voyes ordinaires. Ainsi que si la femme n'estoit grosse tous les mois suyuant le reflux, ou par les grandes vuidanges, lesquelles entraînent l'enfant avec soy. J'ay veu à telles femmes la seignee fort profiter non pour vne fois, mais par plusieurs obuiant par ce moyen l'accouchement auant terme, & à de grandes pertes de sang apres iceluy. Autres lesquelles n'ôt pas trop de sang, mais

Observations

si subtil qu'à la moindre colere ou emotion il sort de ses limites, & cause aussi l'accouchement avant le tēps, il faut que si ces femmes là boient du vin qu'il soit gros, mangēt bœuf, ris, mouton, raisins de damas, & de toutes les choses qui peuvent grossir le sang, & sur tout se commander, se representant que ceux qui ne se peuvent commander ne sont dignes de commander à autrui, portant en elles mesmes le vrai remede.

Autres sont si despitēes estāt grosses qu'à la moindre chose qui les fâche, bouffent en elles mesmes, tellement qu'elles viennent à s'enfler, & pressant par ce despit la matrice, font qu'elle s'ouvre iettant l'enfant dehors à tous termes.

D'autres sont plus suiettes à tōber estant grosses que ne l'estāt pas, i'attribuē cela à ce que la grosseur du ventre les empesche de regarder à leurs

pieds, tellement que descendant des degrez, en descendent quelquefois deux pour vn, qui donne vne merueilleuse secouffe, aux ligamens de la matrice. Autres tombent à genoux qui ne vaut gueres mieux, faisât que l'enfant estant par la cheute degisté, marchant, & se tenant debout, ou assise, la matrice estant supportee à plein sur ses ligamēs, estant desgistee du lieu d'où elle auoit quelque autre support, les ligamēs trop chargez se relaschèt dōt s'ensuit l'accouchemēt.

D'autres pour auoir esleué les bras plus haut que leur teste, sentēt quelque chose qui leur tire à l'instant au ventre, c'est vne extension des ligamens, qui cause pareil accident, à ceste occasiō les femmes de qualité se recognoissāt aysees à blesser, ne doiuent faire grand façō à leur coiffer, & celles qui sont moindres ne se doiuent amuser à estendre du linge, pendant

Observations

leur grossesse, d'autât que i'en ay veu souvent accoucher pour auoir fait chose semblable.

Je me suis esmerueillée autrefois de veoir des femmes de village, iusques au iour qu'elles accouchét quelque-fois de deux enfans, leuer seules des faisceaux d'herbe sur leur teste sans se blesser, mais venant à penser la raison pour laquelle elles ne se blessent: c'est que de ieunesse elles ont accoustumé cet exercice, qui fait que les ligamens sont relaxez des leur enfance, n'ayant pesanteur aucune en la matrice, se rendât robuste à force de trauail. Ayant remarqué en d'autres fêmes de village, nourries d'éfâce à la ville, retournât demeurer aux châps, voulâs trauailler ainfi que les autres, se blesser incontînét, qui me fait dire en cela que nourriture passe nature.

Telles relaxations des ligamens de la matrice, sont causes qu'après l'ac-

couchemēt des femmes, elles ſont ſi ſubiettes à peſanteur de matrice, que quelquefois elle ſort à aucunes, i'en eſpere parler cy apres tout au long, partant il faut obuier à l'accouchement auant terme, par ce que nature y eſtant accouſtumeē au meſme terme qu'une femme a mal accouché, elle en veut faire touſiours de meſmes, tellement qu'il y a bien plus de peine à ſe remettre en bon chemin, qu'il n'y auroit eu à ſe garder du cōmencement.

I'ay veu femme groſſe de ſept mois, laquelle eſtoit tombée du haut d'une trappe en bas, & auoit bien perdu vne poëllette de ſang, laquelle fuſt miſe au liēt deux iours apres, comme elle ſe leua luy print telle douleur avec vne peſanteur qu'il ſēbloit qu'elle d'eust accoucher, on m'appella & apres auoir entendu le diſcours de ſon mal, ietrouuay que la peſanteur

Observations

auoit fait ouurir la matrice de la largeur d'une dalle, sans neantmoins qu'il y eust aucune formatiō d'eaux, qui me fit luy faire prendre le liēt en diligence, puis scachāt qu'elle estoit loing du manger, ie luy fis prendre les germes de sept ou huit œufs d'as vn œuf frais, avec de la soye cramoisie rouge hachee menu enuiron vn quart de gros, puis ie luy fis faire vne fomentation de ciprés blanc, mario-laine franche, & rosmarin, autāt d'vn que d'autre, amortis sur vne poëlle chaude, arrousee de vin fort couuert, mis entre deux linges dessus le ventre au dessous du nombril, & la rechauffer deux ou trois fois en vn iour, i'asseure qu'elle porta son enfāt deux mois depuis, qui furent iusques aux neuf. . Je n'ay rien veu de meilleur à faire si tost qu'une femme se pense estre blessée: Je pense auoir aydé à en cōseruer plus de deux cēs, la graine d'escarlattē mise en poudre

vaut encor mieux que la ſoye, à cauſe que ce n'eſt que pour la graine que l'on donne la ſoye.

Pour celles qui peuuēt auoir vne pierre d'Aigle miſe ſoubs laiſſelle gauche, vne pierre d'aimāt, vn morceau de peau d'Vrie, ou vne ceinture ſont tres-propres: Mais il faut tenir le liēt à plat tous les neuf iours, & verſer chaque matin vn œuf avec vingt grains de graine d'eſcarlate en poudre, mettre germes d'œufs frais, fera encore mieux, & que cela ſe face à l'inſtant, demy dragme de graine de plantin y eſt tres-propre auſſi. Ie puis aſſeurer que l'enfant, pourueu qu'il n'ait eſté meurtry par la cheute, ſera cōſerué iuſques au tēps ordinaire.

Emplaſtre fort propre pour retenir l'enfant, en appli quant vne ſur les reins, & l'autre ſur le nombril.

Pren maſſe d'emplaſtre qu'on comme cōtra rupturam: ſix onces

Observations

cerat, santalin, & vnguent comitice
de chascun deux oces, huile de mir-
ril, deux oces, cire iaune trois onces,
faictes fondre le tout en vn poiló á
petit feu, estant fondu l'oster & re-
muer tât qu'il soit demi froid, alors
y adiousterez les poudres suiuan-
tes, poudre de mastic, sang de dragon,
bold'Armenie, deracine de bistorte
& noix de galle, de chacú trois drag-
mes, poudres de coral, & ambre iau-
ne, de chacun deux dragmes & de-
mie, noix muscade deux dragmes,
mellez le tout ensemble, & l'incor-
porez tres bien remuant tousiours
auec vne spatule, iusqu'à ce que le
tout soit bien froid & de ceste mas-
se faites emplastres, & lescouurez de
sandar qui sera rayé par lozage pour
empescher que l'onguent n'adhère
au cuir, & sera mis petits rubás pour
ceindre l'emplastre l'vne deuant,
& l'autre derriere.

I'ē ay veu vne, la q̃lle auoit eu plusieurs enfans, lesquels venoiēt tous imparfaits, l'vn auoit la teſte, où il ne ſe ſentoit point d'os eſtāt cōme vne groſſe membrane pleine d'eaux, venāt à terme mort: I'en ay veu à d'autres de ſemblables, ie l'ay veu appeller aux Medecins, HydroCephalos. I'en ay veu à cetela meſme vn qui n'auoit aucuns os dās les doigts des mains: cela ce fut peu prendre pour auoir manqué de ſemence, ie ne le croy pourtant, ayāt remarqué qu'à ſon dernier accouchemēt à terme elle fiſt vne fille petite cōme ſ'y elle n'eūſt eſté que de cinq mois, & moins charnuë. Car elle n'auoit que les os & la peau venant au monde dās ſō arriere faix avec ſes eaues, lequel eſtoit du tout ſemblable à vne veſſie de pourceau réplie de vent, ſans que ces membranes la fuſſent plus eſpaiſſes en vn coſté qu'en l'au-

tréfās y apparoiſtre aucūs vaiſſeaux
qui peùſſent porter la nourriture à
l'enfant, autres que ceux qui peuuēt
entretenir vne veſſie ſortant d'un
porc, ie fis diligēce de l'ouurir à l'in-
ſtant que cela fuſt ſorty, les eaues ſe
trouuerent toutes noires, & l'enfant
mort, le croy qu'il auoit eſté nourry
iuſques au terme qui paroïſſoit,
qui pouuoit eſtre éuiron cinq mois,
& que de puis il ne ſe ſ'eſtoit trouué
ſang pour le nourrir ſuffiſamment,
ains n'auoit fait que languir depuis
il ne ſe trouua aucune forme de ce
gaſteau, qui eſt le receptacle du ſāg,
monſtrant en cela que les perſōnes
qui ne peuuent viure qu'au iour le
iour ne peuuent faire prouiſion de
bled, ny en la veine ombilicale vne
goutte de ſāg ny aux arteres goutte
de ſang arterial, qui demonſtroit
bien que le pauvre enfant n'eſtoit
mort qu'a faute de nourriture, & a-

uoit faire ainſi qu'un bon capitaine eſtant aſſiegé dans vne place, fait durer ſes viures le plus qu'il peut, mais n'en ayant plus, eſt contraint de ſe rendre, ceſte femme dont ie parle ne laiſſe de ſe bien nourrir, mais i'ay reconnu que ce qu'elle mänge, nourrissant legerement ſon corps, tourne pluſtoſt en pituite qu'en ſang, & pour preuue de cela, ie remarquay qu'apres l'accouchement, le viſage & le col luy enflerēt, & ſe miſt à cracher de telle façon qu'il eſt incroyable, qui monſtre bien qu'elle eſt fort cacocheme. Telles femmes, à mō aduis, n'ont tant de ſang qu'il faille leur en oſter pour cōſeruer leurs enfans.

C'eſt pourquoy il eſt tres-neceſſaire qu'une femme appelle le Medecin pour luy faire entendre ſon naturel, afin que par ſa prudence il pouruoye comme il cognoiſtra

Observations

bon estre, ſçachant que femme telle que celle que j'ay representee, ſi elle eſtoit ſeignee, accoucheroit auant le temps, puis qu'à faute de ſang elle produit ſes enfans morts, & d'autres, faute d'eſtre ſeignees en pourroient faire autant, nature ſe treuuant ordinairement accablée par repletion ou inanition qui ſont deux extremittez auſquelles il faut obuier.

J'ay veu des femmes leſquelles eſtant, groſſes de ſept ou huit mois, ayant grande plenitude de ſang, à la moindre emotion ſ'eſtre miſes à fluër en telle quantité qu'il eſt incroyable, les ayant fait mettre au liſt, il ſembloit que le flux ceſſaſt. Mais j'ay recognu le contraire d'autant que le ſang ne laiſſe ſouuent de ſortir de ſes vaiſſeaux, mais trouuant vn receptacle au ſortir de la matrice ſ'y arreſte, & ſortât peu à peu ſe coagule & le premier ſorty empêche le der-

nier, tellemēt que les fēmes venans à ſeleuer, ou mettre ſur le baſſin ont grande perte à coup, qu'il leur cauſe foibleſſe, à quoy il ne faut negliger de les ſecourir, qui eſt pour le plus vray remede de les accoucher promptement, comme ie traiteray plus amplement, encores qu'elles n'ayēt vne ſeule douleur, aſſeurant que venant à les toucher l'on trouuera que la foibleſſe a autant relaché les ligamens de l'orifice de la matrice, que ſi la femme auoit eu cinquante douleurs: c'eſt le vray remede pour leur ſauuer la vie, & faire que l'enfant puiſſe eſtre baptizé. Ceux qui le pratiqueront autrement perdront la mere & l'enfant, en cas que la perte de ſang ſoit grande, ie l'ay prattiqué & m'en ſuis bien trouuée: il ne faut qu'en cela ſage-femme timide face cimetier boſſuë, ſi elle ne le peut faire, qu'elle concluë avec les Mede-

cins de le faire faire en temps & lieu
par vn Chirurgien:

Plusieurs s'estonneront de quoy ie
dy, que la sage femme ne le pouuant
faire, le face faire par vn bon Chi-
rurgien, estant besoing aux extre-
mes maladies, s'aider d'extremes re-
medes, & d'autant que les sages fem-
mes, ne se trouuent de cent fois l'une
à chose qui aille mal, sont subiectes à
s'estonner voyant mal aller, le Chi-
rurgien, au contraire, ne se trouue ia-
mais qu'en chose deploree, & que la
sage femme ne se soit renduë, estant
aussi accoustumé au mal que la sage
femme au bien: il se trouue des sages
femmes si outrecuidees, qu'ayât fait
quelques efforts de deliurer vne fem-
me, cognoissant qu'il leur est impos-
sible, tiennent bon tant que tout soit
perdu, le pauvre chirurgien leur est
bien tenu, lors que tout est ruiné par
elles, d'en auoir le blasme, & estre ap-

pellé bourreau. Ayant peu, s'il eust esté appellé à téps, sauuer la mere & l'enfant: ils'en est trouué de si ennemies de nature, que tenant en leurs mains de leurs proches parentes ont renuoyé le Chirurgien qui estoit appellé par les amies, & ont laissé ainsi mourir mere & enfant, d'en appeller vne autre au secours, ie n'en feray d'auis, sçachant que cela arriuant il y auroit danger qu'elle ne gastat tout pour dire que ce seroit esté la premiere.

Ie n'en parle par opinion, mais comme personne qui le sçait fort bien, la premiere chose dont elles se salüent est de se prendre de bec, oublians la malade, & tout deuoir, ie laisse à penser quel contêtement reçoient les assistantes, voyans la vie de leur amye entre les mains de deux femmes forcenees de colere. Ie voudrois que telles femmes fussent

Observations

plus sages d'effect que de nom, partant ie conclus qu'il vaut mieux viure entre les mains d'un chirurgien entendu & hardy, que de mourir en celles d'une sage-femme ignorante, & temeraire, qui croit que le temps luy doye apporter issuë au mal, cōme au bien, ie ne doute point qu'il ne soit de tres habiles sage femmes: mais non en si grand nombre que d'autres, le moyen de les discerner, est que toute fēme qui aura la crainte de Dieu, aymeia mieux l'honneur que le lucre: n'ayāt iamais enuie d'en despecher l'une, pour courir aux autres, comme font celles qui ont tousiours leurs maisons pleines de filles & femmes sans mary, lesquelles sentent auoir affaire qui les presse. Ie ne sçay, où ont les yeux tant de femmes d'honneur, de n'en faire aucune difficulté, & de n'apprehender nō plus qu'elles leur portent la verolle, cela

s'estant

s'estant veu arriuer tant d'autres fois, ie ſçay qu'il faut que quelqu'vnes les accouchent, mais ce deuroient eſtre certaines, lesquelles ſeroient delèguees & recognuës pour ſeruir telles gens, à celle fin de ne s'en ſeruir qui ne voudroit. Il ſe trouuera des filles lesquelles ont fait cinq ou ſix couches en telle maiſon. Cela merite autre nom que celuy de ſage femme: ie n'en parle pas pour mon intereſt, d'autant que ie ne veux faire profit en tel meſtier. I'en cognois d'autres que moy, qui en ſont bien de meſmes: s'il faut louer la vertu plus que le vice, les vnes meritent plus que les autres.

Il me ſemble auſſi fort rationnable que les Chirurgiens qui accouchent les femmes ſe diſpensent de traiter des verolez, d'autant que les femmes encourroient le meſme hazard:

*Moyen pour cognoistre si vne femme
est grosse.*

CHAP. III.

IL se faut informer combien il y a qu'elle n'a eu ses mois, & si à la dernière fois qu'elle les eut, ce fut en pareille quantité & couleur que de coustume : d'autant qu'aucunes les perdent par indispositions, comme opilations des veines, celles-là comme leurs veines viennent à se boucher, diminuent de quantité & de couleur. Les autres les perdent de frayeur ou fâcherie, c'est de quoy il les faut informer, cela estant il n'y a point d'apparence de grossesse, & d'autant qu'il y a des femmes desreglees sans aucun subiet ny indisposition. Il faut sçauoir si elles ont per-

du l'appetit des viandes que de tout temps elles auoyēt accouſtumé d'aimer. Si elles ont eu enuie de viandes nouuelles, ſi elles ſe ſont trouuees fort applaties de ventre, cela eſt ordinaire aux femmes deux mois ou deux mois & demy, qu'il leur ſemble que leurs habits leur tombēt de deſſus les hanches: & neantmoins il leur ſemble que tout ce qui leur touche au corps les bleſſe, & ſpecialement apres auoir mangé pour peu que ce ſoit. Sçauoir ſi elles ont mal de cœur, ſoit qu'elles vomiffent le matin, ou qu'elles n'en ayent que l'enuie, ſans le pouuoir faire: ſi elles ſe ſentēt plus coleres & ayſees à faſcher que de couſtume: ſi leur ſein eſt groſſi & durcy, ſi le bout eſt changé de couleur, comme aux femmes blanches il rougit, & à d'autres il devient plus brun, ſi le ventre eſt vn peu plus plein d'vn coſté que de l'autre, ſi apres le man-

Observations

ger elle se trouue mal, pesante ou endormie: tous sont signes de grosseffe, & pour la plus grande seureté, la sage femme les peut toucher doucement, pour recognoistre si la matrice est estroittement fermee, comme vn cul de poule auquel l'õ ne pourroit mettre vn grain de bled, se contentât de toucher l'orifice exterieur, sans essayer de toucher l'interieur, & prendre garde que le col de la matrice ne soit calleux, ou endurcy de la façon que i'ay dit au premier chapitre, parlant des femmes qui ne sont capables de porter enfans à cause de quelque humeur, qui a rendu ou par extreme chaleur, ou extreme frigidité, ceste partie là imbecille, sans qu'elle se puisse ouurir ny fermer. Cela se cognoistra aisément comme i'ay desia dit, & mesmes aux femmes lesquelles n'ont pas la matrice si estroittement attachee aux aines les

vnes'que les autres. A celle-là ſe peut
toucher du doigt l'empêchement
au trauers du corps de la matrice,
d'autant qu'elle eſt ſituee plus bas
que les autres.

*Les raiſons pour leſquelles aucunes fem-
mes ſont plus enclines à porter des
faux germes, que des enfans, & le
moyen d'en diſcerner la groſſeſſe.*

CHAP. IIII.

IL y a beaucoup de femmes qui ne
font que des faux germes, & ne-
antmoins ſont capables de porter
des enfans, ayant donné ordre à la
cauſe d'où prouient le mal, comme
i'ay veu faire pluſieurs fois, en ayant
veu qui m'ont dit en auoir porté cõ-
ſecutiuellement vne douzaine, & de-
puis faire de beaux enfans, & demeu-
rant long temps ſans ſe faire purger,

Observations

ny saigner, recommencer a en refaire, y remettant ordre se remettre à faire des enfans, i'ay remarqué que ces femmes là s'ont pleines d'humeurs bruslees, ayant vn gros sang aduste, lequel conuerty en semence, ne pert que la couleur, & non la qualité, les semences s'estant rencontrees la matrice fait ses fonctions ordinaires, se fermant n'y laisse entrer aucun air, le corion se forme, se faisant du sang le plus gros, mais la nature en demeure là, ne trouuant ce qui est enfermé dedans reserué pour la formation de l'enfant, propre à ce faire, le sang menstrual ne laisse de s'arrester, & estre en partie enuoyé aux mamelles, & l'autre partie moins pur renuoyé à grossir & enforcir ses membranes, cela se fait pendant deux mois, ou deux mois & demy, qui est le terme le plus ordinaire que la nature s'en deffait, ne le pouuant parfaire. Je sçai

que pluſieurs les ont porté dauantage, mais par l'experience que i'en ay, ayant paſſé ce terme, la nature ayant il y a long temps ceſſé d'y trauailler, trouuât plus gros ceux de deux mois & demy, que ceux de cinq, qui empêchent ordinairement à celles qui en ont de les rendre au temps ordinaire, c'eſt que croyant eſtre groſſe d'enſât ſe gardét fort de faire exercice, portant remedes pour retenir, puis ſ'il leur préd quelque commencement de perte de ſang, ont recours de ſe mettre au liét, ſ'imaginât qu'il faut bien ayant paſſé tant de temps que de quelque façon que ce ſoit elles ſe ſoyent bleſſees, appellent du conſeil, les entendant parler, l'on cōclud avec elles pluſtoſt à retenir qu'à expulcer. I'ē ay veu auoir fait ainſi, les porter cinq mois & demy, puis reuenir quelque apparence de ſang, elles ayant paſſé tous les termes auquel

Observations

l'on doit sentir s'affligent & desirent alors l'expulsion , elle se fait à grande peine & à force de clisteres & remèdes , ce qui en eust esté plus aysé à la premiere apparence , car cela se garde dans la matrice , diminuant plustost que d'accroistre , & sortent les avant ainsi portez souuent à plusieurs fois piece à piece , & tous puants, ayant fait vne grande perte de sang long temps deuant, comme de trois ou quatre voire iusques à huit iours, d'as lequel temps se coule vne eau rouille , qui estoit enclose dans la membrane , & ne rendant plus qu'un peu de cerosité de mauuaise senteur , celles-là ont bien besoin d'estre fort purgees , apres des remèdes qui nettoient la matrice, car ces puanteurs là , à plusieurs l'excorient , & y font vlcere, il ne faut iamaïs craindre que ceux-là se tournēt en mole, c'est vne autre espee, dont

ie traicteray cy apres, le faux germe
ſe voit de deux façons, l'vne eſt ceſte
membrane corion, eſpoïſſe à aucuns
plus qu'aux autres, pleine d'eauë
rouſſe, en quoy c'eſt tourné ce que la
nature auoit retenu pour faire l'enſât
& quelquefois ſ'y trouue quelques
petits filamés, qui ne ſont autre cho-
ſe que les veines du corion, demeu-
rez inutiles, d'autre façon eſt ce co-
rion eſtant formé & attaché au fond
de la matrice, la nature eſt ſupedi-
tee par ce gros ſang, tellement
qu'il ſe iecte dedans & le remplit,
de façon qu'il eſt gros plus que le
poingt, quelquefois comme les
deux, lequel eſtant coupé ſe trouue
au milieu du ſang, gros comme
vn cœur d'oyſeau à part, qui eſt
à mon aduis ce qui l'ayde à en-
retenir, & luy donne quelque
certain treſſaillement. C'eſt celuy

là qui long temps porté se tourne en mole, se grossissant s'adhere au parois de la matrice, tout ainsi que fait le lierre croissant contre vne muraille, & se fait comme vne chair grosse de telle façon qu'il s'en voit rendre des femmes plus grosses, que si elles auoyent deux enfans au ventre, quand cela a atteint ceste grosseur, il est fort difficile de s'en deffaire. Ainsi arriue la grosseur du faux germe ordinaire dont j'ay premierement parlé, ainsi arriue de cetuy cy, car du commencement la mole n'est que faux germe, j'en ay veu ietter à plusieurs termes, & quand ils sont iettez pendant quatre ou cinq mois, sont appelez faux germes, passant cela, s'appellent moles, d'autant que le sang amassé, dont se fait le gateau, qui est adherant au fonds de la matrice, lequel s'appelle arriere-faix, & sert d'esponge pour receuoir le sang menstrual,

rèserué pour la nourriture de l'enfãt s'acroist & s'endurcit, s'estant ietté dás la membrane, comme i'ay dit, en telle quantité que la nature luy en enuoye, qui fait qu'à aucunes fort sãguines, il se fait gros en peu de tẽps, d'autres moins sanguines sont d'auãtage à grossir. Ainsi arriue la grosseffe del'vne, comme celle de l'autre. Les femmes, au commencement de tels empeschemẽs gonffent & grossissent tout à coup, & paroissent plus grosses en vn mois, qu'estant grosses d'ẽfant elles ne font à trois, ont les mesmes enuies que les femmes veritablement grosses. Mais elles sont à ce cõmencement plus rouges, d'autant que la chaleur naturelle, n'est retiree dans la matrice, pour la formation de l'enfant, ains est esparse par tout le corps.

Observations

*Le moyē d'accōmoder la peau d'occagne
aux femmes qui en portēt estant grosses.*

L'on doit prendre la peau d'occagne preparee comme les marchands la vendent, puis la mettre tremper trois iours en huyle d'amandes douces, puis l'ayant quelque peu esprainte l'approprier sur la bande de toile, & lors qu'elle est vn peu seichee il la faut frotter de l'vne des pōmades que i'ay escrit dōt les femmes grosses se doiuent frotter levētre.

*Vraye pommade dont la femme doit
vser estant grosse, craignant que son
ventre ne se gaste.*

Il faut faire vne pommade de lard fondu & la lauer d'eau rose, c'est la plus excellente.

D'autres en font de moëlle de pieds de mouton, crespine de cheureau, graisse de poule graisse, d'oye, mucilage de graine de lin, mauues, guimaues, & violiers de Mars, qui

eſt bonne auſſi.

Les dames Flamandes n'vſent que d'huyle de lis & conſeruēt fort bien leur ventre ſans eſtre gaſté.

D'autres ne prennent que du beurre frais bien lauē de l'eau roze, c'eſt le moindre remede, les premiers ſont les meilleurs.

*Pour des femmes leſquelles eſtant groſſes ſont ſubiettes à des gouttes cram-
pes, & le moyen de les oſter.*

Vne partie des femmes ſont grandement trauaillées de gouttes cram-
pes pendant leur groſſeſſe. Mal à
quoy i'ay veu ce remede icy non pas
ſoulager, mais guarir parfaictemēt.
Ce mal préd ordinairement la nuict
ou le matin, comme la femme com-
mence à ſe vouloir tirer du liēt, &
prend ordinairement au gras des
iambes, & ſoubs la plante des pieds,
ie ne croy point que femme en puiſ-
ſe eſtre plus trauaillée que i'ē ay eſté:

Observations

vn Medecin m'enseignâ de frotter le soir la partie ou le mal me prenoit avec de l'huyle lorin, puis l'envelopper de linges chauds. Ce que ie fis deux fois, & dès l'heure le mal qui n'estoit pas vn iour ou deux sans me prendre, ne me reprit iamais depuis.

Le mesme Medecin m'enseigna aussi le remede pour guarir la sciatique en son commencement, les femmes en sont quelquefois trauaillées en grossesse, elle prend au dessous de la hanche, ou des enuirs. I'en l'ay pas eüe, mais à ceux ou celles qui l'ont eüe, ie les en ay veu guarir frotant le soir le lieu ou tient le mal avec de l'huyle de therebentine de Venise, deuant le feu pour faire imbiber le remede, puis aposer des linges fort chauds dessus, cōtinuant trois ou quatre fois, i'ay souuent veu ensuiure la guarison.

Qu'il y a vn accident où il faut promptement accoucher vne femme à quelque terme que ce ſoit pour conſeruer ſa vie.

CHAP. V.

C'Eſt quand vne femme a vne perte de ſang deſmeſuree, ſur ſa groſſeſſe, d'ôt elle tombe en foibleſſe, le pluſtoſt que l'on peut il la faut boucher, d'autant que l'air attire le ſang, luy donner ce que l'on peut pour luy faire reprendre ſes eſprits, pour ſupporter l'accouchement, où il ne faut proceder d'aucun remede par la bouche, ny cliſteres, d'autant qu'ils exciteroiët la perte dauantage, mais il faut venir à l'extraction de l'enfant avec la main, la foibleſſe relache les ligamens du col

Observations

de la matrice, tellement qu'elles ou-
ure autant que si la femme auoit
grand nombre de douleurs: mais les
eaux ne se trouuant formees, il faut
rompre les membranes qui enuiro-
nent l'enfant, ainsi que l'on feroit v-
ne porte pour sauuer vne maison du
feu, & tirer l'enfant par les pieds, c'est
le moyen de sauuer la mere, & de
donner le Baptesme à l'enfant. Je l'ay
fait pratiquer par cōsentemēt, & en
la presence de feu mōsieur le Febure
Medecin, & de monsieur le Moine,
& monsieur de l'Isle aussi Medecin,
fort doctes, d'autant que i'auois veu
que ces pertes-là, sont causes tout à
coup de la mort de la mere, & de l'en-
fant, cela fut fait en la femme d'un
Conseiller de la Court de Parlement
laquelle estoit grosse de six mois son
enfant vescu deux iours, elle a porté
d'autres enfans depuis, les Medecins
reconneurent que si l'on eust differé

vne

vn̄e heure d'auantage, la mere & l'enfant eſtoient morts. Monsieur le Fèvre recita ceſte pratique là aux eſcoles de Medecine, & dit qu'en tel cas il conſeilloit aux aſſiſtans d'y proceder de meſme, veu qu'il auoit veu mourir d'honneſtes femmes, faute de l'auoir faiſte, enuiron vn an apres ie fus appellée pour veoir la femme d'vn frippier de la place Maubert, laquelle n'auoit pas eu vn̄e perte ſi à coup, elle fut quatre ou cinq iours, comme elle vit qu'elle n'en pouuoit plus, elle m'enuoya prier de l'aller voir, ie la treuuai en vn̄e ſueur froide, le poux d'vn̄e perſonne qui ſe mouroit, i'enuoyai querir vn̄ Chirurgien pour eſuiter le blaſme, & pour oſter le regret de la laiſſer mourir ſans l'accoucher en diligence, lequel l'accoucha fort doucement, elle mourut vn̄ quart d'heure apres, eſtant ouuerte il ne fuſt paſ trouué en ſon corps vn̄e

Observations

goute de sang, si elle eust esté secouruë en temps, l'on l'eust sauuee, la sage-femme luy disoit qu'il falloit laisser faire nature, & qu'elle en auoit eu autresfois de mesmes, ie n'entéd pas que si tost qu'une femme a vne perte de sang, que l'on y procede de ceste façon-là, mais il faut veiller sur elle, comme le chat fait la souris, & faire la guerre au doigt, & l'œil : Il se trouue bié des femmes qui ont leur mois sur leur grossesse, pourueu que cela ne dure guere, & que ce ne soit en petite quantité, il ne faut pas venir à ce remede, mais ceux ou celles qui sont appellees, en doiuent prendre le soing, & en sortir avec honneur. D'autant que les malades, ne cognoissant la consequence de leur mal, le negligét. J'ay veu peu de femmes qui ayent eu perte de sang sur leur grossesse ne soyent accouchees auant terme, & plus souuent enfans

morts, que de viuans, pour les meres, de pertes ſemblables à celles dont ie viés de parler, en mourut feuë mada-
moiſelle d'Aubray, femme de Mon-
ſieur d'Aubray, qui a eſté Preuoſt des
Marchands, auſſi en eſt morte ma-
damela Duchefſe de Mōrbazon, &
tant d'autres, moy cogn'oiffant que
le flux de ſang n'eſt entretenu que
par la groſſeſſe, l'ayant veu ceſſer ſi
toſt que la femme eſt accouchee,
i'ay mis ceſte pratique en auant, la-
quelle i'ay cognuë trop tard à mon
gré; pour la conſeruatiō de celles
que i'ay nommees, encores qu'elles,
n'ayent eſté ſeruies de moy, mais ſi la
pratique en euſt eſté pluſtoſt en vſa-
ge, elles fuſſent encores viuantes au
contentement de leurs familles.
Il ſe voit des femmes qui eſtant ſub-
iectes à de grandes fluxions, leſ-
quelles prennent leur cours le

Observations

long de l'espine du dos, viennent à passer par la matrice, aux vnes elle se melle parmy le sang qui va pour nourrir l'enfant, qui le rend chetif, & mal nourry, dont s'ensuit à plusieurs accouchement auant terme, sans auoir grande perte auparauant: aux autres elle s'escoule dans la matrice, à l'entour des membranes, ou liêt où il est envelopé, que nous appellons hydropisie de matrice, telles femmes ont souuent pertes quelquefois d'eau.

A d'autres elle sort teinte de sang: C'est en quoy il ne se faut pas tromper, ny prendre cela pour vne perte de sang: les femmes en sont soulagées, & qui voudroit restreindre ce flux là, l'on les feroit suffoquer, cela est vn benefice de nature, qui se cognoist aux linges, car estant sec cela est tout passé, telle perte vient sans effort, ny bleseure, ce que ne fait cel-

le du sang pur, sinon à celles qui sont si sanguines qu'elles en regorgent, tellement qu'il sort tout pur, sans aucun subiet, ces femmes là estans seigneues pour descharger, & faire reuulsion leur flux s'appaise, & ayant fait les remedes là, si le flux perseuerre, il y faut prédre garde & les accoucher: si l'on void les signes que i'ay dit, foiblesse ou ouuerture de matrice sans douleur, avec la perte de sang pur, qui se doit tousiours iuger à la teinture des linges.

*Comment il faut que la sage femme se
gouverne à vn accouchement
auant terme.*

CHAP. VI.

SI vne sage femme est appelée,
par vne femme, qui ne soit pas a

terme, il faut qu'elle s'informe du temps de la grossesse & d'où peut provenir le mal, & où il tient, afin de veoir s'il se peut apporter remède: d'autant qu'une femme peut par frayeur, ou foiblesse, fluxions, fascherie, ou blesseure, avoir douleurs pareilles, à celles d'accoucher, commençant aux reins descendantes au ventre, ainsi que fait une pierre descendente par les vaisseaux vretaires dans la vessie, tombant au petit ventre, & respondant quelquefois sur le siege, il faut cognoistre que si le froid donne de grandes coliques qui commençant aux reins, respōdent à toutes les parties susdites, que la frayeur donne grande douleur de reins, à cause du sang qui est en la veine caue qui est esmeu que la foiblesse relasche les ligamens, qui soustiennēt la matrice, lesquels relaschez, pressent les vents contenus au dessous, qui donne

aussi des douleurs, que la fluxion relasche aussi lesdits ligamens, qui cause le mesme mal, la fascherie vient à faire gonffer & ietter l'enfant hors de sa place, qui cause pareil accident & quelquefois presse de telle façon, qu'il fait flux de sang au commencement, tout cela est reparable, faisant mettre la femme au lit, si le mal procede de froid, il faut faire vne fomētation de cyprés blancs, marjolaine, franche, romarin, baume rouge, & baume vert, camomille, & melilot, à la frayeur ne l'eschauffer que peu, luy dōner vn peu d'occierat à boire, pour rasoir le sang, à la foiblesse, du vin ou bien peu d'vne confection de iacinthe ou alquelines, à la fluxion, c'est le mal où il y a le moins de remede ce que l'on peut faire, c'est de tenir la femme close & couuerte, fortifiant le cœur, & la faire viure de viande solide, à la fascherie, il

Observations

s'en faut tirer le plus viste que l'on peut, pour euter l'accouchement, car elle est capable de faire accoucher à tout terme, ainsi que la bleffeur, laquelle la fomentation de cyprès blanc, marjolaine, rosmarin est fort propre, estant amortie sur vne pelle chaude, arrouzee de gros vin vermeil, mis au dessus du nombril, ayde fort à remettre l'enfant en sa place: & sur tout le liêt est le premier remede, & ne travailler de corps ny d'esprit. Si la sage-femme est appelée trop tard, que les apparences manifestes soyent de l'accouchement, comme les eaux formées, ie ne luy conseille pas de faire efforcer la femme, iusques à ce que par la nature sâs riē faire, elle se perce pour se tirer de scandale: car beaucoup de personnes sont bien ayfées, estant cause de leur mal, de s'en descharger sur ceux qui n'en peuvent mais. Mais apres

les eaux percees , comme i'ay dit ſouuent, l'enfant eſtant foible, ou l'intestin eſt ſi plein de gros excremens recuits, qu'il l'empelche de venir: la ſage femme peut donner vn cliſtere, lequel ne peut nuire à l'enfant, ains le peut grandement ayder, & aydant elle eſt hors d'intereſt, les eaux eſtans percees ſans l'auoir faiſt efforcer, ie luy cōſeille qu'elle la touche peu auât que les eaux ſoient percees, d'autant que ſi par malheur elles ſe perçoient cependant qu'elle y a la main, l'on l'accuſeroit d'auoir fait accoucher la femme , il faut que les femmes qui accouchent auant terme, ſe gardent autant & plus que ſi elles auoyent accouché à terme, voire celles qui font de faux germes, le doiuent faire pour leur ſanté.

*Des accouchemens à terme ou les enfans
ne viennent pas bien, & de combien
de façon l'enfant se peut presenter,
qui sont douze.*

CHAP. VII.

LE plus mauvais est quand l'enfant se presente le nombril deuant, ayant le ventre au passage, & les bras & iambes en arriere. C'est vn accouchement d'où il y a peu d'enfans qui en puissent eschapper, s'ils ne sont menus, & logez dans vn grand corps, d'autant que s'ils sont gros, & en vn petit corps, il est bien mal-aisé de porter la main pour les tourner : ie diray en tous les accouchemens difficiles, ce qu'il faut faire, si faire se peut, c'est que le plus promptement que l'on peut remettre le nombril dedans le corps de la

mere, il le faut faire: mais si la sage
femme n'est au perfer des eaux, il est
bien dangereux que l'enfant ne
soit desia mort, lors qu'elle arriue,
par ce que le nombril sortant, il se
refroidit prôptemēt, & se tumesie,
les arteres par lesquels l'enfant res-
pire dans le ventre de la mere, estāt
refroidyes le sâg arterial qui est de-
dās, se coagule, & bouche le chemī
à la respiratiō, d'oū prouient la mort
foudaine de l'enfant. Car tāt qu'il est
dedans le corps de la mere, il ne peut
aspirer que par là, d'autant qu'il nage
dans l'aue, la nature luy a donné ce
passage-la pour aspirer sans attirer
l'eau, ny par la bouche, ny par le
nez, nō plus qu'un poisson, il faut re-
mettre le nōbril, scituer la femme
au trauers du liēt, la teste, & les reins
fort bas, afin de faire rétrécir ce qui se
presente de l'efant, puis estant frot-
té les mains de beurre frais, cher-

cher moyen de trouuer les pieds, & les conduire à bord; puis faire coucher la femme sur le costé où vous auez amené les pieds: puis la remettre sur les reins, & si elle a douleur, pendant qu'elle dure tirer doucement l'enfant; si elle n'en a point, la faire efforcer, & pendant l'effort, l'attirer peu à peu; & luy donner des relasches, pour reprendre ses forces: & mesme dōner du vin de la cōfection alquermes pour luy donner force & courage de supporter ce grand trauail-là, qui est le pire.

2 Le second est vn peu moins dangereux, qui est quād l'enfant se présente au trauers du corps de la mere, presentant le costé, & quelquefois l'arriere faix deuant, il faut scituer la femme comme i'ay dit cy deuant, & ayant frotté les mains de beurre, repousser l'arriere faix derriere l'ēfant, puis repousser doucement l'enfant

en le tournant, ayant mis la femme basse de teste, & de reins, & ayant trouué les pieds, s'y gouuerner cōme i'ay dit cy deuant.

3 Le troisiẽme est quand il presente l'espaule, lors qu'elle se presente de quelque facon que ce soit, la teste est fort proche, & si elle n'estoit non plus dangereuse à toucher que les pieds s'en seroit bien tost fait. Mais il s'y faut gouuerner ainsi qu'à tous les autres avec vne grande discretion: car la teste ne se doit prendre, ny attirer, comme ie diray: c'est qu'il faut coucher la femme, les iambes hautes, ayant les pieds plus hauts que la teste, puis porter la main bien amollie, sous la teste & sous le col, mesmes sous les espaules de l'enfãt, & le tourner à chef: puis l'ayant mis droit à chef, rehausser la femme en scituatiõ moyenne, comme i'ay dit, estant bien couuerte, que le vent ne

Observations

luy puisse nuire, la laisser reposer, en luy donnant quelque petite chose à prendre, attendant ses douleurs à venir, si elles sont long temps à reprendre, ou que les douleurs soyent trop petites, & que la longueur du temps ait affoibly la mere, & peut estre l'enfant, vn bon clistere carminatif, sera fort propre, où il entreïere, & benedicte & catholicum, cela resueille la nature, & prouoque les douleurs, & accroist le passage, & en ce temps l'on luy peut donner demye dragme & confection alquelines, & si l'enfant s'aduance peu au liêt, & qu'elle desire d'estre leuee, l'on la peut mettre dans vne cheze propre pour accoucher, où la pesanteur de la teste aydera fort à l'ouverture & à auancer l'accouche-

ment.

4 Le quatriefme eft lors qu'il prefente vn bras, c'est que à l'inftant il faut qu'il foit remis, & quand c'eft de foy mefmes il vaut beaucoup mieux: & pour ce faire il faut diligemment auoir de l'eau la plus froide que l'on pourra, & luy mettre la main dedans, fi l'on ne peut, prendre vn linge fort mouillé, & le faire toucher, cela fait à vn enfant fort, retirer le bras promptement: s'il eft foible, & que pour cela il ne fere-tire, il ne faut donner le temps à l'air de le tumefier, car toute partie qui fe prefente fe tumefie incontinent, il faut auoir du beurre fondu vn peu plus que tiede, & en oindre la main, & le bras, & doucement le remettre: puis chercher les pieds, lesquels ne font iamais gueres loing, car l'enfant eft

Observations

ordinairement tout à vn bouchon, si ce n'est aux deux premiers accouchemens dont j'ay parlé, & l'attire doucement avec la douleur, & s'il n'y a point de douleur, les pieds estans proches du passage, & non dehors, le clistere carminatif dont j'ay parlé se peut donner pour faciliter le passage, & faire faire des esprintes à la femme, d'autant que le passage n'estant suffisant, le corps & specialemēt la teste ont grande peine à sortir les dernieres: mais ie ne suis d'aduis que l'on la leue.

§ Le cinquiesme est quand il presente les deux mains, il les faut faire remettre avec l'eau froide, où les remettre les ayant frottees de beurre fondu, & auparauant que d'essayer de les remettre, il faut mettre la femme les pieds fort hauts, & la teste basse, & ce faisant les mains se peuuent remettre toutes seules, & puis voir laquelle

laquelle partie est plus aysee de la teste ou des pieds, puis s'y gouuerner comme i'ay dit cy deuant.

6 Le sixiesme est quand il presente les pieds deuant, si c'est au commencement du mal, qu'il iette vn pied dehors, lors que le trauail commence: s'il y a de grandes douleurs, il faut aller chercher l'autre, & lors de la douleur attirer l'enfant: mais si c'est sans ou avec fort peu de douleur, ie voudrois remettre le pied, boucher la femme, la nourrir & la fortifier, puis à quelque temps de là luy donner le clystere susdit, & tirer l'enfant aux esprintes ou douleurs causees par le clistere. Il se peut donner aussi vn peu d'eau de canelle, ou d'eau clerette lors qu'il en faut venir à telles prinſes.

7 Le septiesme, c'est quand vn enfant vient le cul deuant, apres s'estre présenté desia assez auant pendant

Observations

la douleur, car les femmes à qui l'enfant se presente de telle façon, ne sont iamais gueres sans auoir des douleurs, il ne le faut laisser engager dans les os, car il faudroit qu'il vint en double, qui seroit vn grand effort pour la mere, & vne merueilleuse contusion, & froissure pour l'enfant: tellement que l'ayant l'aissé presenter ainsi vn peu de temps, il faut chercher, & amener les pieds, la remettre en bonne situation & avec ses douleurs conduire l'enfant.

8 Le huitiesme est, quand il presente le nombril auant la teste, cela arriue quand les femmes ont beaucoup d'eaux qui se sont formees deuant la teste, se venant à rompre, la teste n'ayant encores pris place, au commencement laisse vne espace, où le nombril se glisse, & deuance la teste: il ne faut tenir telle femme debout, ny assise en la chaize, pour les raisons que i'ay amplement di-

Êtes au premier chapitre des mau-
uais accouchemens, ains les faut te-
nir couchees basses, tât que le nom-
bril soit remis derriere la teste, puis la
remettre en situation, & si le nom-
bril se reglisse, il faut couper vn ef-
cheueau de fil de Cotton, & le por-
ter du doigt, du costé ou le nombril
se presente, ainsi qu'un linge que
l'on met au fonds d'un tôneau pour
estancher le vin qui sort, tant que la
teste se soit auancée, & ait gagné pla-
ce, le bout s'en peut attacher d'un ru-
ban à la cuisse, afin de le tirer quand
l'on voudra, car si l'on ne fait ainsi, le
nōbril sort tousiours à chacunedou-
leur, tenir tousiours la fême basse de
teste, l'ō la feroit estoufer par l'эфāt &
si en remettāt le nōbril par plusieurs
fois, l'ō rēd le sāg arterial cōtus cōme
i'ay dit, d'ou s'эфuit la mort de l'эфant.

9 Le neuſielme est quand
les mains se presentent deuant

Observations

la teste, il faut coucher la femme basse, comme i'ay dit, puis les remettre, & apres remettre la femme en bonne situation, les mains ayant esté biē remises, ne glissent pas comme fait le nombril, elle estant bien situee, la teste gaigne place, les mains n'y estant plus pour luy empescher.

10 Le dixiesme est quand la face se presente la premiere, il est d'agereux de s'y tromper, & prēdre cest accouchement pour celuy du cul deuant, toutesfois les femmes qui l'entendent bien, ne s'y trompent iamais, il faut boucher la femme, luy donner confection alquermes, ou l'eau de canelle, ou à vn besoin le clistere, recherchant tous les moyēs sans y toucher, de haster l'accouchement, car pour peu qu'il demeure en cet estat, il vient si contrefait & monstrueux de visage, qu'il semble qu'il soit tout meurtry, si l'on y a touché de la main

c'eſt bien encores pis, ſi toſt qu'il eſt né il luy faut froter tout le viſage d'huyle de mille pertuis, ou d'huyle rozat & baſme, ce qui eſt le plus enflé.

II L'vnzieſme eſt, quand la teſte ſe preſente plus d'un coſté que d'autre, qui eſt vn accouchement aſſez faſcheux, car la teſte venant la premiere, l'on dit qu'il vient bien, & neantmoins il y a grand peine à le faire auancer, il faut faire coucher la femme ſur l'autre coſté, afin qu'il ſe puiſſe deſengager du coſté où il eſt empreint, & ſi pour cela il ne ſe deſgage, il faut commencer par la nourriture, eſtât quelque tēps de là venu au cliſtere, il faut toſt apres venir aux remedes qui fortifient à coup, comme aux confections de iacinthe ou alquermes & eau de canelle, & clerette, & non toutes enſemble: mais l'une ou l'autre, puis ſi cela n'y fait rien,

Observations

il faut porter la main bien amolie, & ayant mise la femme comme i'ay dit en tous les precedens traictez, la teste basse, sous la teste & col, pour la ramener de droicte ligne, ou toutes les peines seroient vaines, si l'on differe long temps, l'on fera qu'apres l'auoir radressée, la femme sera si foible qu'elle n'aura pas la force de l'expulser : tellement qu'il faut que la prudence de la sage femme subuienne à tous ses deffauts, sans s'arrester au dire d'aucunes des assistantes: n'estoit qu'elle ayant sceu la cause d'où prouient la longueur voulust faire appeller le Chirurgien, ie seray tousiours d'aduis le laisser prendre possession de la place, car les mauuais accouchemens ont de tout tēps esté, & de tout tēps ceux qui ont esté appelez pour y subuenir, ont deuy apporter de toute leur affection remedes propres comme ie croy qu'ils

font: & ſi elles ſe ſentent trop foibles pour y ſubuenir, doyuent elles meſmes demander ſecours, auant que les choſes ſoient deſplorees, leur eſtant mille fois plus d'honneur d'auoir fait ſecourir, que de laiſſer perir mere ou enfans en leurs mains, ou ſouuent tous les deux.

12 Le douzieme eſt quand la teſte vient droictement deuant, qui eſt le vray accouchement naturel, ou encor eſt-il beſoin d'aſſiſtance d'une bonne ſage femme, car ſouuēt la teſte venant bien droictement deuant, il ſēblera que l'enfant peut naître ſās aucune fortune, ce qui ſe fait par fois, mais il ne ſ'i faut dutout fier, car il arriue ſouuent que le nombril fait deux ou trois, voire iuſques à quatre tours à l'entour du col, qui l'empêche de venir ſi promptement: car l'enfant ſe trouuant ſerré, ne ſe peut auancer, ou ſi rudement

Observations

chassé par les douleurs il s'aduanee, il a bien besoin d'estre promptement destortillé, ou bien il estrangleroit, il s'en est veu de si serrez que ne pouuant les auoir sans les ferrer d'auantage, ayant essayé de passer l'ombilic sur la teste, il a esté force de le couper, & le detortiller, puis lier les deux bouts de l'ombilic, l'vn pour empescher l'enfant d'afoiblir, & perdre son sang : & l'autre tenant encor à l'arriere fais, & l'attacher à la cuisse de la femme craignant d'en perdre le bout: & d'ailleurs si l'on le laissoit seigner laisseroit l'arriere fais à sec, adherant au fond de la matrice, lequel seroit bien plus dangereux à tirer, craignant de ne le tirer pas tout entier: Il y a encores vn autre accident qui est que quand la teste est sortie, les espaules étant grosses ne peuuent sortir sans ayde, qui est de passer le doigt sous l'aisselle de l'enfant, de-

uant ou derriere , comme i'ay faiët
souuent pour les tirer avec grande
force , ou les enfans fussent estran-
glez. Car la nature ayant iecté avec
grand effort ceste teste, pense estre
quitte & se veut resserrer, de façon
qu'il ne luy en faut pas donner le loi-
sir, ains il luy faut faire rendre tout ce
qu'elle doit pour l'enfant, & pour la
mere , sans luy donner guiere de
terme.

*Des femmes à qui les eaux percent
long temps auant l'accou-
chement.*

CHAP. VIII.

ILy a des femmes à qui les eaux
percent long temps auant l'accou-
chement, ien'entends pas parler de
celles qui ont hydropisie de matri-

Observations

ce, laquelle s'escoule : car à celle-là ayant fait euacuation, l'enfant ne laisse pas, venant au monde, d'auoir ses eaux, qui s'estant formees se percent, c'est donc de celle-là que ie veux parler. I'en ay veu à qui elles se sont escoulees douze iours deuant, d'autres huiet, d'autres six, quatre, l'ordinaire est quand elles se percent, si pendant deux ou trois heures le travail ne prend, il demeure iusques à vingt-quatre heures d'ordinaire, ou l'un des termes (que i'ay dit,) telles pertes se font par debilité des membranes, ou le commencement de la formation de l'eau est contenu, plustost que par la grande abondance des eaux, & vne femme qui aura grande quantité d'eaux formees, & que les membranes contenantés seroient robustes, & qu'il ne tient qu'à leur rupture que la femme n'accouche, il n'est pas conuenable à

la ſage femme de les rompre pour beaucoup de raiſons: l'vne eſt qu'il y auroit à craindre que le nombril ſe fuſt eſcoulé dedans, ou vne main, ou vn pied. Mais bien peut-on mettre la femme ſur de l'eau tiede pour attirer d'auantage & ramolir, vſant de lininent remolient, afin qu'aux efforts de la mere, la teſte ou autre membre preſſant elles ſoyent plus ayſées à rompre. Il y en a qui donnent les plus grandes apprehenſions du monde aux femmes quand les eaux ſ'eſcoullent long temps auant que d'accoucher, & diſent que l'enfant eſt en danger, & qu'il eſt demeuré à ſec, i'en ay veu, cōme i'ay dit, percer douze iours auant que d'accoucher, quin'ont laiſſé d'auoir des eaux pour humecter le paſſage, ayant trouué plus de prouidence en la nature que de ſe deſfaire de toutes ſes commoditez, pour en manquer puis apres: car comme il vient vne petite

Observations

douleur elle en enuoye tousiours quelque petit , & si vous pensez que ce qu'elle enuoie ne soit suffisant, vous pouuez augmenter le remolitif avec du beurre frais, mais ce dont ie veux prier les femmes, ayans leurs eaux percees, ou euacuation proueuante de l'hydropisie de matrice, & d'autant qu'elles ne peuuent discerner l'un d'avec l'autre , de ne point sortir à l'air , craignant qu'il ne leur entre dans la matrice, ou si c'est dans le liect de l'enfant lequel demeure ouvert, les eaux estans percees c'est encores pis.

I'en ay veu qui sont sorties qui n'en ont point eu de mal, mais aussi en ay ie veu qui en ont encoru hazard de la vie : Car l'air n'ayant peu empêcher l'enfant de sortir , à cause des douleurs & de sa pesanteur, est demeuré renfermé dans l'arriere-fais,

l'empeschant de sortir, ayant tellement comprimé les vaisseaux & emboucheures des veines de la femme, qui aborde au fonds de la matrice, que plusieurs conuulsions s'en sont ensuyuies, de façon que l'on n'esperoit point de vie à telles femmes, cest pourquoy il est ayſé d'obuiier à tels accidēts, se tenant en leur chambre close & couuerte, attēdant l'heure de Dieu, se tenant tousiours sur leurs gardes, ayant fait recognoistre si se sont les eaux de l'enfant, ou si c'est hydropisie de matrice, qui se soit euacuee, encore se faut-il tenir bandee & chaudement deux ou trois iours apres.

*Pour iuger quand vne femme se trouue
mal, si c'est travail.*

CHAP. IX.

QVand vne femme se trouue mal, il se faut bien garder de la laisser efforcer, qu'auparauant le mal n'aye esté recognu, d'autant que des femmes endurent souuent des douleurs qui les pressent, comme si elles vouloient accoucher, & neâtmoins ce n'est pas travail aux vnes, c'est quelque petit desuoyement de ventre qui se veut esmouuoir, aux autres se sont coliques : la douleur qui preuient le desuoyement, tient dans les reins, & ordinairement par tout le ventre, la colique fait autrement, la douleur, si elle commence au haut, ne passe gueres le nombril, si elle

commence au bas, elle ne le paſſe pas non plus, elle fait comme vne barre tout au trauers du ventre, ſans pouoir paſſer plus auant, la chaleur que l'on peut donner avec des linges chauds, ſe tenant couchée les iambes racourcies, fait ordinairement paſſer le mal: mais ſi ſont douleurs pour accoucher, à la chaleur le mal augmente. Il faut toucher la femme, & ſi l'orifice de la matrice ſe trouue ouuert, & que pendant la douleur, il ſe ſente reſpondre ſoubs le doigt choſe qui pouſſe, ou qu'il ſe ſente quelque petite moleſſe, qui à la douleur ſ'aduançe peu ou prou, ſ'endurciſſant, c'eſt trauail ſans doute.

*Pour la situation de la femme
en travail.*

CHAP. X.

I'Ay souuent remarqué, que l'une des chose la plus necessaire à une femme en travail, est d'estre bien située pour le soulagement de la mere & de l'enfant : si c'est une femme qui se veuille & puisse pourmener, iusques à ce qu'elle soit prestee d'accoucher, ie le trouue fort bon : pourueu qu'elle soit menee de deux personnes fortes, qui lors de la douleur la puiffent soustenir, elle se laissant du tout aller sur eux. N'ayant les iambes serrees, ou bien auoir vn siege bas, sur lequel il y ayt vn oreiller deuant vne table, pour quand elle sent venir sa douleur, elle se puisse agenouiller,

ler, s'appuyant sur la table, où il y ait
aussi vn oreiller : puis elle peut se re-
tourner pour mener : d'autres dès le
commencement du travail desirant
se mettre au liect, où ie les trouue
mieux qu'en autre part, pourueu que
le travail ne soit pas trop long, ou si
le travail est long, & qu'elle se vueille
leuer, pourueu que l'enfant ne soit
point entre les os, ie ne serois pas d'a-
uis de l'en empescher, d'autant que
ce mal est si extreme, qu'il faut vn
petit contenter celle qui souffre, i'ay
souuēt si grāde pitié, de voir gesner
des femmes par leur mere ou paren-
te, pour les faire malgré moy tenir
en vne place, sans s'oser groüiller,
que cela rend leur mal deux fois aus-
si insupportable, & sont apres si des-
rompuës, qu'elles ne se peuuent re-
muer, il faut que le lit d'une fême qui
est en travail soit fort haut de teste,
& de reins venant en pointe iusques

Observations

aux pieds, où l'on peut mettre vne grosse busche sous le matelas ou liçt, afin de les arrester, lesquels elle ne puisse estédre, qu'à vn pied pres de sa lōgueur. A aucunes se met vne elai-ze ployee en façō & de la largeur d'vne seruiette à mettre sur table, laquelle passée depuis les reins en bas, se doit soulleuer par deux personnes fortes lors de la douleur, s'accordant en mesme temps, autrement cela seroit plus importun que commode. Il y a des femmes si grosses & petites, que les mettant au liçt le mieux accommodé que se puisse, y pensent estouffer. I'en ay seru plusieurs qu'elles ou leur enfant y fussent plustost demeurees que d'accoucher, encore qu'il vinst biē, sans estre debout ou assise, les ayant autrefois accouchees: cela a esté esprouué en mon absence (à mon grand regret) que les enfans y sont morts, & les femmes y

ont penſé demeurer, c'eſt que ſentant le mal, elles feignent & paſſent leur douleur le plus legèrement qu'elles peuuent, ſans s'eſſorcer, tellement qu'il faut qu'eſtant debout, ou aſſiſe dans la chaise, la peſanteur face auancer l'enfant mal gré elles: celles qui ont mal de reins extreme, ne peuuent demeurer au liſt non plus, ny celles à qui la colique eſt meſlee parmy leur trauail.

Le moyẽ d'oſter la colique à une femme qui eſt en trauail, l'ayant diſcernée & faciliter l'accouchement.

CHAP. XI.

IL y a pluſieurs femmes à qui le trauail prend, & à l'inſtant la collique auſſi, laquelle eſt ſouuent cauſee par des morfondures

Observations

ou indigestions lesquelles tourmentent si extrêmement les femmes, qu'elles surpassent la douleur du travail: d'autant qu'une femme est excitée par la douleur du travail à s'efforcer, une douleur s'oppose à l'autre, de façon que la douleur de colique, arreste l'autre, & ainsi toutes deux respondent au cœur, & pendant cela pour douleur qu'une femme endure elle n'advance rien, & si le travail apparait le premier, la colique en peut restreindre les apparences: Il faut à tel mal prendre huyle d'amen-de douce, deux onces, avec une once d'eau de canelle, puis à quelque temps un bon clistere carminatif, où entre catholicum iere & benedicte, & si le premier ne se trouve suffisant, il faut le reiterer & quelquefois les fomentations propres à dissiper les vents font grands biens en mesme temps.

*Pour celles qui accouchent de deux
enfans, comment la sage femme
s'y doit gouverner.*

CHAP. XXII.

I Ay souuent accouché des femmes de deux enfans, soit fils & filles, soit de deux fils, soit de deux filles, encores que l'on die quand ils sôt tous deux de mesme sexe, qu'ils ne vivent pas, i'ay veu, & voy viure de toutes les façons que ie viés de dire, le trauail d'une femme qui a deux enfans est plus long que celui d'une qui n'en a qu'un, d'autant qu'ils sont plus empressez, & plus foibles, i'ay veu assez souuent le premier venir bien, & l'autre venir mal, il est certain que le premier qui vient bien est le plus fort, lequel a le pouuoir

Observations

de deuancer l'autre & de rompre les membranes, lesquelles le tenoient enuelpé, & quād ils viennent bien tous deux à chef, lors que le premier est né, le secōd est enuelpé de mesme qu'estoit le premier, ils'en void demeurer long temps à venir apres l'autre, comme moy mesme, i'en ay receu vn douze heures apres vne fille, mais il se trouua foible, & neantmoins s'est fort biē porté, ie me suis trouuée en mesme affaire, où ie n'ay pas fait ainsi, car ayāt recogneu que c'est le plus fort qui vient le premier, i'ay creu qu'il falloit ayder au second s'il y a douleur, pour rompre les membranes qui enuolopent les caues, & si il n'y en a point, luy donner clistere assez fort, pour exciter la douleur, afin de ne laisser patir ce foible, & il a reussi de façon, que si ie ne l'eusse fait, le second n'eust peu souffrir la peine, d'autant qu'il estoit

menu & foible, & pour preuue de ſa foibleſſe, il auoit l'oſ frontal ſeparé d'un doigt de large, iuſques ſur le nez : Il eſt viuant auſſi bien que le premier, l'oſ s'eſt rejoint, & ſe porte auſſi bien que ſon ainé, il fut aduiſé par Monſieur Martin Medecin, de laiſſer vne groſſe comprefſe ſoubs vn bandeau, que ie luy auoiſ miſe pour empêcher que l'air ne penetraſt au trauers du cuir : ſi le ſecond vient mal, il ne faut pas laiſſer de rompre ſes éaux, & l'amener par les pieds. Car il a fait tous ces efforts de venir le premier, tellement qu'en la poſture qu'il eſt demeuré, il ne ſ'en peut changer, le prolonger luy eſt plus nuifible que profitable, i'en ay receu pluſieurs fois deux d'une ventrec, de dix, ie n'en ay pas trouué deux qui euſſent

Observations

chacun leur deliure à part, tous presque n'en ont qu'un pour les deux, ou il n'y a qu'une petite membrane qui les separe, il faut tenant le premier, couper le nombril, & le lier & attacher à la cuisse, cependant que l'on tire l'autre enfant, car le premier se morfondroit & affoibliroit attendât tout cela.

Ce qui se peut donner à prendre à une femme en travail.

CHAP. XIII.

IL se trouue beaucoup de sortes d'avis, s'il y a beaucoup de personnes, où il y a une femme en travail, & ordinairement chacun se trouue d'avis contraire, ie ne suis pas d'avec ceux qui veulent tant donner de remedes chauds & violents, sans extre-

me neceſſité, d'autant que cela cauſe des fieures merueilleuſes, apres l'accouchement, deux choſes ſont fort nuifibles à vne femme en trauail, grande repletion, ou grande inanition, toutes extremitez ſont ennemies de la nature, c'eſt donc pourquoy il ſe faut gouverner ſagement en cela, s'informant du temps qu'il y a que la femme n'a mangé, & ſi ç'a eſté en quantité, recognoiſſant que l'eſtomac d'une femme groſſe ne digere pas ſi promptement que celui d'une qui ne l'eſt pas, ſ'il y a long temps qu'elle n'a mangé, & beu, & qu'elle ſoit foible, la faut nourrir de bons boüillons fort nourriſſans, ou quelque iaune d'œuf frais, ſi le mal eſt long, & que l'on recognoiſſe que ce qu'elle aura pris, puiſſe eſtre paſſé, l'on peut, la voyant laſſee du long trauail, luy donner eauë de teſte de cerf, ie n'ay pas recognu que la quã-

Observations

titée en puisse blesser , elle fortifie le cœur, l'eau de canelle est fort propre. Mais ie ne voudrois iamais excéder vne once, ou à faute d'icelle, vne once d'eau clerette, ou demie dragme, ou à deux fois vne dragme de confection alquermes, dissoute en deux doigts de vin clairer, & non pas plus que l'vne de ces trois choses. Car i'en ay veu le mal porter d'en auoir trop pris, & comme i'ay dit, cela cause la fiebure, se venant à digerer, eschauffe tout le corps, lors qu'il n'en est plus de besoin. La fieure arreste les purgations, empêche l'eucuation du lait, qui cause d'estranges maladies : Je n'ay iamais receu tel contentement, que quand les femmes qui accouchent font appeller leur Medecin. Car il me semble estre dans mon fort, d'autant que toutes les personnes qui se veulent mesler d'ordonner, sont

contraintes se taire, ou s'ils font vne proposition, le medecin la resoult, il sçait le naturel de la malade, & luy fait faire ce qui luy est necessaire, ce que ie recite des remedes, & de leurs effects viens des doctes Medecins, avec qui i'ay prattiqué, mais il y a des personnes qui estant malades pour accoucher, s'il ne vient de leur mouuement d'appeller les Medecins, si l'õ leur en parle, prennent telle espouuante, qu'elles croient qu'il y va de leur vie, & croy que la sage femme n'entend pas son estat: tellement qu'il faut pour toutes ces raisons s'accommoder à l'humeur de la femme, euitant de leur faire peur. Mais elles ne le deuoyent faire, car elles font souuent appeller les Medecins en affaire de bien moins d'importance.

*Le moyen d'expulser l'arrierefaix aux
femmes estant accouchees.*

CHAP. XIII.

IE me suis souuent trouuee, où les femmes estoient accouchees, lors que i'arriuois dans leur maison, que ceux qui me voyoient entrer me disoient, c'est fait, elle est accouchee, approchant ie trouuois qu'elle n'estoit pas deliuree, c'est vn mot bien approprié que de dire deliuree, car l'accouchement est vne grande chose, mais la deliurance est tout autre, c'est pourquoy ie desire en traicter amplement. Il faut si tost que la femme est accouchee attirer l'enfant au bord du liét, & luy couvrir la test e & l'estomac, prenant bien garde que rien ne luy puisse toucher sur le visa-

ge, puis porter la main ſur le ventre, pour recognoiſtre duquel coſté eſt l'arriere faix, & y tenir vne main qui le tiennẽ ſubiect, ou y faire tenir la main à quelque femme entenduë, oſtant la voſtre y placer la ſienne, ſ'il eſt fort dans vn coſté, cõme ils ſont ordinairement, luy apprendre à ramener doucement du coſté au ventre, comme en maniere d'vne frictiõ branlante, tenant le nombril au bort ſubiect, luy dõnant du gros ſel dans vne main, & luy faire fermer l'autre en ſoufflant pres du poulce comme dans vne bouteille, que l'on voudroit veoir ſi elle eſt caſſee, ou bien luy faire mettre vn doigt d'as la bouche pour luy prouoquer des enuies de vomir, ou biẽ lui faire faire des eſprintes, ainſi que ſi elle vouloit aller à ſes affaires, où comme la nature la contraignoit de faire, lors que la teſte de l'enfant ſortoit: tout cela ſe

doit faire promptemēt, & si l'on re-
cognoist que cela ne face aduancer
l'affaire, il faut luy faire prendre le
iaune d'un œuf tout cru, ie croy que
c'est que sçachant que l'œuf est cru
leur fait bondir l'estomach, de façon
que souuent ie voy proffiter ce re-
mede là, & comme ie leur veux faire
donner, ie le demande tout haut que
l'on apporte vn iaune d'œuf cru
pour luy faire prendre, ie les sens a-
uoir mal au cœur dès que l'on en par-
le, que souuent c'est fait deuant que
l'on l'ait appresté, ou si cela à tout al-
ler n'y faisoit rien, deux doigts d'eau
de fleur de sureau, distillee, leur font
redre, leur faire sentir du iais en pou-
dre, brulé dans vn reschaut, ou de
l'huyle de iais, ou vn morceau d'assa-
fetida, ou du rognon de Castor, si
l'on a recogneu que la femme aye
eu des colliques venteuses, ou que
pendant sa grossesse elle se soit mor-

fondue, ſouuent les vents empeſ-
chent qu'il ne ſorte : de façon qu'il
faut que la ſage femme y porte le
doigt aſſez auant:cela fait rompre les
vents,& eſt apres ailé de l'auoir, fai-
ſant vne partie de ces remedes, l'on
les a à l'amiable, qui n'eſt pas peu de
choſe. Ie puis bien dire avec verité,
qu'en plus de deux mille accouche-
ments ſien'en ay eſté querir dedans
la matrice que deux, encores fuſt-ce
à la premiere que de l'enfant prece-
dent qu'elle auoit eu, le boyau ſe rō-
pit, dont la ſage femme fuſt fort
blaſmée, la matrice ſe referma, de ſa-
çon qu'il falluſt luy faire rendre par
cliſteres, & potions par la bouche,
leſquelles luy firent rendre avec
telle quantité de ſang, qu'elle fuſt
trois mois paſſe comme vn linge,
& tellement foible qu'elle ne ſe
pouuoit ſouſtenir, i'apprehen-
day pareil accident : tellement

Observations

que ie le fus querir, ioinct que le boyau estoit fort deslié; j'ay remarqué que les boyaux desliez sont fort subiects à se rompre pres du gasteau, l'autre que j'allay querir fut à vne dame qui auoit vne fiebure continue, laquelle l'auoit desseiché & rendu si adherante qu'il ne me fut possible de l'auoir, puis que ie ne voulois guerres traouiller la dame à cause de la fiéure. Mais ie n'en iray iamais querir, si trois extremitez ne m'y cōtraignēt. L'une est vne perte de sang extreme à la femme, l'autre seroit si elle auoit des conuulsions, & l'autre, qu'une fiéure l'eust desseiché & rendu adherant (comme j'ay dit) c'est dequoy ie voudrois supplier les Chirurgiens qui accouchent les femmes, ou de les tirer comme les sages femmes avec patience, ou les laïtler tirer à la sage femme pour le deschirement que j'ay veu aux arrierefaix, que quel-
ques

ques Chirurgiés vont querir. Car ils les amènent en tel eſtat qu'ils ſont effroyables à veoir, il eſt impoſſible de iuger ſ'ils ſont entiers ou non, veu qu'ils ſont tous deſrompus, l'on tient qu'un morceau demeuré eſt mortel, il le peut eſtre puis que les membranes le ſont, quelle aſſurance pouuez vous auoir de la vie d'une femme voyant l'arriere faix tout rompu?

*Pour faire qu'une femme accouchant
du premier enfant n'aye iamais
de tranche.*

CHAP. XV.

IL ſe veoit peu ſouuent, que des femmes eſtant accouchees de leur premier enfant, ayent des trêchees, ſi ce ne ſont celles que lors quelles auoyent leurs mois, ayent enduré

Observations

beaucoup de douleur par la petitesse des veines, par où se rapporte le sang menstruel dans la matrice, telles femmes ont douleur de ventre & trenchée, dès leur première couche. Ce que n'ont les autres qui ont les conduits plus larges & encores qu'elles n'ayent aucunes trenchées en leur première couche, si ne faut-il pas laisser d'vser de remèdes propres pour n'en auoir iamais, & si elles n'en apportent en ceste première couche, elles se rendent incapables d'en plus receuoir, bien est qu'elles peuuent vser de remèdes pour amoindrir la douleur, mais non pour l'oster du tout. Et celuy qu'on donne d'ordinaire est de faire prendre aux femmes si tost qu'elle sont accouchées, deux onces d'huyle d'amendes douces tirée sans feu, avec deux onces de sirop de capillaire, cela est propre pour faire passer

ur faire
elle nait
trenchée
ans

les purgations , mais il n'eſt pas capable d'empêcher les trenchées. Il y a des femmes qui mettent deux ou trois gouttes de ſang qui eſt dans le nombril de l'enfant , & dans le ſirop, & l'huyle, dont ie viens de parler, ie n'en puis iamais dōner à prendre , d'autant que cela me ſemble ſale , & neantmoins pluſieurs en vſent , d'autres font cuire vne poule blanche dans laquelle ils mettent deux onces de ſucré , vne dragme de canelle fine , la moitié d'vne muſcade en poudre , deux ou trois dattes , cinq ou ſix clous de giroſſe , la volaille eſtant cuite , il faut mettre enuiron demy ſetier de vin clairer , & faire cuire le tout , qu'il ne demeure qu'e la chair abreuee , puis le paſſer & faire prendre cela à la femme

Observations

si tost qu'elle est accouchee, il s'en peut autant faire avec deux pigeon-neaux de volliere, à faute d'une poule blanche, une perdrix rouge est bien encores plus excellente, mais il faut regarder que la femme n'ait pas la fièvre, à cause que cela est un peu chaud. Il y a une poudre qui fut donnée à la feuë Royne mere du Roy Henry troisieme, laquelle elle a donnée à toutes ses filles, Madame la grande Duchesse de Mantouë en a usé aussi: la Royne en a aussi pris, & pour cela l'on l'a appelée la poudre de la Royne, ie n'eusse iamais creu que prenant un remede en un temps eust peu empescher le mal pour un autre, mais ie l'ay veu en la Royne, & l'ay approuvé à un si grand nombre de femmes à qui elle n'a iamais manqué, que c'est un remede infailible, pour la donner à des femmes qui n'ont pas usé: du premier elle ne les em-

peſche point du tour, biẽ eſt vrai que
elle ſoulage vn petit, la graine de ſar-
riete ſoulage auſſi , priſe dans vn
bouillon aſſez chaud, & par meſme
moyen ſoulage auſſi ceux ou celles
qui ont la collique, ie mettray donc
la recepte de la poudre de la Royne.

Il faut prendre vne dragme de ra-
cine de grãde cõſoulde, des noyaux
de peſches, & de noix muſcade, de
chacun deux ſcrupules, ambre iaune
demie dragme, ambre gris, demy
ſcrupule: le tout mis enſemble, il en
faut donner à la femme, ſi toſt qu'el-
le eſt accouchee, vne dragme, deſ-
layee en vin blanc, & ſi la femme a la
fiebure, il luy faut donner dans vn
bouillon.

*Pour le desuolement de l'amary, & des
remedes propres à iceluy.*

CHAP. XVI.

IL y a des femmes nouvellement
accouchees à qui il prend des
douleurs extremes, lesquelles sont
autant ou plus preignantes que cel-
les d'accoucher, c'est que la matrice
n'est remise en sa place, ou y ayant
esté remise en sa place, ou y ayant
esté remise, le bandage venant à
selaïcher, en sort, & roule dans le
ventre, qui cause les douleurs susdi-
ctes, cela arriue le plus souuent à
celles qui ne sont biē purgees, en ac-
couchant, il faut faire vn escussion
fort espoix, & releuer le petit ven-
tre avec, ayant remise la matrice en
sa place, & rouler deux linges assez
fermes, & les mettres dans les aines,

auoir des blancs d'œufs battus, avec vne dragme de poiure long en poudre, chauffé & mis ſus des eſtoupes, appliqué ſur le nombril, puis rebender le ventre aſſeu-
rement c'eſt le moyen d'appaiſer la douleur.

Pour remedier aux extremes pertes de ſang qui arriuent ſouuent aux femmes incontinent apres eſtre accouchees.

CHAP. XVII.

IL y a pluſieurs femmes leſquel-
les apres eſtre accouchees ont
tres grandes pertes de ſang proue-
nantes d'vne grande plenitude &
quelques autres, c'eſt que pendant
leur trauail, elles ont tant pris de
remedes corroſifs & chauds, ont

Observations

tant fait d'efforts que tout cela eschauffe le sang: de façon qu'après l'accouchement il sorte en quantité. A quoy j'ay veu remédier à l'instant de la perte, ils s'ensuit incōtinent foiblesse, pour à quoy subuenir il faut dōner à la femme à prendre peu & souuent vne goutte de vin dās vne cuillier, si la foiblesse est trop grāde, demy dracme cōfectiō alquermes avec vn peu de vin, & sur tout la bander mediocrement, d'autant que le bandage comprime les vaisseaux, & empesche le flux desmesuré, luy donner quelque iaune d'œuf à prendre, cela ayde à rappeler la chaleur naturelle à l'estomach, qui estoit esparse par tout le corps. Il faut mettre sur les reins de la femme & le long de l'espine du dos, à cause de la veine caue, vne seruiette mouillée en oxycrat. J'ay veu aussi mettre en chacune des aines vn escheueau de fil ecru mouil-

lé en eau froide, puis ayant peu recouurer de la terre franche dont on fait l'aire d'un four, la delayer en fort vinaigre, l'estendre sur un linge, & le mettre sur les reins, cela modere la chaleur du sang & l'arreste, il se faut bien garder que pendant la perte du sang l'on laisse dormir la femme, pour enuie qu'elle en puisse auoir, d'autant que la foiblesse les emporte lors qu'on croit qu'elles reposent, mais quand on veoit ce grand flux moderé, l'on peut oster peu à peu les remedes astringents, à fin de laisser escouler doucement le sang qui pourroit nuire estant retenu, car pendant ce grand flux, le bon sort comme le mauuais, d'autant que la nature n'en peut estre maistresse.

*De ce qui se doit faire à une femme si
tost qu'elle est accouchee &
du bandage.*

CHAP. XVIII.

SI tost qu'une femme est deli-
vrée s'y elle a eu grand travail,
l'on la doit mettre dans la peau d'un
mouton noir, lequel doit estre es-
corché tout vif & le plus chaudemēt
que l'on peut lui passer sous les reins,
cela les fortifie grandement, & sur le
ventre il faut y mettre la peau d'un
lieure aussi escorché tout vif, puis luy
coupper la gorge dans la peau pour
la frotter du sang, & tout chaudemēt
luy mettre sur le ventre, cela racou-
stre les dilatations faictes par la gros-
sesse, & faict que ce sang que l'on
tient melancholic, chasse aussi le

sang melancholic & mauuais. I'en ay
veu l'effect, souuent il faut tenir ces
remedes en hyuer deux heures, &
en Esté vne, puis bander la femme
d'un linge long, cōme vne seruiet-
te, & large d'un quartier, ayāt aupara-
uant frotté tout le ventre d'huyle
de mille pertuis, & mis vn linge en
plusieurs doubles ployé en eschau-
dé, pour releuer la matrice, puis
mettre vne cōpresse en plusieurs
doubles, aussi large d'un quartier
ou peu moins longue, qu'elle puisse
couvrir les flancs, puis mettre la bā-
de, prenant au dessous des hanches
& peu serrer neantmoins plus en
bas qu'en haut, mettre des linges
chauds sur les tétins l'espace de dix
ou douze heures attendant les re-
medes propres pour faire euader le
laiet, lesquels ne doiuent estre appli-
quez plustost, & i'en dy la raisō, c'est
que le corps est encore tout esmeu

Observations

& n'y a veine ny artere qui ne batte, les remedes qui chassent le lait estans resolutifs ne sont propres à mettre sur la poitrine pendant telle esmotion, craignāt y renfermer quelque chose contre nature donnant ces dix ou douze heures de temps à rasseoir le sang, & à escouler ce qui se seroit ietté sur le poulmon pendant l'agitatiō du travail, il faut y faire vn restrictif d'un blanc & iaune d'œuf, avec vne once d'huyle de mille pertuis, autant d'huile rofat, vne once d'eau rose, & d'eau de plantin, battre le tout fort ensemble, & tremper vn linge en plusieurs doubles, & le mettre sans chauffer, cela conforte & appaise la douleur.

*Pour les femmes qui ont beaucoup de
ſang, & neantmoins ne ſe purgent
point en accouchant, n'y apres
eſtre accouchees.*

CHAP. XIX.

SOuuent des femmes ſont fort ſanguines, & neantmoins elles ne purgēt gueres en accouchant ny apres, que ſi l'on ne les ayde, elles encourēt de grādes maladies en leurs couches, comme grandes ſuffocations de matrice, ou ſieure continuë, à quoy l'on peut remedier eſtant informé de leur naturel, dès deuant leur groſſeſſe, ſçachant que lors qu'elles auoient leurs purgations, elles les auoient en grande quantité & par longue eſpace, & ſouuēt de gros ſang noir: voyant qu'elles ne ſe pur-

Observations

gent amplement, & qu'elles ont inquietudes, degousts, empeschemens d'estomach, douleur de teste, il leur faut donner le matin sirop de capillaire, avec de l'eau miellée, ou d'hysope, ou sirop d'absynthe avec vin blanc, leurs boüillons doiuent estre de racines & herbes aperitifues, tenant leur ventre libre par clisteres: leur mägerne doit estre de viâde solide, l'on leur doit faire force frictions aux iambes, prenans des aines iusques à la cheuille du pied, sans faire reuulsion en retournant en haut. La seigneurie du pied se peut aussi faire le matin, vne fumigation qui nettoye la matrice & attire le sang, ayant fait les autres remedes auparavant, d'autant que qui les feroit auant que la matrice fust remise en sa place, il y auroit à craindre de l'attirer trop en bas, mais huit ou dix

iours apres l'accouchement, il n'y a plus de danger, la recepte s'en trouuera au premier traitté, & en faire receuoir la fumee à la femme deux ou trois fois le iour, s'il y a du gros sang retenu dans la matrice il sortira indubitablement il faut frotter le ventre de la femme d'huyle viclat, cela ayde aussi aux purgations estant dissous, la raison pourquoy ce gros sang s'arreste lequel ne peut sortir, c'est qu'une femme l'ayant gros deuant qu'estre grosse, lors qu'elle l'est il s'espoissit d'auantage, à cause que la chaleur naturelle luy redouble à raison de l'enfant, le sang estant arresté l'espace de neuf mois s'espoissit à ceste chaleur de beaucoup, tellement que venant l'accouchement il ne peut fluer, de façon qu'il luy faut ayder par tous les remedes

suffits, & mesme les fomentations
resolues sont fort propres au pe-
u de sang, & dans les aines, quand la
femme est hors de dessus la fumi-
gation.

*Pour celles qui ont peu
de sang.*

CHAP. XX.

LEs femmes qui ont peu de sang
ne doiuent viure en leur cou-
che de la façon que celles qui en ont
beaucoup, elles doiuent prendre grã-
de nourriture en petite consistance,
cõme des œufs bien frais le matin,
à la coque, ou dans leur bouillon,
bons consommez, espreints de cha-
pon & de veau, jus de mouton, les
trois ensemble sont temperez, &
nourrissent fort, & fõt du sang com-
me

me pigeonneaux , perdrix , caille, mouton, & autre viande ſtomacale, il eſt impoſſible de peu faire grande choſe, ie voy quelquesfois des femmes qui perdent peu de ſang en accouchant, ny en couche, voyant cela ie m'informé d'elles ou de leurs femmes, ſi auparauant la groſſeſſe elles en perdoient beaucoup ayants leurs mois, & i'enté que non, neantmoins leurs parentes ou amies qui ſont d'autre naturel, veulent qu'elles le perdēt comme elles, choſe qui ne ſe peut, n'y aiant de quoy, les font trauailler de remedes, perſuadāt aux Medecins que ſi l'on ne leur prouoque leurs purgatiōs qu'il y va de leur vie, tous les remedes n'y peuuēt rien faire, les ſeignees ſont ſi tolerables à telles femmes, que leur tirant le ſang l'ō leur altere la vie. C'eſt pour quoy ie ſupplieray les Medecins d'eſtre bien inſtruiets du fait auant que

Observations

se laisser vaincre sur persuasions de telles personnes , i'en voy souuent qui ayant le laiët qui passe , veulent que les purgations rouges passent aussi, cela ne se peut, car tout est sang, lequel a esté blanchy pour estre renuoyé aux mammelles pour la nourriture de l'enfât, la nature voyât que l'on ne s'en veut servir, ne trouuant plus de place à le loger, avec les remedes appliquez sur les mammelles qui le repoullent, est cōtrainte d'en faire vne reuulsion par embas, pendant lequel temps il ne faut esperer autre chose, la nature ayant esté ainsi repoullée, reiette apres le sang par bas, sans plus s'amuser à le blanchir.

*De quelle façon doiuent viure
les accouchees.*

CHAP. XXI.

DEpuis que Dieu m'a fait la grace de m'auoir appelée à l'art de sage femme, i'ay pris fort grand plaisir à remarquer la diuerſité de naturel des femmes, & ay veu que qui voudroit gouuerner vne femme de qualité en femme rustique, que l'on la perdrait, de mesme qui voudroit faire viure vne femme rustique ainsi & de pareille viande qu'une femme de qualité, l'on en feroit de mesme: d'autant que l'estomach de l'une est fresse & celuy de l'autre est fort, lequel ne veut estre repeu de viandes legeres: car si l'on ne donne à ces estomachs forts tost apres l'accouchement vn grãd potage à l'oignon ou

Observations

• aux œufs, ou vne grande souppe au lait, leur estomach fait comme des moulins qui moulent à vuide ou le feu se met, pour ce que ce qui donneroit vne grande fiebure à vne autre leur empesche de l'auoir, partant il faut gouuerner chacun comme il doit sans rien peruertir, à la femme delicate & qui a accoustumé de viure delicatement, illa faut nourrir avec grand soin, de bonnes nourritures & peu chargeantes, & se garder de luy donner chose qu'elle ait trop à desdain, de peur de la desgouster, s'accommodant à son humeur, pourueu que les viandes qu'elle ayne ne soient point mal failantes, luy donnant plustost les huit premiers jours de sa couche viandes bouillies, que rosties, geleees, espreins de veau & chappon, & non de mouton, craignant la fiebure, ptisanes à boire, ou bouchet, ou à celles

quin'ayment point le sucre, l'eau
bouïllie seulement, ou l'eau de Co-
riande, & pour celles qui ne se peu-
uent passer de vin, que ce soit vn tiers
contre deux tiers d'eau, au matin
blanc, & au soir claret, se gardant biẽ
de manger aucune chose qui puisse
engendrer aucunes cruditez, le laiẽt
d'amende à celle qui l'aime, n'est à
propos d'estre donné que les huit
premiers iours ne soient passez, les
femmes accouchees pour la pluspart
ont peine à dormir les premiers
iours & d'autres ne dorment gueres
tout le temps qu'elles sont en cou-
che. L'on tient que l'orge mondé ra-
freschit quand il est bien fait, & fait
dormir, le moyen de le bien faire &
qu'il profite, est de le faire long tẽps
bouïllir, & de n'en prendre que le
bouïllon sans passer, d'autant qu'e-
stant passé il charge l'estomach, & le
rend indigest, tellement que l'on

Observations

est priué du bien que l'on esperoit en le prenant, & pour bien fait qu'il soit, il ne se doit prendre que les huit iours ne soyent passez, à cause qu'il nourrit fort, & opile quelque peu le foye, tellement qu'il faut bien descombrer vne place auant que d'y rebastir.

Du lauement, dont on doit vser à vne femme, l'espace des huit iours premiers de sa couche.

CHAP. XXII.

IL faut prendre vne grosse pognée de cerfueil vieil ou nouveau & le faire bouillir dans vn demy septier d'eau, puis l'ayant tiré du feu y adiouster vne cuilleree de miel rosat, cela attire les purgations, guerit & nettoye, l'herbe mesme sert à fomentier, & oste l'inflammation sil

y en a, aucunes vñent de laiçt pour cet effet, & disent qu'il addoucit: i'ay esprouu   qu'il engendre pluſtoſt de l'ordure que de nettoyer,    c  uſe qu'ordinairement il ſe caille. L'autre adoucit autant ou plus ſans les autres propri  tez que i'ay di  tes.

Des remedes differents pour faire perdre le laiçt aux femmes, & des autres effectſ qu'ils ont, outre celuy-l   de luy faire perdre le laiçt.

CHAP. XXIII.

IE repr  ſenteray icy tous les remedes propres    faire perdre le laiçt,    celle fin que chacune qui a vn remede particulier voye l'effect de ſon remede. D'autant que tous remedes ne ſont pas propres, il y a beaucoup

Observations

de gardes d'accouchees à Paris, lesquelles n'ont qu'un remede qu'elles appliquent à toutes sortes de femmes, comme vne selle à tous chevaux, qui est vne chose fort mal à propos, & de quoy il arriue grands accidents à coup, & à la longue comme ie feray cognoistre, deduisant la propriété des remedes, elles ont vne maxime de ne point reueler leur remede, & tiennent cela pour vn grand secret, tellement que la pluspart ne sçauent ce qu'elles font, & qui pis est, ne le veulent pas apprendre, disant qu'il n'y a remede qui vaille le leur, si vne sage femme s'informe, comme elle est sortie, se mettront à la despescher, & dire que ce n'est pas son estat, que chacun doit faire sa charge, qu'une femme estant accouchee la sage femme n'y a plus que faire, ie les prieray de croire qu'il faut sçauoir que c'est que d'estre bonne

garde auant que de paruenir à eſtre la moindre ſage femme, & pour preuue de mon dire, cela ſe trouuera dans les lettres de la reception des ſages femmes.

I'ay ſouuent veu appliquer d'une eau laquelle on fait venir d'Angers, qui eſt fort propre à faire euader le laiſt, & n'ay iamais veu arriuer d'accidens aux mammelles de celles qui s'en ſont ſeruiſes: tout ce que i'ay trouué d'incommode à ce remede, c'eſt qu'il faut deſcourir les tetins deux fois le iour pour ayant fait tiedir de l'eau y mouïller des linges & mettre deſſus, & que l'on tiét que les mouïllemens amolliſſent & rident la peau, les ſimples dont elle eſt faiſte, les vns ſont chauds, & les autres froids, tellement que l'eau eſt fort temperée à cauſe de quoy ſe peut appliquer ſans danger à toutes ſortes de naturels.

Il faut prendre de la ſauge franche

Observations

peruanche, ache, & ciguë, & selon qu'elle peut rendre de suc, en mettre autāt d'une que d'autre, puis la distiller à la chappelle, elle se garde vn an.

I'ay vn remede duquel i'vse volōtiers à cause qu'il est aussi temperé, & ne peut mal faire, au contraire est de grand effet: C'est qu'il faut prendre vn quarterō de cire neufue, vn quarterō de gros miel cōmū, vne once de huile rozat, vne once de beure frais, ius de sauge, & ius de cerfueil & en faire vn vnguent, lequel doit estre estédu sur des rōds de fin chāue, propremēt picquez, puis quād l'on les veut mettre faire vne embrocation d'huilerosat & de vinaigre sur les mammelles, & chaudement y appliquer les rōds, recouverts de linges chauds, & ne les descouvrir de huit iours, si ce n'estoit qu'ils se fussent redoublez y mettant vn linge chaud, cependāt que l'on les r'estendra, refaisant vne

autre embrocation, l'on les doit remettre acheuant la huitaine.

Il eſt bien dangereux à des femmes de commencer en couche d'eſtre nourrice, & puis leur enfant leur ayāt eſcorché le bout du tetin, ou n'en pouuant porter la peine de quitter, car l'enfant ayant commencé à tirer faiçt vne grande attraction qui cauſe ſouuēt vne apoſtume aux māmelles des femmes en diuers lieux: pour à quoy obuier, ſi toſt qu'elles auront reſolu de n'eſtre plus nourrices, il faut qu'elles ſe facent faire vne embrocation d'huyle roſat & vinaigre ſur le ſein, & auoir vne fueille de choux rouge où les cottons ſoient biē coupez, & la fort amortir ſur le feu, puis l'endorer fort de miel roſat, & deux fois le iour faire de meſme, i'aſſeure qu'vſant de bōne heure de ce remede encore qu'il y euſt rougeur ou durété qu'il n'apoſtumerapas.

Observations

Et si d'aventure l'on a negligé les remedes en temps & lieu, ce remede-là n'estant suffisant, il faut prendre de l'aigremoine, mauues & guimauues, & du faneçon, & mettre cuire le tout dans vn pot neuf, en eau tât qu'il soit comme vn cataplasme, puis y mettre demy quarteron de graille de pourceau masse, avec autât de beurre de May, & le faire cōlommer, avec cela l'estendre tout chaud sur des estoupes, & y en mettre deux fois le iour, & couvrir par dessus les estoupes de linges fort chauds, dās trois iours, il sera resolu ou prest à percer, c'est le meilleur remede qu'il est possible, ie l'ay experimenté deuant qu'estre de cest estat, sur moy, ayant eu vne grande contusion à vn tetin, ie fus quitte de mon mal, tant pour venir à suppuration que pour supputer en dix iours, moyennant ledit cataplasme: à la verité i'aime

mieux y laisser dōner vn coup de lā-
cette, que de laisser recuire l'apostu-
me. Pour l'vnguent, dont les femmes
qui ont la mammelle apostumee
doiuent vſer ſans le changer iuſques
à entiere guerifon, laquelle ſera peu
de temps, moyennant iceluy. Prenez
demie liure de lard, & le faiſtes fon-
dre, vn quarteron de cire neufue
deux onces, & de poix rafine, & de
tout enſemble, faiſtes vnguent du-
quel vous ferez emplafre lors que
le tetin ſera percé, & aurez vne tante
ou plumaceau, auquel vous mettrez
dudit vnguent & en chāgerez deux
fois le iour, iuſques à entiere guerifon.

Vne partie des gardes font cer-
tains ronds picquez aſſez groſſiere-
ment dans leſquels elles mettēt avec
vn peu de cotton, de la poudre de
ſauge, de liege, de groſſel, de la pou-

dre de mirtil, aux femmes qui ont le poulmon fresse & subiect à recevoir des fluxions, cela est fort dangereux pource qu'il eschaufe la partie, le tetin est si proche du poulmon qu'au moindre froid ou chaud qu'il reçoit il luy communique, il y a vn autre mal, qui est que cela est dur qui froisse le tetin qui est vne chose presque irreparable, ainsi que ie l'ay veu arriuer, à mon grand regret, à vne honorable Damoiselle, à laquelle sa garde mit ce remede, qui comme j'ay dit, luy froissa le tetin, le mal ne fut au commencement gros que comme vne petite faurolle & rouge, lequel pour aucun remede ne peut estre osté, l'ayant au commencement negligé, elle a accouché trois fois depuis, & encore que l'on eust changé le remede l'origine du mal demeura toujours accroissant plustost que de diminuer, & pendant

& pendant sa dernière grossesse il gaigna tout son costé, & parut Cancer tres-malin, ayant esté veüe & traittée de bōs Medecins, & voyāt qu'elle ne guerissoit, elle se mit entre les mains d'un Charlatan qui luy promit de la guerir si tost qu'elle seroit accouchée: & ce pendant luy promit d'ēpescher le mal d'accroistre: & souz cette esperance tiroit tousiours de l'argent, luy metāt du charpy en croix, il disoit tout bas quelques parolles, le compagnon sçauoit bien que si tost que le lait monteroit aux māmelles, elle mourroit (comme elle fit) d'autant que le mal auoit attein sō periode, & qu'il y auoit plus de trois mois qu'elle ne dormoit point. La bonne damoiselle a tousiours soustenu que son mal venoit de la contusiō que luy fit le remede que sa garde luy applicqua, ie sçay bien que le

Observations

Cancer arriue par d'autres causes, comme par des humeurs malignes, mais aussi fait à la pluspart par froissure, comme de serrer son sein, se coucher dessus, d'un buste, de quelque coup donné par mesgarde, à quoy l'on negligera de remedier.

La Damoiselle dōt i'ay parlé estāt ouuerte, l'on trouua toutes ses parties nobles pleines de gros bubōs rouges, ainsi que de grosses auclines, qui estoit ce que le laiēt de ses couches precedētes faisant la reuulsion y auoit porté, retournant d'oū estoit l'origine du Cācer, si à l'instāt qu'elle sentit la froissure à son tetin, elle eust faiēt faire vne embrocatiō d'huile rosat, & de vinaigre, puis appliquer la feūille de choux rouge amortie sur le feu, ayant osté les cottons & l'ayant oincte de miel rosat, continuant soir & matin elle eust guery. C'est qu'une femme

grosse ny en couche ne doit riē négliger: Car d'un petit mal il s'en fait vn biē grand, & si il vaudroit mieux n'appeller pas du cōseil, que l'ayant appellé ne le pas suiure; ie luy auois bien dict les susdits remedes: mais elle n'en voulut rien faire que tout ne fust deploré.

Autres vsent du Cataplasme de pain bis, laict, saffrā, & iaune d'œuf, d'huile rosat, lequel n'a aucune mauuaise propriété, tant s'en faut il est propre à faire faire la reuulsiō du laict, tout ce qu'il y peut auoir de difficile, c'est qu'il faut changer de remede deux fois le iour.

D'autres prennent de la Therebentine lauee en eau rose, puis la battent avec des iaunes d'œufs, laffrā, & farine, ie treuue que le remede est vn peu chault, ioinct que la Therebentine faict appetisser le sein, qui est fort fascheux à celles qui n'en

Observations

n'ont pas trop, & d'ailleurs enleue le cuir.

D'autres prennēt de la Cire neuve vn quarterō, huile de mille pertuis, vne once d'huile rosart, cela estant meslé, mis sur vn linge, ou sur de la chanure, ayāt fait vne embrocatiō d'huile rosart, & de vinaigre est fort bon. Il tient le tetin ferme (sans le laisser accroistre ny apperisser) les moins curieuses font faire vn cataplasme de naueaux, avec de l'huile rosart, cela est pour celles qui veulent perdre promptement leur laiēt, mais ie ne le cōseille pas aux femmes qui esperēt d'estre vn iour nourrices: car cela le chasse pour iamais, & si en vne autre couche il leur reuient du laiēt, ce n'est iamais pour estre nourrice.

D'autres prennent deux onces d'alun de glace, avec demy septier de verjus, le font fondre, puis l'ayāt

fait chauffer, y trempent des estoupes, cela faict perdre le laiët promptement: mais de mesme qu'au precedent, l'on ne peut jamais estre bonne nourrice.

D'autres prennent farine de febues d'orobes, saffran, iaune d'œuf, celuy-là n'est pas des mauuais remedes estant cuit, en eau de cerfueil.

D'autres prennent le marc de mousches qui est fort bon, mais il est glutineux & mal propre.

Les femmes qui veulent estre nourrices, lesquelles ont tant de laiët tant que leur enfant n'en peut venir à bout, & leur donne la fiebure, elles doiuent vser de cerfueil amorty dans vne vaiselle, en huile rosart, & vinaigre sur leurs tetins, cela le chasse doucement & peut estant tiré reuenir.

Si vne femme voulant estre

Observations

nourrice a le bout du tetin escorché de la bouche de son enfant, pour la guerir, il faut que si tost que l'enfant a teté, elle le frotte de miel rosat; puis mette vn bout de cire, craignant que des linges ne si attachent, le miel oste la douleur & guerit, & si ne peut faire mal à l'enfant.

D'autres vsent d'Ache pilée, avec du gros sel, cela chasse le laiët & empesche l'inflammation: mais le sel fait qu'il gaste le cuir.

D'autres font vn chapeau de peruanche, & le mettent sur le tetin, & apres le mettent secher à la cheminée, & disent qu'à mesure que la peruanche se seche le laiët se tarist, ie sçay bien que la peruanche chasse le laiët; mais de la mettre à la cheminée ceste raison m'est occulte: D'autant que ie ne croy pas que le remede estant hors serue

plus de rien.

Ceſles qui ſont fort humides , & ſubiettes aux grandes fluxions, doiuent vſer du ſecond remede dont i'ay parlè , & quand elles le tien- droient tout du long de leur cou- ches, elles ne feroient point mal, ou au moins bons ronds de coton, ou piece de Vautour , d'autant que les fluxions nouuelles ſe font par la morfondure, ou air que l'on donne au ſein.

Et ſouuent i'ay veu releuer des Dames & Damoiſelles de ce tem- perament , que ſe voulant mettre dans des robbes deſgarniſſent leur ſein acoup , à qui il prend vn friffon avec vn mal de tetin : & ſi elles n'y mettent à l'inſtant l'embrocation d'huilerofat , & vinaigre , avec les choux rouges, & miel roſart, & fort couvrir leur ſein , prenant vn cli- ſtere & ſe faiſant ſeigner, elles ſont

en danger que leur tetin apostume :
faisant ces remedes promptement
elles le peuuent obuier, les gardes
y doiuent prendre garde, d'autant
que le blâme leur en demeure: en-
core qu'elle n'é puissent mais, ie leur
conseille d'en dire leur aduis, repre-
sentant ce qui en peut arriuer, &
que ce soit deuant personnes qui
en peuuent rendre tesmoignage,
pour n'estât creües estre hors d'in-
terest. Beaucoup de femmes à qui
le laiët sort par le bout, n'ôt besoin
d'y rien mettre que des ronds de
cotton, ou des linges chauds, se gar-
dant de morfondre leur sein.

I'ay veu faire vn remede pour
faire perdre le laiët, qui est de faire
bouillir de la sauge dans de l'vrine
& puis en fométer les tetins, il fault
bien que des femmes qui ne veuil-
lent perdre leur laiët pour iamais, se
gardēt d'en vser: Car apres estre ac-

couchée vne autre fois il leur en reuient quelque peu : mais ce n'est de façon qu'elles puissent jamais nourrir d'enfans, comme il faut.

*Du danger qu'il y a à vne femme de se
pürger les premiers iours de
sa couche.*

CHAP. XXIV.

C'Est vne chose ordinaire, que les femmes accouchées à cause du liët, perdent le benefice du ventre ; qui empesche l'euacuation de leur laiët & leur donne la fiebure, renuoyant de grandes vapeurs à la teste, & neantmoins l'on ne doit essayer de leur rendre libre par aucune purgation, prise par la bouche : mais bien & à propos peuuent elles prendre des clisteres ; lesquels leur empeschent les maux sùldits, & mesme de grossir leur sein, & de deuenir ri-

Observations

dees : les faisant releuer saines & gaillardes en prenant selon leur besoin qui peut estre de deux ou trois iours l'un : i'ay veu des femmes à qui les gardes, lesquelles ne sçachât pas la consequence qui en peut arriuer, se meslent de donner du sené aux accouchées dès les premiers iours de leur couche : dont plusieurs en ont esté malades a l'extremité, & d'autres en sont mortes, la nature qui a tant trauaillé l'espace de neuf mois à la formation, entretien, puis à l'expulsiõ d'un enfant, laquelle ne pense auoir rien fait quelle n'aye restably tout ce corps en son premier estat, ayant soin de cõuertir le sang en laiçt, pour la nourriture de l'efant : & si l'õ ne s'en veut seruir en faire vne reuulsion par bas, & pendant sa debilité, & les grands empeschements, vous allez loger les gens-darmes en sa maison, luy vou-

lant faire rendre conte, elle n'est en
eſtat de cela, tāt qu'elle ayt mis or-
dre par tout: il ne ſe faut donc ad-
dreſſer qu'à l'inteſtin, le deſchargeāt
par cliſteres, n'entrant que dans la
baſſe court, trouuant par cet en-
droit les portes du Dōjon fermées,
leſquelles ſont ouuertes quinze
iours ou trois ſepmaines apres, qui
eſt quand le laiēt eſt euadé, & les
purgatiōs ceſſees, ie ne ſeray iamais
d'aduis de rien dōner de purgatif à
l'eſtomach pendant que cela du-
rera. L'on le voit aux fēmes ou filles
leſquelles n'aduertiſſent les Mede-
cins, ou Apoticaireſ qu'elles ont
leur mois, & prennent medecine.
Combien ſ'en voit il arriuer de
grands maux? il ne faut donc tant
ſ'accommoder à l'humeur de celles
qui haïſſent les cliſteres, que de
leur faire mal, & puis apres en eſtre
fort blaſmees, le tout en retombe

Observations

sur celle qui le donne. I'en'approu-
ue pas les bouillons laxatifs, ny
le jus de pruneaux, ny les pommes
cuittes à defieuner, cela engendre
trop de vents, bien le suppositoire
ou la dragée licée mise au siege.

*Du second lauement pour
les femmes.*

CHAP. XXV.

LE second lauement pour les
femmes, doit estre de roses de
prouins, mise en petits sachets cuits
en moitié de gros vin, & moitié
d'eau, l'espace des seconds huit
iours.

*De ce qui se doit faire aux enfans
si tost qu'ils sont nez.*

IAy veu tenir pour maxime à des
Medecins fort doctes, que si tost
qu'un enfant est né il luy faut don-
ner à prendre vne petite cuilleree
de vin pur, disant qu'il ayde à l'en-

fant à reprendre ses esprits & qu'ayant esté tât agité par le trauail, que quelque-fois il est en telle foiblesse, qu'il paroist plus mort que vif.

Vn autre bien, est que le vin incise le Phlegme, qu'ordinairement ils ont dans la gorge. Vn autre, est que la vapeur du vin montât au cerueau l'affermir, & faict qu'ils ne sont iamais suiets à s'enyurer, & que le cerueau, ayant alors de leur naissance receu pour premiere vapeur, celle du vin, faict que iamais ils ne sont sujets à l'Epilepsie, laquelle ne procede que de la debilité d'iceluy.

Cela estât, faict la mere estât deliurée, l'on doit lier la veine vmbilicalle d'un fil en plusieurs doubles, bien torts, & s'il y a beaucoup de sang, dans la veine, il le faut desgorger, craignât que le laissant il se tourne en pus, & l'empeschast de tomber & feist venir tel mal, que faute

Observations

d'estre desséché avec de la poudre de bois pourry, ou de bois de rose, l'enfât en meurt. Il le faut lier à deux doigts du ventre, & laisser trois doigts au de-là de la lieüre, puis couper, & s'il est gros serrer davantage, afin que la veine soit serrée, & tourner le fil deux fois, en nouiant deux fois, & si l'enfant est avant terme, il ne faut serrer si fort, de peur de le couper du fil, & si le nombril est si gros & plein d'eau, & de vents, il le faut, ayât lié vne fois, & mis le bout en haut enuveloppé d'un linge, le deuelopper demy heure apres, puis le relier de nouveau & le renueller de linge, & sur tout mettre le nombril en haut: d'autant que si la veine n'estoit du tout assez serrée, qu'il ne soit si dangereux à seigner. Je dy cecy pour celle qui ne sçachant comment cela doit aller, le sçache faire, se trouuant fortuitement à quel-

que accouchemāt soudain, de leur parentes ou amies.

Aucunes personnes dōnent aux enfans du Theriach dissous dans du vin, il n'en faut que le gros d'un fort petit pois, encor ne se donne-il communement.

Il faut lauer l'enfant de vin & d'eau qui soit tiede, pour le nettoyer, puis luy lauer le visage, la gorge, bras & mains d'huile de noix tiree sans feu, l'on tient qu'ils ne halent iamais, mettre vne main sur l'os frontal, & l'autre sur l'os courōnal, reserrant fort doucement ce qui festoit esloigné pendant le trauail, ne venant à reserrer les sutures l'une contre l'autre, lesquelles ne l'ont esté que trop pendāt le trauail, c'est ceste mauuaise façon-là de reserrer la teste aux enfans, & les bandelieres qui leur fait la teste longue, & que partout l'on recognoist à cela

Observations

les enfans de Paris. Il faut aussi passer doucement le doigt sous la langue pour veoir s'ils ont le fillet, & si ils l'ont il ne faut que l'on essaye de le rompre, long le estant veneneux leur fait venir chancre ou vlcere: mais le Chirurgien estant entendu à telle affaire avecque vne pointe de ciseau l'ostera sans hazard.

Je prie aussi ceux qui voient vn enfant nouueau né, de laisser faire aux sages femmes ce qu'il faut, d'autant qu'ils ne sçauent ny doiuent sçauoir ce qu'il faut faire, & croire que si l'on n'a esté capable de choisir vne bonne sage femme, que l'on l'est aussi peu de la faire meilleure; Si elle est iugée bonne, il la faut laisser faire; Il s'éble à plusieurs personnes que l'on peut former la teste d'un enfant, comme si elle estoit de neige, & le nez de mesme, Je conseille à ceux qui ont des en-

fans

fans camuz, de les laiſſer pluſtoſt ainſi, que leur faiſant ferrer le nez les rendre punais: Car en le ferrant l'on cõprime les cartillages qui ſõr fort tendres, quiles faiçt parler du nez ou ſentir mauuais. Il ſe trouue des enfans naiſſants qui ont le nez tortu, pour le redreſſer, il faut avec de l'eau fraiſche le matin paſſer les doigts mouillez doucemẽt deſſus, mais non pas ferrer. Telle choſe arriue à cauſe que l'enfant eſtõt tourné, que le nez à porté contre quelque os de la mere, quile faiçt tourner ainſi.

Du dernier lauement pour les femmes.

CHAP. XXVI.

LE dernier lauemẽt des femmes doit eſtre pour quatre jours, de ſachets de roſes de prouins bouillies en gros vin & eau de Myrthe.

L

Observations

D'un Astringent pour les femmes qui en auront besoin.

Prenez nois de galle , de Cyprez , & balauftes , & alun de glace , de chacun deux onces , tan deroses de prouins, de chacun quatre onces. centinode vne grande poignee , elcosse de casse , elcorce de grenades , graine d'escarlante, de chacune trois onces , nature de baileyne vne once , eau de myrthe & de rose , & de prunelle de chacune demy septier , gros vin & eau de forge , de chacun trois demy septiers, il faut faire deux sachets d'un quartier de l'og, & de demy quartier de large, & les mollement picquer: puis les faire bouillir d'as les eaux sus dites, dans vn pot neuf , s'en servant de l'un apres l'autre , selon le besoin.

Des Ciroines pour les femmes.

Prenez cire blanche demy li-
ure , nature de balleine & there-
bentine de Veniſe fort lauee en eau
roſe, ou de plantain , de chacune
once & demie , faites fondre le
tout enſemble : puis meſſez vne
once de ceruſe de Veniſe, & trem-
pez de la toille telle que vous vou-
drez, pourueu quelle ſoit fort ſei-
che, dont vous ferez le ciroine,
pour le ventre, & les ronds pour les
tetins, que vous mettrez deſſus, les
ayant au parauant frotté d'huile de
glaſſe, puis poudrez de la nature de
balleine.

*Pour nettoyer vne femme qui
veut releuer de couche.*

Il faut piler des amandes ameres,
& en faire vne paſte , avec de la
poudre d'iris, & des iaunes d'œufs
frais, puis la mettre dans vn ſachet
d'eſtamine, & le tramper dans du

Observations

vin blanc tiede : puis sur les parties où ont esté appliqués les cirroines. Il faut frotter dudit lachet, puis les laver de vin blanc, avec de l'eau de nasse, avec vne estamine nette & deliée.

Le moyen de choisir vne bonne nourrice, & des qualités requises en icelle.

CHAP. XXVII.

A La verité si les femmes se representoient de quelle importance leur est de bien choisir vne nourrice : elles y apporteroient beaucoup plus de difficultés qu'elles ne font, & les difficultés que i'y voy apporter tous les jours, sont des moindres que l'on deuroit & de la moindre importance, l'on s'arreste à sçauoir si elle est mariée, & si son mary l'a vien-

dra point redemander , & si elle n'a point de charge d'enfans : l'importance est de voir son aspect, si c'est vne femme qui porte la veuë droicte, d'autant qu'elle donne son regard à l'enfant, comme si elle est lousche , ou porte la veuë basse, il faut regarder qu'elle ne soit rousse, d'autant que le lait en est extrêmement chault; Je diray en passant que i'ay veu vne rousse nourrir aucunement bien ses enfans, mais tous ceux qu'elle a nourry d'autrui, sont tombez en chartre & sont morts, il faut voir si elle a les dents blanches, & bien rangees, si elle n'est ny ne vient point d'une race pulmonique, & cela estant, l'on iuge qu'elle a l'estomach bon, & n'est pas caterreuse, il faut sçauoir si son nez ne sent point, car la moindre senteur forte prouenante du nez ou bouche d'une nourrice, gaste

tellement les poulmōs d'un enfant que fait la vapeur des boües où d'un retraits, l'airain, cuyure, où argent qu'il faict deuenir tout noir, il faut sçauoir si en sa race où celle de son mary, il n'y a point eu de ladres, d'autant que le mal en est contagieux, sçauoir si personne n'a eu escrouëlles, sçauoir s'il n'y a eu personne malade d'épilepsie, ou mal caduque. I'ay autresfois accouché vne fort honneste damoiselle d'un beau fils, qui auoit esté 12. ans sans pouuoir auoir d'enfans, laquelle le bailla à nourrir à vne de ses subiettes, sans auoir sçeu qu'elle fut malade de ce mal: d'autant qu'elle ne l'estoit que peu, & assez peu souuent, & quand ce mal l'aprenoit, ce n'estoit que comme vne petite foiblesse: Le mal a pris l'enfant de telle sorte, que le pere & la mere qui l'auoient tant desiré, prient tous les

iours à Dieu, qu'il l'oste du monde.
C'est bié donc raison, que les fêmes
qui ne peuuent où ne veulent
nourrir leurs enfans, leur voulant
donner vne seconde mere, de la-
quelle ilstiendront autant ou plus
de bonnes ou mauuaises mœurs,
que des siennes, choisissent vne
humeur, à quoy elles desirent que
leurs enfans ressemblent, cela estant
tres certain que nourriture passe
souuent nature, il a esté engendré,
en partie nourri, & accreu neuf
mois d'un mesme sang, & l'on le
fait nourrir deux ans d'une autre,
duquel peut il plus tenir? Sans dou-
te i'ay souuent veu les enfans plus
tenir des mœurs des nourrices, que
des meres, quel desplaisir est ce à
vne femme? qui ayne son enfant,
de le voir tenir d'une nourrice, a-
cariastre, & sans raison, mutine,
yurōgneſſe, ou le laiēt de telle fem-

Observations

me fait croistre les enfans comme fait vn' arbre , qui a de la chaux au pied , mais estât seures ils tombent en ruine : il faut donc que la nourrice soit de façon agreable , belle de dents , soit de poil brun ou chasteigné , soit de race fort saine , que son mary ny elle n'ayent iamais eu la verolle , à cause qu'il en demeure tousiours des marques de la tache , quelle ne soit point colere , qu'elle ait du laiët en abondance , & bon , qu'elle n'ait le tetin trop charnu : (Car souuent cela trompe , qu'elle ne soit trop grasse , & sur tout se garder de la prendre d'humeur amoureuse ; cela se treuve souuent à des femmes de bien , à qui l'humeur porte de retourner avec leur mary , c'est vray venim que leur laiët aux enfans , cela se cognoist à ce qu'estant nourrice , elles ont tousiours de bonne heure leur pur-

gations, les vrayment bonnes nourrices ne les ont iamais, tant qu'elles nourrissent, ou pour le pluſtoſt que quinze ou dixhuiſt mois apres eſtre accouchees : l'en ay veu les auoir pluſtoſt, que les enfans depuis ce temps-là n'ont plus fait que làguir: Il n'y a rien de ſi dangereux à la vie d'un enfant. Ie ne le puis trop dire voyant ce que j'ay veu arriuer. j'ay veu ſouuent des nourrices excellentes pour vn temps, mais par amour, ou faſcherie deuenir plus mauuaies qu'elles n'auoyent eſté bonnes, c'eſt qu'il faut touſiours y auoir l'œil, car vn homme peut guerir de maint coup, & vn enfant ſortant ſain du ventre de ſa mere, ſi l'on luy donne vne nourrice qui ayt l'une des incommoditez que j'ay dites en a pour ſa vie, les parties nobles n'ayant eſté abondamment humectees de bon ſuc, il r'em-

Observations

porte toutes les incommoditez
qui se trouuent en la consistance
du laiët.

*Ce qu'il faut faire aux extremes
trenchees des enfans.*

CHAP. XXVIII.

SI vn enfant a de grandes tren-
chees, incontinent apres qu'il
est né, il y faut remedier, d'autant
qu'il en meurt quelques vns, il
faut fricasser de la parietaire avec-
ques du beurre frais, ainsi que des
espinars, où avecques de la graisse
de porc, & luy applicquer au des-
sous du nombril l'ayant tenu vne
espace sur le dos de la main, crai-
gnant qu'il ne soit trop chaud: où
luy faire aumelette d'un œuf, a-
uec de l'huile de noix, & l'applic.

quer de meſme, ou luy delayer de la bouillie fort claire, avec de l'eau où ait bouilli de l'anit vert, pour luy en donner deux ou trois petites doyéés au ſoir. Et ſi cela n'y fait, luy donner vn petit cliſtere de laiſt, avec vn iaune d'œuf, & vn morceau de ſucré: cela eſt anodin, & appaiſe les douleurs des inteſtins, i'ay veu couper vn morceau du nombril, & le mettre ſeicher doucement au four, puis le reduire en poudre, & en mettre vn petit ſur vne doiee ou deux de bouillie le ſoir.

*Ce qu'il faut faire aux enfans qui
ont beaucoup de phleg-
mes.*

CHAP. XXIX.

IL y a des enfans qui naiſſant de femme cacochiſme, où qui ſ'eſt

Observations

mal nourrie en sa grosseſſe, naiſſent fort pleins de phlegmes, il les faut coucher tantost ſur vn coſté, & tantost ſur l'autre: car les couchant ſur le dos, vne phlegme les pourroit ſuffocquer, il leur faut tenir le ventre libre, leur faiſant ietter ceſte lie de ſang gardee aux inteſtins, pendant le temps qu'ils ont demeuré au ventre de leur mere: que les femmes appellent la poix, avec vn petit morceau de ſauon blanc, fait en ſuppositoire fort petit, & frotté de beurre frais pour vne fois, d'autant que le ſauon eſt acré, mais vn enfant ne ſe vuidant pas, cela eſt propre: puis luy donner vne grande cuilleree de ſirop violet à prendre, cela fait paſſer le phlegme par bas, ſi l'on cognoiſt que l'enfant ait peu de chaleur, l'on doit meſſer moitié d'huile d'amen-de douce, & moitié de ſirop vio-

lart, & continuer, cela fait couler le phlegme par bas, frottant le ventre & l'estomach de l'enfant de beurre frais à chafque fois quel'on le remuë,

*Ce qu'il faut faire aux enfans qui ont
les bourses groffes de
vents.*

CHAP. XXX.

QVand les enfans ont les bourses groffes, il faut recognoistre si c'est d'eau ou de vent, si c'est eau les frottant de beurre frais, les eaux se refoudent, & si font vents il les faut fecouër doucement, leur deſtrempant tous les iours leur bouillie d'eau d'anit vert, i'en ay veu que la continuë de cela aguerry quel'on vouloit tailler, croyant

que ce fussent de boyaux qui fussent enflés.

Le moyen d'oster le chancre de la bouche des petits enfans & la cause dont il provient.

CHAP. XXXI

L'Ay veu vn enfant de tres-grande maison alaitté, d'une nourrice de qui le lait estoit vieil, espois & en petite quantité, lequel peu de iours apres la naissance s'eschauffa la bouche, de telle façon en tétant, à cause des raisons que j'ay dictes, qu'un chancre blanc & espois luy print à la langue, & au palais, qui luy gaigna toutes les gencives, & toute la bouche & la gorge, de façon que la fiebure le prit, & qu'il ne put plus tetter, toute l'assistance qui

s'y put apporter y fut apportée, par personnes capables, iamais aucun remede ordinaire de la medecine n'y put proffiter, il se trouua vn remede particulier qui le fit aualler le iour meſme, & le lendemain tetter, qui fuſt vne demy poignee de ſauge, vne poignee de cerfueil, demi pilee, puis bouillie dans demy ſeptier d'eau, enuiron vne douzaine de bouillons, y adiouſtant vne cuilleree de vinaigre, puis l'ayant paſſé y adiouſter vne once de miel roſart, auoir vn petit baſton entortillé par vn bout d'eſcarlatte, puis en mettre dans vne ſauciere, & tremper le bout du baſton où eſt l'eſcarlatte, puis en toucher où eſt le mal, tout le chancre s'enleua peu à peu.

*Pour les enfans à qui le boyau
tombe estant petits.*

CHAP. XXXII.

IL y a beaucoup de petits enfans à qui le boyau tombe, qui est vne chose fort remediabie du commencement, si tost que l'on s'en apperçoit, il faut remettre le boyau ayant mis l'enfant la teste basse, auoir vne compresse en escuillon assez espoisse, mouillée en eau de forge, puis auoir vn emplastre, où il y ait de la racine de grande consoude raitsee, & mise dessus comme de l'vnguent, & le bander, le pèsant tous les iours, le laissant peucrier, & ne le desbander que couché de peur de faire tomber le mal qui en peu de tēps se garit, l'enfant venant à croistre le trou appetisse,

tiſſe, & l'inteſtin groſſit; i'en ay tout
plein veu guarir par ce moyen là.

*Pour faire vnguent pour fortifier les
iambes & cuiffes d'un enfant ſi
debiles puiſſent elles eſtre &
le faire marcher.*

CHAP. XXXIII.

Prenez ſauge, mariolaine, &
hiebes, autant d'une que d'au-
tre, & les pilez long temps enſem-
ble, de façon quel'on en puiſſe ti-
rer beaucoup de ius, puis le met-
tez dans vne fiolle de verre, qu'elle
en ſoit pleine, puis la bouchez
de paſte, & tout à l'entour bien es-
poiſſe, & la mettez dans vn four
cuire autant comme vn gros pain:
puis le tirez & laiſſez refroidir, puis
rompez la paſte cuitte qui l'enue-

Observations

loppe, cassant la bouteille, serrant ce que vous y trouuerez qui est fait en vnguent, & quand vous en voudrez seruir, il faut en prendre avec autant de moëlle d'un jarret de bœuf, fondant & meslant le tout ensemble, il en faut frotter le derriere des iambes ou cuisses de l'enfant, cela a esté fait à l'enfant d'un Marchand de la rue de Bribouché, que Monsieur le bailleur auoit penié trois ans, lequel il auoit quitté disant qu'il ne marcheroit iamais, la mere ayant recouuert ceste recepte l'en frotta enuiron six fois, au bout dequoy il marcha & est le plus fort de tous ses enfans.

*Des cheutes ou relaxations de
la matrice & de la
cause.*

CHAP. XXXIV.

IL y a beaucoup de causes diuerſes aux cheutes & relaxations de matrice, les vnes procedent de grandes fluxions, qui ont pris leur cours sur les ligamens d'icelle qu'il la relaschent, & font sortir. J'ay veu vne vieille fille, seruante aagée de soixante ans ou plus, à qui le corps de la matrice sortoit par telle cause, ioint qu'elle auoit tousiours pris beaucoup de peine, & estoit extremement maigre & descharnée: Ceste maladie par ce mesme subiect est ordinaire à beaucoup de femmes: d'autres,

Observations

rombent en ces accidents par chute , & d'autres par porter pesans fardeaux : & d'autres de s'efforcer en travail avant qu'il soit temps , & que l'orifice de la matrice n'est encore ouvert : tellement que s'efforçant la matrice sert de bandeau à la teste qui la pousse devant elle , qui cause le mesme mal , à d'autres d'excessivement gros enfans venant à sortir en font le semblable , à d'autres, c'est que des sages femmes incapables de leur charge , deliurant vne femme portét la main dans le corps, & tirent indiscrettement ce qu'elles rencontrent, qui est souuent vne partie de la matrice , au fond de laquelle l'arriere-faix est encores adherant, tirant tant que leur prise leur permet , & pensant tenir partie de l'arriere-faix. Voyant que les femmes crient , quittent & vien-

nent aux remedes ordinaires, comme de faire tenir du gros ſel , ou prouoquer des enuies de vomir, & cependant la relaxation eſt faiſte par leur ignorance : i'ay horreur des pauvres femmes que i'en voy trauaillées, leſquelles n'ont le moyen de garder le repos , pour ſe faire penſer , que ſi elles ne trauaillent, ne peuuent viure , & demeurent ainſi languiffantes le reſte de leurs iours.

Les remedes aux cheutes ou relaxations de matrice.

Le pluſtoſt que l'on ſ'apperçoie d'une cheute, ou relaxation de matrice , eſt de ſe mettre au liſt , & faire aduiſer par perſonnes à ce cognoiſſantes, de la cauſe d'où elle peut prouenir, informant la femme ſur tous les poincts que i'ay cy deuant dit , qui cauſe tel mal, toutes ſortes de cheutes ou relaxa-

Observations

rions de matrice, se peuuent guerir par mesmes remedes, excepté celles qui procedent de fluxions: Car il ne suffit de faire les remedes qui guarissent les autres, il faut de plus oster la cause premiere, ostant le cours de la fluxion, par les voyes ordinaires de la Medecine, pour les autres remedes, ie diray icy ce que i'ay veu grandement proffiter, & mesmes guerir parfaictement. C'est de faire les sachets astringéts que i'ay elcri, pour les femmes qui en ont besoin, qui se trouueront apres le dernier lauement des femmes, mettant le sachet au dessus du coccis, reprenant iusques sur les pubis, & passant dans les aines, & le rechauffer souuent tenant la teste & les reins bas, vlant le matin dans vn œuf quelque fois du mastic, autres fois de la graine de plantain, si le mal n'est gueres inueteré

il peut guerir par ce moyen, comme i'ay ſouuent veu : mais ſ'il eſt de longue main, il faut faire vne peccere demy rond, & demy en oual, avec de gros liege eſpois percé au milieu y lier vn bout de ficelle, puis le faire couvrir de cire blanche afin qu'il ne puiſſe bleſſer, & auſſi pour le rendre plus eſpois : Il le faut tremper en huile d'olif, afin de le faire entrer, il faut qu'il ſe mette à peine afin qu'il ne ſoit facile à tomber, & ſ'il eſt trop petit, en auoir d'autre grandeur, & quand la femme ira à ſes affaires, y porter la main, craignant qu'en s'eſſorceant il ne ſorte, le trou eſt pour donner iſſuë aux vapeurs de la matrice, & donner moyen aux purgations de fluer, il ne le faut point oſter qu'après que les purgations ſont paſſées, pour le nettoyer, l'eſpoiſſeur

fait que la matrice remonte, d'autant qu'il est espois : Car les ligamens se trouués lasches se retirent, & aussi par le moyen des autres remedes: i'en ay veu de bien incommodées de ce mal là, qui ne s'en ressentent plus, si ce sont femmes qui portent des enfans, il ne faut que la sage femme les laisse efforcer, que comme la nature les contraindra, y ayant tousiours la main, pour à chacune douleur du doigt repousser la matrice, taschât de la réuoyer prôprement derriere la teste, & lors qu'elle est accouchée la mettre assez basse de reins, & de teste, la relevant avecques bons linges roulez dans les aines, & grosses compreses en esquierre, les bandant comme i'ay dit parlant du bandage des femmes nouuellemēt accouchées, & iamais ne les serrer, & les femmes qui sont où ont esté subiettes

à tel mal, ne ſe doiuent ſerrer par le foye du corps, à cauſe que cela pouſſe la matrice à bas, & fait vne beſace du ventre, & empêche les enfans de ſe bien placer dans leur corps, leur faiſant en fin les porter iuſques ſur leur genoux, ayant le ventre plus difforme, eſtant accouchées, qu'elles n'ont eu la taille belle par ſe ſerrer.

D'un mal qui ſe prend ſouuent pour cheute de matrice & neantmoins ne l'eſt pas, & le moyen de le guerir.

CHAP. XXXV.

IL ſe fait quelquefois vne relaxation d'une membrane, qui couure l'intestin reclus : quelquefois que la teſte de l'enfant ſe iette dès

Observations

le commencement du trauail def-
fus, & l'entraîne fort bas , quel-
quefois & le plus souuent vient
de ferrer vne femme en couche,
qui fait gouster les vents là dedans,
qu'il semble à vne femme que ce
soit vne teste d'enfant qui veut for-
tir, tellement qu'elle à peine à se te-
nir debout, ny ne peut marcher, &
sur tout quand elle se presente sur
le bassin cela bouffe quelquefois
gros cōme le poing , venant à tou-
cher, cela est comme vne vessie : il
faut tenir le ventre de la femme li-
bre, vsant anit ou coriande , d'au-
tant qu'ils dissipent les vents, il faut
prendre sauge, aigremoine, agri-
paume , baulme , blanche aluine,
mariolaine peu de ruë, peu de me-
lisse, camomille , ayant espluché
routes les herbes susdites, il les faut
couper menu, les ayant meslez en
mettre à l'entour d'une escuelle de

plane par dedans, puis mettre de la cendre chaude dedans , puis vne grande poignée des herbes couurant l'eſcuelle d'un linge delié, attaché par le derriere, & que la femme eſtant dedans ou ſur vn liſt en reçoie pluſieurs fois la fumee, & ſans doubte elle guerira, le remede a eſté pluſieurs fois eſprouué.

*De la neceſſité qu'il y a qu'une ſage
femme voye l'anatomie de
la matrice.*

CHAP. XXXVI.

LEs fautes que commettent ſouuent aucunes ſage femmes, me font dire qu'il eſt tres-neceſſaire que les ſages fêmes voyent l'anatomie de la matrice, afin de la diſcerner d'auec l'arriere-faix & n'expulſer l'un pour l'autre, comme il ſe fait

assez souuent en ceste ville, ie sçay
que depuis quatre ou cinq ans de
ma cognoissance, il est arriué en
trois lieux, l'un sous les piliers des
haïles, à la femme d'un sergent:
l'autre proche Saint Eustache, &
l'autre en la rue Sainte Auoye.
Cela s'est assez sçeu partout Paris,
& s'il n'y a esté apporté aucun or-
dre, commét peut-on apporter re-
mede à vne partie que l'on ne co-
gnoist point? ne sçachât à quoy el-
le tient ny de quoy elle est compo-
sée, ny les frequentes maladies qui
la peuuent trauailler. C'est pour-
quoy ie supplieray Messieurs nos
docteurs en Medecine, tant grati-
fier le public que de permettre aux
sages femmes, ayant quelque sub-
iect aux escoles d'y assister, en con-
tribuant aux frais comme ie pro-
mets faire la premiere, recognois-
sant que c'est chose tres-vtile.

*Pour guerir les enfans de la
cheute du siege.*

CHAP. XXXVII

I'Ay mis ceste recepte icy plus par
pitié que j'ay d'une infinité de
pauvres enfans, à qui le siege sort,
que pour y avoir apparence de la
mettre en mon liure, mais la co-
gnoissant infailible, mon affectiō
à leur guarison me servira d'excuse,
il faut prendre du genest dont
l'on fait des ballais, & le couper
menu, le mettant sur des char-
bons, & mettre le siege de l'en-
fant sur ceste fumée, plusieurs fois
& sans doute il guerira.

*Observation premiere d'une femme
qui rendit bien demy seau d'eau
trois mois avant que d'ac-
coucher.*

CHAP. XXXVIII.

JE fuz appellée il y a environ huit
ans pourvoir vne pauvre femme
grosse de six mois, qui avoit de
grandes douleurs, par le moyen
d'une extreme, tension & dureté
de ventre, tellement qu'il luy sem-
bloit que son ventre s'en deust fen-
dre, entendant le mal, ie pensé que
par le moyen d'un clistere, & de l'e-
vacuation qu'il feroit, estant car-
minatif, l'excrement, & les vents
estant hors luy apporteroient du
soulagement, ie luy en fys vn d'au-
tant qu'elle n'avoit moyen d'en fai-

re faire : veritablement elle s'en trouua ſoulagée , & neantmoins porta ſon enfant encore vn mois avec beaucoup d'incommoditez, & grandes tensions , au bout duquel marchant par ſa chambre, ſentit vn ſi grand flux d'eau , que ſi on auoit ouuert le robinet d'vne fontaine , elle prit vn chauderon & le mit ſous elle , où il tomba bien encore trois pintes d'eau , elle appelle vne de ſes voiſines au ſecours, les eaux eſtant eſcoulées à coup , elle ſe ſentit grandement allegée , & quoy que ſa voiſine luy peult perſuader d'appeller du ſecours , ne le voulut faire , ſçachant que i'eſtoy en couche , elle dit qu'il ſuffizoit quand elle auroit du mal, toutes les voiſines furent voir ceſte eſtrange euacuation, lesquelles lors qu'elle accoucha, qui fut deux mois apres me le conterent & elle auſſi, me

monstrant le chauderon & à peu pres la quantité qui excédoit demy seau , elle ne laissa pas d'auoir les eaues de son enfant, comme si cela n'eust point esté, tellement que c'estoit vne hydropisie de matrice, qui n'estoit cõtenuë dans les membranes qui enuironnent l'enfant, ains dans la capacité de la matrice, & en plus de deux mille femmes que i'ay accouchées, i'en'ay veu celle qu'en celle-là.

D'une femme de qui l'on croyoit l'enfant mort depuis sept mois, iusques à neuf, sans qu'il remuast aucunement.

CHAP. XXXIX.

IL y a environ neuf ans qu'une ieune femme m'enuoya appeller qui

qui logeoit en la ruë Sacalie, pres S. Seuerin, laquelle auoit vne grande colique, elle croyoit encore qu'elle ne fuſt groſſe que de ſept mois deuoir accoucher, ie l'a vy, & ne trouuant douleurs reſpondantes, ains pluſtoſt des vomifſements de choſes indigeſtes, ie iugeay que ce n'eſtoit qu'une colique, ie luy fi prendre des cliſteres, le mal quoy que l'on peut faire luy dura trois iours, lequel venant à ſe moderer la laiſſa fort foible: Ce fut dès l'heure qu'elle ne ſentist plus bouger ſon enfant en aucune façon: feu Monſieur le Febure Medecin l'a veit en ſon mal, avec Monſieur Eolin, leſquels n'obmirent rien pour la ſoulager, & cognoiſtre ſi l'enfant eſtoit viuant, ie trouuoy lorifice de la matrice de la largeur d'un anneau, dont ſe lacent les femmes de village, ſans aucun ply

Observations

ny fronceure qui peust promettre de se pouuoir iamais dilater, sur cela ie croyoy que l'enfant ayant fait des efforts, pressé par ceste longue colicque, & ne trouuant issuë, fust mort à la peine, ie fey appeller feu Monsieur Marchand le fils, chirurgien expert aux accouchemens des femmes, avec Monsieur Pietre le Chirurgien, homme fort capable & entendu, avec Madame Françoisse ancienne sagefemme, & en la presence des Medecins susdits, nous consultasmes de ce qui pouuoit estre de cest enfant par plusieurs fois, il fut conclu par tous, que l'efant estoit mort: Car tous les signes que les Anciens ont remarqué pour cognoistre si vn enfant est mort, estoient en ceste femme là, la bouche si mauuaise, qu'on ne la pouuoit approcher, les excrements qui sortoient d'elle si extre-

mement puants, qu'ayant eſté à ſes affaires dans la chambre, l'on ne pouuoit durer depuis la caue iuſqu'au grenier elle auoit l'œil terny, le ventre infiniment froid, & quād elle ſe tournoit d'un coſté, tout le ventre ſe tournoit comme vne groſſe maſſe, les vns parloyent de l'operation Cæſarienne, mais les Medecins, ny Chirurgiens, n'y voulurent pas conclurre, reſoudāt que ce ſeroit hazarder de faire mourir la mere, ſans rien pouoir eſperer de l'enfant, remettant l'affaire en la main de Dieu, & de la Nature, elle demeura cinq ſepmaines au liēt, cela eſtant ſi long, chacun la laiſſa elle ſe leua & ſortit quelque peu, quinze iours ou trois ſepmaines apres; les deux mois accomplis, du commencement elle me vint veoir qu'elle ne paroifſoit plus groſſe, el-

I e me pria de la toucher ; me
contant qu'il y auoit vn iour
& demy qu'elle rendoit merueil-
leuse quantité d'eau froide , com-
me glace , la touchant ie trouuay
l'orifice de la matrice qui auoit
paru à nous tous ne se pouuoir ia-
mais dilater , dilaté de la largeur de
la paume de la main , ie la renuo-
yay chez elle , où elle accoucha le
mesme iour d'une tres-belle fille
saine & druë , son mal prouenoit
de ce que son mary estoit vallet de
chambre d'un gentil-homme , le-
quel elle attendoit tous les soirs
iusques à minniçt où vne heure ,
se relevant de terre , où elle se
veutroit , se trouuant enrhumée
beuuoit vne grande potée d'eau ,
engendra de grandes cruditez , &
amassa beaucoup d'eues lesquel-
les causerent la colique laquelle
cessant assiegerent l'enfant par leur

grandes frigiditez cauſant tous les ſignes ſuſdits, tellement qu'il n'y a reigle ſi eſtroitte où il ne ſe trouue de l'exception.

*D'une femme à qui ie tiray vne pierre
du col de la veſſie trois mois
apres qu'elle fut accou-
chée.*

CHAP. XL.

IL y a enuirõ ſept ans qu'une fem-
me me vint trouuer accõpagnée
d'une autre, laquelle me conta
que depuis trois mois qu'elle a-
uoit accouché elle auoit toujours
eu vne extreme douleur en yri-
nant, & qu'elle auoit bien eu l'ad-
uis d'une douzaine de ſages fem-
mes, & qu'elles s'eſtoient trou-
uées toutes d'aduis differents, ſur
vne petite choſe blanche, qui pa-

roissoit, que l'une disoit que c'estoit l'os barré qui estoit rompu, l'autre disoit que c'estoit la portiere qui estoit pourrie : l'autre disoit que c'estoit le bout d'un hoyau, les autres disoient qu'elles ne luy en eussent sçeu que dire, finalement ie trouuay que c'estoit le bout d'une pierre qui estoit dans le col de la vessie, qui estoit blanchi à cause de l'air, elle estoit longue de trois doigts, pointuë par le bout, courbée par le milieu, & grosse cōme le doigt d'un homme, ie pris vne pincette du petit estuy de mon mary, sans dire ce que i'en voulois faire, desirant auoir l'honneur de la tirer la prenant avec ceste pincette par le menu bout, à cause qu'elle estoit grosse au milieu elle m'eschappa, ce que voyant ie portay le doigt le long du col de la vessie, soudant sa longueur ie mis le

bout du doigt derriere & pouſſant
i'en fis paroître vn grand bout le-
quel tenant i'acheuay de la tirer,
ie luy voulu faire vne injection, à
cauſe que la pierre eſtoit racheuſe
& ſanguinolente, elle ne le voulut
permettre & ne laiſſa vne ſeule mi-
nutte de faire ſon meſnage, ç'auoit
eſté l'enfant qui preſſant la veſſie,
l'auoit mis à fil dans le col d'icelle,
ie ſuis marrie qu'aucunes de nos
ſages femmes ſçachent nommer ſi
malla matrice que de l'appeller la
portiere, hor-mis la Chreſtienté
elles ſont auſſi beſtes que celles qui
ont des portieres.

*D'une Damoiselle que j'accouchay
de deux enfans l'un mort, &
demy pourry, l'autre vif
& sain.*

CHAP. XLI.

IE fuz appellée il y a environ neuf
ans pour accoucher vne damoi-
elle du pays d'Anjou, laquelle n'e-
stoit grosse que de sept mois huit
iours, ie la trouuay en grand tra-
uail, elle accouchoit en la façon de
son pais à genoux, ie la touchay, &
trouuay les eaues de l'enfant qui se
presentoient, prestes à percer, ie
luy dis qu'elle eust courage & qu'elle
accoucherait promptement, &
que les eaues alloient percer, elle
me dit que s'en estoit fait, & qu'elle

les l'estoient: elle diſoit vray & moy
auſſi, toutesſois ie ne le voulu conte-
ſter contre elle, ſçachât qu'il n'eſt pas
touſiours à propos de contredire les
malades encores qu'on connoiſſe
le contraire de ce qu'ils diſent, les
douleurs la preſſant, les eaues d'un
enfant ſe rompirent, qui eſtoient
toutes noires, & elle accoucha d'un
enfant mort, ſi gros & contrefaict
que ie n'ay rien veu de ſemblable:
Car quand un enfant eſt tourné &
mort, toutes les humeurs tombent
à bas, ne trouuant plus de chaleur
naturelle qui les repouſſe, il eſtoit
donc effroyable à veoir, & auoit la
teſte demy applatie, & verte, & n'y
auoit plus ny d'erne, n'y epiderme
entier, ſi toſt qu'elle fut accouchée,
la voulant deliurer, ie trouuay un
autre enfant qui ſe preſentoit les
pieds deuant, lequel ie tiray, la
Damoifelle croyoit que ce fuſt ſon

deliure, mais quand elle l'entendit crier, elle fut bien estonnée, l'ayant couchée, & pensée elle me voyant remuer celuy-là, puis me voyant leuer du foyer, elle me demanda où estoit l'autre, ie luy dis qu'elle louast Dieu d'en estre deliurée, & qu'il estoit mort de longue-main, elle m'aduoua que le mal estoit prouenu, où d'auoir esté poussée au Palais, sollicitant vn proces, où bien d'une mauuaise habitude qu'elle auoit de s'appuyer sur le coin d'une table, & qu'elle croyoit asseurément, que la faute en venoit de-là. I'ay veu l'enfant nourrir neuf mois deuant moy, lequel elle fit apres emporter en Anjou, c'est en quoy la nature se fait admirer, de dire que le vifaye chassé le mort, & que le mort n'ait tué le vif.

*D'une Dame que i'accouchay d'un
enfant mort lequel elle ſentit ne
bouger depuis ſix mois iuſques
à ſept & le rendit tout dur
& repercuté & l'ar-
riere-faix auſſi.*

CHAP. XLII.

I'Accouchay vne Dame il y a en-
uirō ſix ans, laquelle fut vn mois
entier ſans ſentir bouger ſon en-
fant, les Medecins & moy fiſmes
tous les remedes qui ſe peuuent
faire pour veoir ſi l'enfant pourroit
remuer: Mais ce fut en vain, il ne
ſe ſentit autre choſe qu'appliquant
vne trenche d'une rouelle de veau
lardée de clox de giroſſe, poudrée
de muſcade, arrouſée de maluoï-
ſie, puis roſtie ſur le gril, & applic-

Observations

quee dans vn linge sur le ventre, qu'une chose qui se haussait qui estoit le corps de la matrice, laquelle estoit si refroidie de contenir cest enfant mort, que sentant la chaleur qui la consolait elle s'en approcha. Il fut bien reconnu ce qui en estoit, elle n'eust jamais pendant tout ce temps-là une douleur de cœur, ny mauvais rapport à la bouche, elle eust toujours bon œil, & bon visage, son ventre ne se tournoit à coup, comme il fait à celles qui ont de enfans morts, & neantmoins il l'estoit, c'estoit qu'il n'y avoit pas grand' quantité d'eaux, mais elles estoient si froides que par leur frigidité, elles repercutèrent & l'enfant & l'arriere faix, de telle sorte qu'il s'estoit plustost endurcy que tumifié, ce qui empêcha les signes décrits par les an-

eiens, qui ne ſont caulez que par corruption & pourriture.

*D'vne Damoiſelle que i'accouchay à
ſept mois de deux enfans la fille
eſtoit hydropique & le fils
ne l'eſtoit pas.*

CHAP. XLIII.

VNe Damoiſelle deſirant ſe ſeruir de moy m'enuoya querir, ie la fu veoir vn matin où ie la trouuay qui ſ'habilloit, ie ne vy iamais vn tel ventre, qu'elle auoit, elle commanda à vne ſienne ſervante luy faire vn cliſtere, comme elle auoit accouſtumé & qu'elle ſentoit douleur de reins, ie luy donnay le cliſtere & vei ſon mal de reins ne diminuër, ie la chauffé & reconnu en peu d'heure, qu'elle

Observations

estoit en trauail ; elle me conta auoir par l'ordonnance de Monsieur Martin Medecin fort docte esté seignée , sus la grosseſſe six fois , pris trois ou quatre medecines , biē cent cliſteres , autrement qu'elle euſt eſtouffé : elle en accoucha heureuſement , ſans beaucoup de peine , d'une fille laquelle venoit le chef deuant ; venant à ſortir , ie ſenty vne telle durezza qu'il me ſouueint d'un enfant que Monsieur du Laurens , premier Medecin du Roy dit auoir veu à Sens en Bourgogne , en la boutique d'un Chirurgien , qu'une femme à porté dix huit ans , & eſt dur comme vne pierre , ie penſoy en tenir vn ſemblable , ie vey vne fille viuante & hydropique depuis la teſte iuſques aux cuiſſes , ſi dure qu'il ne ſe peut rien veoir de plus dur , & iuſques aux leures , il ſembloit que l'on tou-

chast du bois, elle auoit le ventre
 gros & tendu comme vn balõ, noir
 extremement , & sembloit que
 pour son extension il n'y auoit pe-
 tite ranufication de veine , qui ne
 fust rompuë, l'enfant vescu enuiron
 vn quart d'heure, encore qu'elle fut
 bien grosse ie pēsay qu'elle n'estoit
 suffisante d'auoir occupé ce ventre-
 là, voyant sa foiblesse, ie liay & cou-
 pay son vmbilic & l'enuoyay tenir
 deuant le feu, & enuoyay querir
 le Vicaire de S. Leu Saint Gilles
 pour luy donner le Baptême. Ce-
 pendant ayant touché la Damoy-
 selle: Je trouuay les eaues d'un au-
 tre enfant, prestes à rompre , les-
 quelles estant rompuës, il se pre-
 senta vn petit garçon les pieds de-
 uant , qui estoit fort & dru , & à
 vescu quelque temps, le petit gar-
 çon venant à naistre, il sortit vne si
 grande quantité d'eau de la mere,

qu'il ne s'en veit iamais tant: ie croy
qu'il y en auoit vn Iceau, & estoiet si
iaunes, que les linges qui en estoiet
moüillez en estoiet teints: ie desi-
ray que M^r Martin veit la mere &
les enfans avec l'euacuatiō, d'autāt
qu'il l'auoit pensēe durant sa gros-
sesse, à celle fin de veoir la cause de
son mal, il estima vn grand don de
Dieu, dequoy elle estoit deliurée,
& que c'estoit vne vraye gangrei-
ne que le ventre de la fille hydro-
picque, ce n'a esté en celle-là seu-
lement, où i'ay recogneu que na-
ture à vne grande prouidence, de
ce sçauoir deffaire, de ce qui luy
est nuisible: pourueu que le mal
soit contenu en lieu, où ie puis-
se auoir issuë, ie ne m'estonne-
ray iamais des hydropisies de ma-
trice: car i'en ay veu plusieurs
dont les meres sont toutes échap-
pees, & la pluspart des enfans: ie
mon-

monſtray le liēt de ſes deux enfans à Monſieur Martin, il n'y en auoit qu'un pour les deux, avec la ſeparation ordinaire de leur place, le giſte de la fille eſtoit plein d'une glaïre iaune, & les veines par leſquelles eſtoit portée ſa nourriture en ſa veine vmbilicable, eſtoit pleine d'un ſang iaune, ainſi que l'on le tire ordinairement d'un plureti- que, le giſte du garçon eſtoit beau, & net, les veines par où eſtoit portée ſa nourriture eſtoient groſſes & pleines d'un beau ſang vermeil, ie l'ay veu deux outrois iours apres ſa naiſſance, il eſtoit deuenue iaune cōme fōt ordinairement la pluſpart des enfans, & auoit toutes ſes fonctions naturelles, mais il auoit telle quantité de phlegmes, que quoy que l'on y peut faire, il fut impoſſible de le ſauuer, & tout le mal de la Damoiſelle & des enfans eſt venu

Observations

par la confession d'auoir beu, elle dit qu'à tel repas elle a bien beu trois chopines d'eau, pour la grande alteration qu'elle auoit: l'ay souvent entendu dire aux Medecins, que telles intemperies viennent d'une chaleur de foye comme tesmoignent bien les iaunisses qui estoient au sang & aux eaues.

D'une femme que j'ay accouchée de deux enfans, laquelle deuenoit folle courant les rues, le cinquiesme iour de ses couches, & comment elle tombant au pareil accident, en fut retirée.

CHAP. XLIIII.

IE diray ce que j'ay veu aduenir à une femme du fauxbourg Saint Germain, laquelle j'ay cognu d'en-

fance , & eſtions proches voiſines
lors que ſon premier accident luy
arriua enuiron l'an mil cinq cens
quatre vingt & ſix , elle accoucha
de ſon premier enfant , lequel e-
ſtoit mort en ſon corps , feu Mon-
ſieur Milot Medecin , auquel ce-
ſte femme appartenoit de quelque
choſe , voyant ſon trauail faſchéux
enuoya querir vne ſage femme
qu'il cognoiſſoit , luy ayant aban-
donné la femme la pria d'y faire ce
qu'elle pourroit , elle ſe mit apres &
la deliura , elle fut aſſez mal gardée,
ie diray en paſſant qu'il ne ſuffit pas
qu'une femme ſoit bien accou-
chée , pour bien releuer , vne gar-
de qui ne l'entend pas , cauſe beau-
coup de mal , comme ie diray cy a-
pres: enuiron cinq ou ſix iours apres
ſon accouchement l'eſprit luy tour-
na , & fut tellement tolle , quatre
ans durant qu'il ne ſe veid iamais

rien de semblable, car elle alloit malgré son mary, & ceux qui l'agardoient toute nuë sans chemise par les ruës, & se fourroit par les maisons, où elle faisoit frayeur à ceux qui la voyoyent, environ au bout des quatre ans elle se remit vn peu, peu à peu estant du tout remise, au fort du siege de Paris elle accoucha d'une fille, dont elle estoit deuenue grosse sur la fin de sa folie, elle n'eust accident aucū en sa couche, ny apres, car les viandes quelle mangeoit ne luy enuoyoyēt point de lait aux māmelles ny ne faisoient tant d'excremens que les vapeurs luy en peussent monter au cerueau: il y a environ dix ans qu'elle accoucha de deux enfans, l'un mort, & l'autre vif, ie ne l'a seruy en ceste couche, & le cinquiesme iour elle ne faillist d'entrer en sa folie, qui fut telle que le quinziemesme iour, el-

le fiſt tant qu'elle enuoya ceux-là qui la gardoient, l'un deçà, l'autre delà, ils penſoyent qu'elle commençait à ſe reſſeoir, elle alla arracher le ſiege d'un priué, & ſe ietta dedans, Dieu la preſerua: car elle demeura accrochée par ſes habits, à quelque bois qui auoit autre-fois ſerui à l'écherfaudage, ceux qui la gardoient reuenans à la chambre ne la trouuant, furent fort effrayez, & d'autant qu'en toutes ſes deux folies, elle auoit tous-jours taſché de ſe ietter aux priuez, ils allerent voir, & trouuerent le ſiege dehors, & effraiés, appellerent de l'aide pour la tirer: elle fut trouuée viuante & nullement bleſſée, ce fut de l'heure qu'elle ſe modera vn peu, toutefois elle fut dix-huit mois ſans eſtre du tout remiſe: Ce qu'eſtant deux ans & demy

Observations

apres elle accoucha, & m'enu-
yant querir m'ayant au parauai
parlé, ie recognus que c'estoit tra-
uail: mais il n'y auoit enfant tou-
né, elle auoit le ventre si tend
que ses enfans ne pouuoient fair
leur culbute, ie sçeu d'elle qu'elle
estoit opilée de cinq iours, & lu-
fist bailler clistere, lequel aiant
rendu les excremens hors, vne
grosse fille se tourna, & a six heu-
res du soir elle prist le clistere, à
minuit elle accoucha, & la tou-
chant ie trouuay vn aultre enfant,
fort loin encore de venir, lequel
venoit aussi le chef deuant contre
l'ordinaire: car le plus souuent y
en ayant deux, le premier vient
bien, & l'autre le cul deuant ou les
pieds: ce que i'ay peu faire, fut de
la bien nourrir, luy dōner courage,
lui ceder vn peu, cognoissant son

eſprit leger, elle demeura iuſqu'au
lendemain deux heures & demye
apres midy à accoucher de l'autre,
qui fut vn beau fils: le treuuy na-
ture preſque accablée à l'expulſion
de ce petit: car elle s'eſtoit toute
reſerrée & eſtât aſfoiblie de la lon-
gueur du trauail, eut plus de peine
au ſecond qu'au premier, ſ'il fuſt
mal venu, elle n'euſt tant enduré,
car venant mal l'on l'euſt peu tirer
incontinent apres l'autre ſans l'of-
fencer: mais venant le chef, la ſage
femme n'y doit iamais toucher, le
crane en eſt ſi delicat, qu'y penſant
toucher, l'on ne pourroit ſans bleſ-
ſer le cerueau, de telle aduance l'on
s'eſt mal trouué, à l'endroit d'une
illuſtre Princeſſe, dont la mort de
l'enfant en a bien cauſé d'autres,
les deux enfans dont i'ay parlé ap-
porterent, chacun ſur leur teſte la
membrane amnios, que l'on ap-

Observations

pelle leur coiffe, reuenant à la mere, voyant que Dieu auoit beny mon œuvre à l'endroit des enfans, ie le priay d'en faire autant enuers elle: ie la voyoy tous les iours pour voir d'où pouuoit prouenir la folie: car tous les parens, & ceux qui la cognoissoient ne croyoient rien moins qu'elle y deust retōber, i'e u le soin de la faire bien nourrir, luy dōner clysteres de deux iours l'vn, i'enseignay remede à sa garde pour faire euacuer son laiēt, d'autant qu'elle ne fut iamais nourrice, ce qu'elle negligea. Le cinquiesme iour de sa couche ie la fus voir, & la trouuay en fiebure, & mesme que ce iour là, elle n'auoit rien voulu prendre: ayant la veuë esgaree, avec des parolles qui ne se suiuoient nullement, & me disoit qu'elle auoit tant de resuerie en l'esprit, ie luy donna promptemēt vn clistere

& voulu voir ſon ſein , ie trouuay
que la garde n'y auoit rien fait , & ^{faire}
qu'il eſtoit fort dur , ie luy fis vne ^{euadé}
embrocation deſſus d'huile ro- ^{lait}
ſat & du vinaigre , & deſſus des
feuilles de choux rouges amorties
ſur le feu , & encores par deſſus vn
cataplaſme de bon miel commun
ſur des eſtoupes. Le lendemain ie
la fus reuoir , & la trouuay raiſſie
ſans aucune fiebure , & ſon laiçt
fort euadé. Ie fis continuer le re-
mede & les cliſteres , elle releua le
dixſeptieſme iour ſaine de corps
& d'eſprit , & a touſiours depuis ga-
gné la vie. Peu de choſe quelque-
fois faite à propos tirent des per-
ſonnes de grand inconuenient. Ie
diray que ie n'ay point veu de fie-
bure plus aigue , ny qui monte tât
au cerueau apres celle du chaud
mal , que celle cauſée par l'abon-
dance du laiçt. Dedans le liçt l'on

Observations

brusle & si tost que l'on met vne main dehors, les frissons courent par tout le corps redoublant la chaleur fait resuer & parler sans raison. Ceste femme a accouché depuis obseruant les preceptes que ie luy auois donné a esté garantie de retomber en cest accident qui a esté d'vser de clistere & faire prompte euacuation du laiët.

*D'une femme à qui l'on appuye trop
fort sur le ventre pour la
faire deliurer.*

CHAP. XLV.

IE reciteray icy vne chose aduenüe à vne ieune femme, que mon mary à pensée comme ie diray, c'est qu'elle estant accouchée pour la deliurer, la sage-femme dit à

yne nourrice qui eſtoit là, qu'elle appuyast fort ſur ſon ventre, ce qu'elle fit, fermant les mains avec grande force, de façon que la femme au bout de trois ſepmaines, eut telle ſuffocation de matrice qu'elle paroifſoit en deuoir mourir : Feu monsieur Riolant fut appellé, qui la fit ſeigner par m^o mary ſept fois en quatre iours, elle eut quelque peu de ſoulagement, mais les ſeignees ne peurent empêcher qu'il ne ſe fit vn abſces d'as la matrice, prouenant de la contuſion, que la femme fit en appuyant indiscretement ſur ſon ventre, lequel luy dura bien trois mois, & en fin vint à ſuppuration par le col de la matrice, & ietta plus d'une pinte de pus, lequel eſtoit ſi purulent qu'elle meſme ne pouuoit ſentir, ce qui ſortoit d'elle & demeura plus de ſix mois route cour-

Observations

bee, & depuis n'a peu auoir d'enfans, & selon l'indisposition du temps ressentant de grandes douleurs dans la matrice, qui me fait croire qu'il y pourroit bien estre demeuree quelque fistule. I'escry cecy conformement à ce que i'ay dit quand i'ay parlé d'extirper l'arriere faix, & de la façon qu'il s'y faut conduire, d'autant qu'il ne se fait point de petites fautes en vn accouchement.

*D'une femme qui porta son enfant
tourné deux mois huit iours,
& de la raison.*

CHAP. XLVI.

L'ON m'enuoya vn iour querir pour aller en vn village à deux lieuës de Paris, voir la femme

d'un Aduocat de la Cour de Parlement, laquelle on tenoit malade pour accoucher, elle n'estoit grosse que de sept mois moins huit iours, la cause du mal prouenoit d'une grande colere où elle auoit entré contre son fermier, le trouuant qu'il battoit l'un de ses enfans, elle se voulut mettre en deféce, & l'homme pris du vin où de colere la pensant ou feignant la vouloir frapper, luy passa vne grande perche pres du ventre, laquelle ne fit que glisser, elle s'esmeut tellement, qu'estant proche du terme que les anciens nous ont escrit, que les enfans font des efforts pour sortir, & sont par la nature retenus pour fortifier leur cuir, cest enfant se tourna à chef avec quelque douleur, la trouuant ainsi ie luy demanday s'y elle vouloit accoucher là, ou non, elle me dit que s'il

Observations

y auoit du temps pour aller accoucher à Paris , qu'elle le desiroit ne trouuant autre chose que l'enfant tourné sans formation d'eauë , ie crain qu'elle pouuoit venir à Paris & suyuant mon aduis, l'on prouuoit d'une litiere où l'on l'amena, le fermier fut emprisonné , & si elle fut accouchee auant son temps sans doubte le fermier eust encouru la mort. Je croy que la colere la possedoit tellement, que pour s'en venger elle l'eust désiré , moy qui le craignoy extrêmement à cause du pauvre homme i'y apporté tous les remedes qu'il me fut possible, la voyant presque tous les iours où ie la trouuoy quand il n'alloit pas à son gré, contre cet homme que la colere mettoit son enfant tout entre les os, ie luy representoy qu'elle se commandast & que la colere la faisant accoucher qu'elle couroit

hazard de ſa vie auſſi bien que l'enfant, & que ce n'eſtoit pas le moyẽ de ſe veoir vengẽe de ſon ennemy, & qu'encore qu'elle n'accouchaſt qu'a ſon terme, ſi l'enfãt eſtoit bleſſẽ dans ſon corps, que ſ'il y auoit quelque choſe de rompu qu'il paroĩſtroit ou ſi il y auoit contuſion qu'eſtant deuenue noire elle deuiendroĩt iaune & feroĩt l'õg temps ainſi qui feroĩt vn moyen de le faire punir : ie procurẽ ſi bien pour ceſt homme que ie ne vy iamais, qu'elle eſcoula deux mois huiẽt iours au liẽt, au bout deſquels elle accoucha d'vn fils qui veſcut deux ou trois mois, & le fermier fortĩt ſans eſtre puny que par la bourſe. Je diray a ce propos que les enfans ſe tournent quelquefois l'õg temps a quelques femmes auant que d'accoucher, & ſi elle ne ſentent douleur, elles ny font pas y regar-

der, & que le faisant aussi, si la femme demande à la sage-femme si l'enfant est tourné, & qu'elle die qu'ouy & qu'elle n'accouche, la pauvre sage femme est bafouée, & appelée ignorante, tellement que cognoissant ce qui en peut arriuer de la medifance, il faut qu'elle mette & dise que non, & la consequence du mal qu'il y a à en dire la verité, est que les femmes marchât beaucoup, & s'assoyant sur siege dur, blessent leurs enfans, tellement que ie ne conclus pas que tous les enfans se tournent de si bõne heure les vns tost & les autres tard, & les autres pendant le trauail, moy qui suis de l'estat, ie diray avec verité en auoir porté vn tourné six semaines faisant tous les iours ma vacation. Ceux qui diront qu'un enfant ne prend plus de nourriture depuis qu'il est tourné, se font plus de

de tort qu'aux ſages femmes ſur leſ-
quelles ils drappent , car ils mon-
ſtrent ne ſçauoir par quel moyen
l'enfant eſt nourry au ventre de la
mere, & pour en eſclaircir ceux qui
en doubteront , ie leur promets
que quand il leur plaira ie les accom-
pagneray à l'hoſtel Dieu, où il y a
nóbre de femmes groſſes accom-
pagnes du medecin dudit hoſtel
Dieu, ie leur leueray le doute leur
faiſant toucher & recognoiſtre la
verité, affin d'aſſoupir ceſte ſur-
priſe que l'on penſe faire ſur les
ſages femmes.

P

D'un enfant à qui ie trouuay le nombril noué à droit nœud tenant d'un bout au ventre de l'enfant, & de l'autre à l'arriere faix.

CHAP. XLVII.

L'Accouché il y a trois ou quatre ans vne hōnelle femme, laquelle auparauant que d'accoucher auoit eu des coliques estranges, auoit treuué son enfant fort foible deux iours auant que d'accoucher, ce qu'estât le nombril se treuua noué au droict nœud tenant à l'enfant & à l'arriere faix, & le nœud tout aplaty & serré, & l'enfant fort pers. Ce fut vne chose qui m'estonna fort, considerant comment cela estoit peu faire, le nombril estoit environ long de trois quartiers, & le

nœud estoit à vn quartier loing du ventre, elle me dit que pendant sa grande colique que l'enfant auoit estrangement remué. C'est sans doubte que les enfans participent à telles douleurs, il fallut que pendant ceste grãde agitatiõ il fit le tour du cerceau, & cõtinueant à remuer ferroit le nœud d'auantage, qui fut cause qu'il auoit grande difficulté à respirer & à prédre sa nourriture, d'autant qu'il failloit que le tout passast par le nœud, l'on ne peut que l'on ne treuue cecy fort estrange, aussi bien que i'ay fait, mais la femme, & trois de ses sœurs qui l'ont veu sont viuantes pour en tẽsmoigner la verité.

D'une Dame fort replette, qui mourut pour avoir mangé de la glace

CHAP. XLVIII.

L'ON m'enuoya querir de la part d'une honneste dame que j'aimois fort, femme d'un advocat de la Cour, c'estoit au mois d'Aoust estant au logis, ie la trouué aussi palle qu'une personne morte, elle me dit avec beaucoup de peine comme elle avoit eu le matin un grand flux de ventre, & que remontant des chambres aisees, elle avoit senty quelque chose luy faire mal dans le ventre, comme si quelque chose fut rompu, puis à l'instât une grande chaleur, dans iceluy, & se treuvant foible s'estoit remise au liêt, puis enuoyant sa servante à

boucherie auoit derechef eu enuie d'aller à ſes affaires ſ'eſtant com-
mēcée à leuer, accablée de foibleſ-
ſe fut contrainte retomber au liſt
où elle n'euiſt la force de retenir ſes
excrements, la ſeruante me dit en
ſa preſence que ſon mal venoit de
la glace qu'elle auoit mangé le ſoir
en uiron gros cōme les deux poings
que l'on luy auoit dōnée venant de
l'hoſtel de Gōdy elle l'auoia: ie luy
taſtay le poux, & encore que ie n'y
entēde guere, il me ſembla mortel,
d'autant qu'il montoit peu à peu &
alloit quelques fois ſi peu, puis plus
fort, comme vne chandelle qui
iette ſa derniere flame. Ie luy don-
nay à prendre du vin cepēdant que
i'enuoyé appeller ſon Medecin, A-
potiquaire mari, les voiſines, & le
Preſtre, ſon mal ne ſe pouuoit re-
cognoiſtre. Il fut appellé deux
bons Medecins qui apporterent

tous les remedes qu'il fut possible, mais iamais rien ne l'a peut faire re-
uenir. Ils penserent de luy faire ou-
vrir la veine, il eüst autant valu pic-
quer d'as du drap : car en deux lieux
où l'on la picqua, il n'en sortist ia-
mais vne goutte de sang. Elle mā-
gea la glace apres souper, le lende-
main à six heures le desuoyemēt de
ventre la prit, elle mourut à midy.
Je la vey ouvrir le lendemain par
M^r. Marchāt, lequel trouua tout
son sang tombé au ventre entre
l'epiploon & les intestins l'ayant
osté, il chercha le vaisseau par le-
quel il estoit tombé. Il trouua vne
veine grosse comme vn fer d'es-
guillette quatre doigts au des-
sous du principal, l'obe du foye
esclatee d'autre quatre doigts puis
rompue, il reconnut que l'exten-
sion faicte par la frigidité de la gla-
ce auoit en marchant fait rompre

le vaiſſeau, il ne fut treuué en tout ſon corps vne goutte de ſang, ſinon au ventre, meſmes elle auoit vn mauuais germe qui fut trouué cōme vne petite membrane ſans vne goutte de ſang.

*D'une femme qui porta au bout de
ſon tetin vn ſerpent dix
mois durant.*

CHAP. XLIX.

IE reciteray icy vne hiſtoire fort eſtrange, que ie tien d'un honneſte homme, m'aſſeurant avec beaucoup de ſerments eſtre veritable, l'ayant veu ie me trouuay enuiron l'an 1599. en la maiſon d'un honneſte bourgeois de ceſte ville pour voir ſa femme vexee d'un mal de longue curation pendant

lequel temps le mari curieux, & homme de grand entendement lequel auoit passé la plus part de sa ieunesse à voyager, m'entretenoit de choses estranges qu'il auoit veues, entre lesquelles des plus rares & dignes d'estre recitees, il me conta qu'il sejourna enuiron vn an en Allemagne, où estant en la ville de Strasbourg, il entendit qu'à deux lieuës de là il y auoit vne femme en vn vilage, laquelle son mari trauaillant aux vignes, elle y ayant aussi affaire pour y oster les mauuaises herbes, y portoit son enfant, & luy ayant donné à teter le couchoit sur vn oreiller, & le laissoit dormir pendant qu'elle trauailloit. Vn iour aduint que son enfant se resueilla; elle luy rendit sa mamelle pour le rendormir, & se couchant aupres l'allaitant s'endormit elle mesme, & par la pesanteur du sommeil,

tira ſa mammelle hors de la bouche de ſon enfant ſans la reſerrer. Vn ſerpent la plus fine & cauteleuſe beſte du monde, & qui ſçait le mieux diſcerner le bon d'auec le mauuais, alla doucement prendre ſa mammelle & ſe mit à tetter, & n'ayant iamais treuué choſe ſi excellente il ſ'empescha bien de la quitter, ſçachant que ſ'illa quittoit il n'en retrouueroit pas aiſement autant, tellement que la pauvre femme ſe reſueillant ſe trouua ſi effroyee qu'elle penſa mourir de peur, & ſ'eſcriant ſon mary vint à elle, lequell'ayant veu fut auſſi eſtonné qu'elle, & prit ſon enfant & emmena ſa femme en ſa maiſon ſans iamais oſer toucher à cette beſte, & enuoya querir vn medecin fort habille homme, lequel appor-
ta tous les remedes qu'il luy fut poſſible pour faire quitter priſe au

serpent, tant par luy mettre chose
cuisante & fort sur la teste, en fin
voyant que les remedes exterieurs
n'y faisoient rien, aduila de faire
prendre remede à la femme afin
qu'il peult faire changer la dou-
ceur du lait, & tout ce qu'il feust
iamais possible d'y faire ne sceut
faire quitter prise à ce melchant a-
nimal, l'on craignoit, si l'on le bles-
soit qu'il ne mordist la femme, sca-
chant que les dents sont vene-
neuses, tellement qu'elle le por-
ta attaché à sa mammelle bien dix
mois, par l'espace duquel temps,
il deuint si long & si gros, qu'elle
le portoit dans vne seruiette qu'elle
auoit attaché à son col, laquelle il
remplissoit, & le lait qui souloit
aller à ses deux mammelles n'alloit
qu'à celle que le serpent tetoit, dès
le commencement, le mary mit
son enfant en nourrice, tellement

que tous ceux qui auoient veu
ceſte beſte du commencement
petite & tant accreuë, perſuaderēt
à ceſte femme d'aller à dix lieues de
là, treuuer le maſtre d'vne hoſtel-
lerie nommé Barillet, lequel les
ſçauoit charmer, luy remonſtrant
que ſi ceſte mauuaſe beſte venoit à
mourir de graiſſe, elle luy pourroit
ietter du venin, & qu'il n'y auoit
partie en tout noſtre corps, qui euſt
tant de cōmunication avec le cœur
que la mammelle, elle ſe reſolut d'y
aller, laquelle eſtant arriuee ceſt
homme là tança fort d'auoir tant
demeuré à l'aller trouuer, luy aſſeu-
rant luy faire quitter priſe auant vn
quart d'heure ſans qu'elle en receut
aucun deſplaiſir l'ayant fait repo-
ſer, & prédre du vin, fit vn cerne, &
commença à dire certains mots,
trois ou quatre qu'il nourriſſoit
ſous la table cōmencerent à entrer

au cerne, il dit de rechef quelque chose, celuy qui tenoit la femme la quitta, & faulta avec les autres & se dressa sur sa queue, celuy qui l'auoit appellé, luy mit vn morceau d'escarlata dans la gueule, & luy tira ses dents, la femme serra son retin & s'en vouloit fuir, le maistre du logis l'arresta s'assurant qu'il n'iroit plus vers elle, & se mit avec les autres. Celuy qui me la compté m'a assuré l'auoir veu petit, qu'il n'y auoit pas huiët iours qu'elle le portoit, puis au bout de sept ou huiët mois, & depuis au logis de ce Barillet, & disoit-on que iamais il ne s'en estoit veu de semblable rât en longueur qu'en grosseur, chose qui monstre à l'œil combien il ya de substance au laiët de la femme.

La raiſon pourquoy des enfans viuent à ſept & à huit mois, & les autres n'y peuvent viure.

CHAP. L.

ILy a des enfans nez à ſept mois qui viuent & ſe portét fort bien, voire ſur le huitieſme mois, & ſpecialement des filles, mais c'eſt ſelon la diſpoſition du corps d'où elles ſortent, & les fils auſſi, & les cauſes pour leſquelles ils ſont ſortis. Il ſe treuve des fēmes fort ſaines & bien cōpoſées, d'ailleurs qui ont la capacité de la matrice ſi petite que l'enfant ayant attint le ſeptieſme mois venant à faire les efforts que les anciēs ont eſcrit, qu'ils font pour fortir en ce tēps là, forcent la matrice de ſ'ouurir à cauſe de ſa petiteſſe, telles femmes produiſent

Observations

ordinairement tous les enfans à se
terme pour les raisons susdites,
d'autres venant à tomber donnant
vne grande secousse à la matrice,
fait que l'enfant se desplace, com-
me i'ay dict, parlant des accouche-
mens avant terme, & par la pesan-
teur fait ouurir la matrice d'où s'en-
suit l'accouchement, tels enfans
peuvent viure à sept mois, mais si
la cheute estoit si lourde que les
Cotiledons se separassent de l'arriere-
faix, par le moyen de quoy est por-
té la nourriture & le sang arterial à
l'enfant, il n'en faudroit esperer
vie, estant priué à l'instant que ce-
la est separé de respiration, ne pou-
uant estre vn iota sans aspirer, l'un
luy manquant venant à aspirer par
la bouche se noye à l'instant par les
eauës, & quant les eauës seroient
escoulees ne laisseroit de mourir,
n'y ayant air suffisant en la matrice

pour le faire viure , si vne femme accouche à cause d'une trop grande plénitude de sang, il n'en faut pas esperer d'auantage , d'autant qu'auant que le sang ayt contraint l'enfant à sortir , il l'en a tellement remply qu'il en est demy suffoqué, comme ordinairement l'on voit qu'ils sont tous noirs : d'estre sortis par vne grande abondance d'eauë , laquelle ne peut plus estre contenue dans les membranes qui environnent l'enfant , de façon qu'elles sont contraintes de se rompre, l'enfant venant à bouger , & par consequent la femme accouche tels enfans sont remplis d'eauës, comme les autres que i'ay dit, sont de sang, & viuent encores moins, imitant les poissons qui estant hors de l'eau meurent incontinent; tous les enfans nagent dans l'eau, & estant hors ne laissent de viure, mais la quã-

tité excessiue qui les a fait sortir, prouient d'une intemperie qui est au foye qui fait plus d'eauë que de sang, & cela estant ils sont nourris de ce mauuais suc au lieu de bon sang. Je voy beaucoup de femmes à qui l'une de ces deux causes-là causent l'accouchement: & parce que l'on dit que les filz viuent à sept mois, & les filles à huiët, taschent d'atteindre ce terme au bout duquel elles ne se treuuent gueres plus edifiees pour les causes que i'ay dites, partant congnoissant leur habitude deuroient faire faire bõne consultation pour remedier au mal futur. Il s'en voit comme i'ay dit parlant des accouchemens auant terme qui ont le sang si subtil, que à la moindre esmotion il se met à fluer, i'ay dit comment il le fault grossir: mais i'auois obmis de dire que le plus grand remede à tous les
maux

les maux ſuldicts & ſpeciallement au dernier, eſt de ne coucher avec leur mari, & toute femme ſubiette à accoucher auant terme, par quelque raiſon que ce puiſſe eſtre n'y doit coucher.

Pour faire reuenir le laiët.

Souuent les femmes eſtant nourrices ſont ſubjettes par pluſieurs cauſes à perdre leur laiët, qui ſont frayeur, falcherie, collere, maladie, mauuaïſe nourriture, melancolie à quoy l'on peut apporter remede prenant tous les ſoirs & matins vn potage gras ou maigre, où l'on mette poiree, faneuil vert, chicoree oſeille, laiëtue, & quand les herbes ſeront demy cuittes, ayez vne dragme de graine de laiëtue blanche de la plus nouuelle pilee & miſe dans vn nouët de linge bouilly vn quart d'heure d'as le potage puis

Observations diuerses.

pressez le, tel potage faiët reuenir le laiët pourueu qu'il ne soit point perdu par humeur amoureuse, cela est vn mal sans remede : Celles qui le perdent par vne melancollie sont plus difficilles a le faire reuenir, que ne sont celles qui le perdent par les autres causes que i'ay dictes : d'autant que l'amour & la melancollie, ce sont feux qui consomment la source du laiët, l'eau d'auoine y sert beaucoup aussi à boire, comme fait la premiere puree de pois: auquel est bouilly fenouil vert, dequoy se peuvent fomentier les mamelles soir & matin iusques sous les aisselles: celles qui sont mauuaises nourrices ont beau faire ces remedes, elles n'en sçauroient estre gueres meilleures, mais i'entens parler des bones nourrices qui par l'vne de ces causes perdent leur laiët.

F I N.



TABLE DES CHAPITRES contenus en ce present liure d'Obseruations.

A, signifie la premiere page, & B, la seconde.

- P**ourquoy plusieurs femmes ne peuuent porter
enfans. chapitre 1. feuillet 1
- P**ourquoy le fruiet conceu n'est conserué ius-
ques au terme ordinaire. chap. 2. feuil. 12. b
- Emplastre fort propre pour retenir l'enfant, en appli-
quant une sur les reins, & l'autre sur le nombril.
feuil. 28. 20
- Moyen pour cognoistre si une femme est grosse. chap. 3.
feuil. 34. b. 25
- Les raisons pour lesquelles aucunes femmes sont plus en-
clines à porter des faux germes, que des enfans, & le
moyen d'en discerner la grossese. ch. 4. feuillet. 27. a
- Le moyen d'accommoder la peau d'occagne aux fem-
mes qui en portent estant grosses. feuillet. 38. b
- Uraye pommade dont la femme doit vser estant grosse,
craignant que son ventre ne se gaste. feuillet 38. b
- Pour des femmes lesquelles estant grosses sont subiectes à
des goutes crampes, & le moyen de les oster. feuil. 39. a
- Qij

T A B L E

- Qu'il y a un accident où il faut promptement accoucher
une femme à quelque terme que ce soit pour conser-
uer sa vie.* ch. 5. feuillet. 32. a
- Comment il faut que la sage femme se gouverne à un
accouchement auant terme.* ch. 6. fucill. 35. a
- Des accouchemens à terme où les enfans ne viennent
pas bien, & de combien de façons l'enfant se peut
presenter, qui sont douze,* ch. 7. fueil. 37. b
- Des femmes à qui les eaux percent long temps auant
l'accouchement.* chap. 8. feuillet 45. a
- Pour iuger quand une femme se trouue mal, si c'est
travail.* ch. 9. fueil. 47. b
- Pour la situation de la femme en travail.* ch. 10. fueil.
48. b
- Le moyen d'oster la colique à une femme qui est en tra-
uail, l'ayant discernée, & faciliter l'accouchement,*
chap. 11. fueil. 50. a
- Pour celles qui accouchent de deux enfans, comment la
sage femme s'y doit gouverner.* ch. 12. fueil. 51. a
- Ce qui se peut donner à prendre à une femme en tra-
uail.* ch. 13. feuillet 52. b
- Le moyen d'expulser l'arrierefaix aux femmes estans
accouchees.* ch. 14. feuillet 54 b
- Pour faire qu'une femme accouchant du premier en-
fant n'aye iamais de trachees,* ch. 15. feuillet 57. a
- Pour le desuolement de l'amary, & des remedes pro-
pres à iceluy.* chap. 17. feuillet 59, b
- Pour remedier aux extremes pertes de sang qui arri-
uent souuent aux femmes incontinent apres estre ac-
couchees.* ch. 18. feuillet 60. a
- De ce qui se doit faire à une femme si tost qu'elle est ac-
couchee & du bandage,* chap. 18. feuillet 61. b

DES CHAPITRES.

Pour les femmes qui ont beaucoup de sang, & neant-
moins ne se purgent point en accouchant, ny apres
estre accouchees, chap. 19. fueillet 63. a

Pour celles qui ont peu de sang. chap. 20. fueil. 64. b

De quelle façon doiuent viure les accouchees, chap. 21
fueil. et 66. a

Du lauement, dont l'on doit vser à vne femme, l'espace
des huit iours premiers de sa couche. ch. 22. fueil. 67. b

Des remedes differents pour faire perdre le lait aux
femmes, & des autres effects qu'ils ont, outre celuy-
la de luy faire perdre le lait. chap. 23. fueil. 68. a

Du danger qu'il y a à vne femme de se purger les pre-
miers iours de sa couche. ch. 24. fueil. 77. a

Du second lauement pour les femmes. ch. 25. fueil. 78. b

De ce qui se doit faire aux enfans si tost qu'ils sont nez.
fueillet 78. b

Du dernier lauement pour les femmes chap. 26. fueillet
80. a

D'un astringent pour les femmes qui en auront be-
soin. fueillet 80. b

Des Ciroides pour les femmes. fueillet 81

Pour nettoier vne femme qui veut releuer de couche,
fueillet 81. a

Le moyen de choisir vne bonne nourrice, & des quali-
te requises en icelle, chap. 27. fueillet 81. b

Ce qu'il faut faire aux extremes trenchées des enfans,
chap. 28. fueillet 84. b

Ce qu'il faut faire aux enfans qui ont beaucoup de
phlegmes. chap. 29. fueillet. 85. a

Ce qu'il faut faire aux enfans qui ont les bourses gros-
ses de vents. chap. 30. fueillet. 86. a

Le moyen d'oster le chancre de la bouche des petits en-

TABLE.

- fans & la cause dont il prouient. ch. 31. fucil. 86.b*
Pour les enfans à qui le boyau tombe estans petits. ch.
32. fueillet 87.b
Pour faire vnguent pour fortifier les iambes & cui-
ses d'un enfant si debiles puissent elles estre & le
faire marcher. ch. 33. fueillet 88.a
Des cheutes ou relaxations de la matrice & de la
cause. chap. 34. fueillet 89.a
Les remedes aux cheutes ou relaxations de matrice.
fueillet 90.a
D'un mal qui se prend souuent pour cheute de matrice
& neantmoins ne l'est pas, & le moyen de le gue-
rir, chap. 35. fueillet. 92.a
De la neccessité qu'il y a qu'une sage femme voye l'a-
natomie de la matrice. ch. 36. fucillet 93.a
Pour guerir les enfans de la cheute du siege. chap. 37.
fueillet 94.a
Obseruation premiere d'une femme qui rendit bien de-
my seau d'eau trois mois auant que d'accoucher. ch.
38. fucillet 94.b
D'une femme de qui l'on croyoit l'enfant mort depuis
sept mois, iusques a neuf, sans qu'il remuast aucune-
ment, chap. 39. fueillet 95.b
D'une femme a qui ie tiray vne pierre du col de la ves-
sie tr is mois apres qu'elle fut accouchee. chap. 40.
fueillet 98.a
D'une Damoiselle que i'accouchay de deux enfans, l'un
mort & demy pourry, l'autre vif & sain. chap. 41.
fueillet 102.b
D'une dame que i'accouchay d'un enfant mort lequel
elle sentit bouger depuis six mois iusques a sept &
le rendit tout dur & repercuté, & l'arriere-faix

DES MATIERES.

- aussi. chap. 42. feuillet 101. a
 D'une Damoiselle que i'accouchay à sept mois de deux
 enfans, la fille estoit hydropique, & le fils ne l'estoit
 pas. chap. 43. feuil. 102. a
 D'une femme que i'ay accouchée de deux enfans, la-
 quelle deuenoit folle courant les rues, le cinquiesme
 iour de ses couches, & comment elle tombant au pa-
 reil accident, en fut resiree. chap. 44. feuillet. 104. b
 D'une femme a qui l'on appuie trop fort sur le ventre
 pour la faire deliurer. chap 45. feuillet 108. b
 D'une femme qui porta son enfant tourné deux mois
 huit iours, & de la raison. ch. 46. feuillet 109. b
 D'un enfant à qui ie trouuay le nombril noué à droit
 nœud tenant d'un bout au ventre de l'enfant, &
 de l'autre à l'arriere faix. chap. 47. feuillet 112. b
 D'une Dame fort replette, qui mourut pour auoir mā-
 gé de la glace. chap. 48. feuillet 113. b
 D'une femme qui porta au bout de son tetin vn serpent
 dix mois durant. chap. 49. feuillet 115. a
 La raison pourquoy des enfans viuent a sept & à huit
 mois, & les autres n'y peuuent viure. chap. 50. feuil-
 let 118. a
 Pour faire reuenir le laiēt. feuil. 120. a

Fin de la table des chapitres.



